

第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿
妙覺-普光明殿



四. 十迴向 – 兜率天宮

昇兜率天宮品

兜率宮中偈讚品

十迴向品



華嚴經十迴向品之金剛幢菩薩說十迴向法之一

入三昧		爾時，金剛幢菩薩承佛神力，入菩薩智光三昧。
十方佛加持說法二十一種因緣	十方佛加 (根本智)	入是三昧已，十方各過十萬佛刹微塵數世界外，有十萬佛刹微塵數諸佛，皆同一號，號金剛幢，而現其前，咸稱讚言：善哉！善哉！善男子！乃能入此菩薩智光三昧。善男子！此是十方各十萬佛刹微塵數諸佛神力共加於汝，
	佛神力加	亦是毘盧遮那如來往昔願力、威神之力，及由汝智慧清淨故，諸菩薩善根增勝故，令汝入是三昧而演說法；
	總說	為令諸菩薩得清淨無畏故，
	涅槃十波羅蜜因緣	佛具無礙辯才故，
		法入無礙智地故，
		僧住一切智大心故，
		精進成就無盡善根故，
		禪定滿足無礙白法故，
		般若入於普門法界故，
		方便現一切佛神力故，
		願前際念智不斷故，
		力得一切佛護持諸根故，
		智以無量門廣說眾法故，
	菩薩十波羅蜜因緣	佛聞悉解了受持不忘故，
		法攝諸菩薩一切善根故，
		僧成辦出世助道故，
		精進不斷一切智智故，
		禪定開發大願故，
		般若解釋實義故，
		方便了知法界故，
		願令諸菩薩皆悉歡喜故，
		力修一切佛平等善根故，
		智護持一切如來種性故，
	十種眾生因緣	所謂：演說諸菩薩十迴向。佛子！汝當承佛威神之力而演此法，得佛護念故，安住佛家故，增益出世功德故，得陀羅尼光明故，入無障礙佛法故，大光普照法界故，集無過失淨法故，住廣大智境界故，得無障礙法光故。
	諸佛與十波羅蜜智加持	爾時，諸佛即與金剛幢菩薩無量智慧，與無留礙辯，與分別句義善方便，與無礙法光明，與如來平等身，與無量差別淨音聲，與菩薩不思議善觀察三昧，與不可沮壞一切善根迴向智，與觀察一切法成就巧方便，與一切處說一切法無斷辯。何以故？入此三昧善根力故。
	摩頂身加	爾時，諸佛各以右手摩金剛幢菩薩頂。
說十迴向	從三昧出	金剛幢菩薩得摩頂已，即從定起，告諸菩薩言：
	大願充滿三世佛說	佛子！菩薩摩訶薩有不可思議大願充滿法界，普能救護一切眾生，所謂：修學去、來、現在一切佛迴向。佛子！菩薩摩訶薩迴向有幾種？佛子！菩薩摩訶薩迴向有十種，三世諸佛咸共演說。何等為十？

華嚴經十迴向品之金剛幢菩薩說十迴向法之二

金剛幢菩薩說十迴向	十迴向名		一者救護一切眾生離眾生相迴向，二者不壞迴向，三者等一切諸佛迴向，四者至一切處迴向，五者無盡功德藏迴向，六者入一切平等善根迴向，七者等隨順一切眾生迴向，八者真如相迴向，九者無縛無著解脫迴向，十者入法界無量迴向。佛子！是為菩薩摩訶薩十種迴向，過去、未來、現在諸佛，已說、當說、今說。
	十迴向		佛子！云何為菩薩摩訶薩救護一切眾生離眾生相迴向？…(金剛幢菩薩說十迴向，經文見附25-1)
	自性地相應	佛	爾時，佛神力故，十方各百萬佛刹微塵數世界六種震動，所謂：動、遍動、等遍動，起、遍起、等遍起，涌、遍涌、等遍涌，震、遍震、等遍震，吼、遍吼、等遍吼，擊、遍擊、等遍擊。
		法	佛神力故，法如是故，雨眾天華、天鬘、天末香、天諸雜香、天衣服、天珍寶、天莊嚴具、天摩尼寶、天沈水香、天栴檀香、天上妙蓋、天種種幢、天雜色幡、阿僧祇諸天身；無量百千億不可說天妙法音、不可思議天讚佛音、阿僧祇天歡喜音，咸稱善哉；無量阿僧祇百千那由他諸天恭敬禮拜；無數天子常念諸佛，希求如來無量功德，心不捨離；
		僧	無數天子作眾妓樂，歌詠讚歎供養如來；百千阿僧祇諸天放大光明，普照盡虛空遍法界一切佛刹，現無量阿僧祇諸佛境界；如來化身出過諸天，如於此世界兜率陀天宮說如是法，周遍十方一切世界兜率天宮悉亦如是。
	菩薩作證	十方集會	爾時，復以佛神力故，十方各過百萬佛刹微塵數世界外，各有百萬佛刹微塵數諸菩薩而來集會，周遍十方，咸作是言：
		十方金剛光世界金剛幢佛所同名菩薩讚歎作證	善哉善哉！佛子！乃能說此諸大迴向。佛子！我等皆同一號，名金剛幢，悉從金剛光世界金剛幢佛所來詣此土。彼諸世界悉以佛神力故而說是法，眾會眷屬、文辭句義，皆亦如是，不增不減。我等皆承佛神力，從彼土來為汝作證。如我來此眾會為汝作證，十方所有一切世界兜率天宮寶莊嚴殿諸菩薩眾來為作證，亦復如是。
	金剛幢菩薩說偈		爾時，金剛幢菩薩承佛神力，觀察十方一切眾會暨於法界已，善知文義，增廣大心，大悲普覆一切眾生，繫心安住三世佛種，善入一切佛功德法，成就諸佛自在之身，觀諸眾生心之所樂，及其所種一切善根悉分別知，隨順法身，為現清淨妙色之身，即於是時而說頌曰：(四十七偈)
	自性三寶為先導	佛	菩薩成就法智慧，悟解無邊正法門，為法光明調御師，了知無礙真實法。
		法	菩薩為法大導師，開示甚深難得法，引導十方無量眾，悉令安住正法中。
		僧	菩薩已飲佛法海，法雲普雨十方界，法日出現於世間，闡揚妙法利群生。
		精進	常為難遇法施主，了知入法巧方便，法光清淨照其心，於世說法恒無畏。
		禪定	善修於法自在心，悉能悟入諸法門，成就甚深妙法海，普為眾生擊法鼓。
		般若	宣說甚深希有法，以法長養諸功德，具足清淨法喜心，示現世間佛法藏。
		方便	諸佛法王所灌頂，成就法性智藏身，悉能解了法實相，安住一切眾善法。
		願	菩薩修行第一施，一切如來所讚喜，所作皆蒙佛忍可，以此成就人中尊。
		力	菩薩成就妙法身，親從諸佛法化生，為利眾生作法燈，演說無量最勝法。
		智	隨所修行妙法施，則亦觀察彼善根，所作眾善為眾生，悉以智慧而迴向。

華嚴經十迴向品之金剛幢菩薩說十迴向法之三

金剛幢菩薩說十迴向	自性三寶為先導	法十波羅蜜無量迴向	佛	所有成佛功德法，悉以迴施諸群生，願令一切皆清淨，到佛莊嚴之彼岸。
			法	十方佛刹無有量，悉具無量大莊嚴，如是莊嚴不可思，盡以莊嚴一國土。
			僧	如來所有清淨智，願令眾生皆具足，猶如普賢真佛子，一切功德自莊嚴。
			精進	成就廣大神通力，往詣世界悉周遍，一切眾生無有餘，皆使修行菩薩道。
			禪定	諸佛如來所開悟，十方無量諸眾生，一切皆令如普賢，具足修行最上行。
			般若	諸佛菩薩所成就，種種差別諸功德，如是功德無有邊，願使眾生悉圓滿。
			方便	菩薩具足自在力，所應學處皆往學，示現一切大神通，普詣十方無量土。
			願	菩薩能於一念頃，觀等眾生無數佛，又復於一毛端中，盡攝諸法皆明見。
			力	世間眾生無有量，菩薩悉能分別知，諸佛無量等眾生，大心供養咸令盡。
			智	種種名香上妙華，眾寶衣裳及幡蓋，分布法界咸充滿，發心普供十方佛。
		僧十波羅蜜無量迴向	佛	一毛孔中悉明見，不思議數無量佛，一切毛孔皆如是，普禮一切世間燈。
			法	舉身次第恭敬禮，如是無邊諸最勝，亦以言辭普稱讚，窮盡未來一切劫。
			僧	一如來所供養具，其數無量等眾生，如是供養一如來，一切如來亦復然。
			精進	供養讚歎諸如來，盡彼世間一切劫，世間劫數可終盡，菩薩供養無休懈。
			禪定	一切世間種種劫，於爾所劫修諸行，恭敬供養一如來，盡一切劫無厭足。
			般若	如無量劫供一佛，供一切佛皆如是，亦不分別是劫數，於所供養生疲厭。
			方便	法界廣大無邊際，菩薩觀察悉明了，以大蓮華遍布中，施等眾生無量佛。
			願	寶華香色皆圓滿，清淨莊嚴甚微妙，一切世間無可喻，持以供養人中尊。
			力	眾生數等無量刹，諸妙寶蓋滿其中，悉以供養一如來，供一切佛皆如是。
			智	塗香無比最殊勝，一切世間未曾有，以此供養天人師，窮盡眾生數等劫。
	入法界精進迴向		佛	末香燒香上妙華，眾寶衣服莊嚴具，如是供養諸最勝，歡喜奉事無厭足。
			法	等眾生數照世燈，念念成就大菩提，亦以無邊偈稱述，供養人中調御者。
			僧	如眾生數佛世尊，皆修無上妙供養，如眾生數無量劫，如是讚歎無窮盡。
			精進	如是供養諸佛時，以佛神力皆周遍，悉見十方無量佛，安住普賢菩薩行。
			禪定	過去未來及現在，所有一切諸善根，令我常修普賢行，速得安住普賢地。
			般若	一切如來所知見，世間無量諸眾生，悉願具足如普賢，為聰慧者所稱讚。
			方便	此是十方諸大士，共所修治迴向行，諸佛如來為我說，此迴向行最無上。
			願	十方世界無有餘，其中一切諸眾生，莫不咸令得開覺，悉使常如普賢行。
			力	如其迴向行布施，亦復堅持於禁戒，精進長時無退怯，忍辱柔和心不動，
			智	禪定持心常一緣，智慧了境同三昧，去來現在皆通達，世間無有得其邊。
	結會	普賢成就		菩薩身心及語業，如是所作皆清淨，一切修行無有餘，悉與普賢菩薩等。
				譬如法界無分別，戲論染著皆永盡，亦如涅槃無障礙，心常如是離諸取。
		自性迴向		智者所有迴向法，諸佛如來已開示，種種善根悉迴向，是故能成菩薩道。
				佛子善學此迴向，無量行願悉成滿，攝取法界盡無餘，是故能成善逝力。
		功德校量		若欲成就佛所說，菩薩廣大殊勝行，宜應善住此迴向，是諸佛子號普賢。
				一切眾生猶可數，三世心量亦可知，如是普賢諸佛子，功德邊際無能測。
				一毛度空可得邊，眾刹為塵可知數，如是大仙諸佛子，所住行願無能量。

附25-1：華嚴經十迴向品之救護一切眾生離眾生相迴向之一

云何初向		佛子！云何為菩薩摩訶薩救護一切眾生離眾生相迴向？（檀波羅蜜合會為主，餘者為伴，諸迴向中亦具十種迴向，總成百迴向法）
願諸眾生成就無上正等正覺迴向——佛波羅蜜迴向	十波羅蜜修諸善根（佛）	佛子！此菩薩摩訶薩行檀波羅蜜，淨尸波羅蜜，修羼提波羅蜜，起精進波羅蜜，入禪波羅蜜，住般若波羅蜜，大慈、大悲、大喜、大捨，修如是等無量善根。 修善根時，作是念言：願此善根普能饒益一切眾生，皆使清淨，至於究竟，永離地獄、餓鬼、畜生、閻羅王等無量苦惱。
	依於善根起十種願力	菩薩摩訶薩種善根時，以己善根如是迴向：
		佛 我當為一切眾生作舍，令免一切諸苦事故；
		法 為一切眾生作護，悉令解脫諸煩惱故；
		僧 為一切眾生作歸，皆令得離諸怖畏故；
		精進 為一切眾生作趣，令得至於一切智故；
		禪定 為一切眾生作安，令得究竟安隱處故；
		般若 為一切眾生作明，令得智光滅癡暗故；
		方便 為一切眾生作炬，破彼一切無明闇故；
		願 為一切眾生作燈，令住究竟清淨處故；
		力 為一切眾生作導師，引其令入真實法故；
		智 為一切眾生作大導師，與其無礙大智慧故。
	平等饒益至一切處	佛子！菩薩摩訶薩以諸善根如是迴向，平等饒益一切眾生，究竟皆令得一切智。
		佛子！菩薩摩訶薩於非親友守護迴向，與其親友等無差別。何以故？菩薩摩訶薩入一切法平等性故，不於眾生而起一念非親友想。設有眾生於菩薩所起怨害心，菩薩亦以慈眼視之，終無恚怒。普為眾生作善知識，演說正法，令其修習。
		譬如大海，一切眾毒不能變壞。菩薩亦爾，一切愚蒙、無有智慧、不知恩德、瞋恨頑毒、憍慢自大、其心盲瞽、不識善法……如是等類諸惡眾生，種種逼惱，無能動亂。譬如日天子出現世間，不以生盲不見故，隱而不現；又復不以乾闥婆城、阿脩羅手、閻浮提樹、崇巖、邃谷、塵霧、煙雲……如是等物之所覆障故，隱而不現；亦復不以時節變改故，隱而不現。
	堅忍不退	菩薩摩訶薩亦復如是，有大福德，其心深廣，正念觀察，無有退屈；為欲究竟功德智慧，於上勝法心生志欲；法光普照，見一切義；於諸法門，智慧自在；常為利益一切眾生而修善法，曾不誤起捨眾生心；不以眾生其性弊惡、邪見、瞋濁、難可調伏，便即棄捨，不修迴向；但以菩薩大願甲冑而自莊嚴，救護眾生，恒無退轉；不以眾生不知報恩，退菩薩行，捨菩提道；不以凡愚共同一處，捨離一切如實善根；不以眾生數起過惡，難可忍受，而於彼所生疲厭心。
	至大一切願切精進	何以故？譬如日天子，不但為一事故出現世間。菩薩摩訶薩亦復如是，不但為一眾生故，修諸善根，迴向阿耨多羅三藐三菩提；普為救護一切眾生故而修善根，迴向阿耨多羅三藐三菩提。如是，不但為淨一佛刹故，不但為信一佛故，不但為見一佛故，不但為了一法故，起大智願，迴向阿耨多羅三藐三菩提；為普淨一切佛刹故，普信一切諸佛故，普承事供養一切諸佛故，普解一切佛法故，發起大願，修諸善根，迴向阿耨多羅三藐三菩提。

附25-1：華嚴經十迴向品之救護一切眾生離眾生相迴向之二

願諸眾生成就正法迴向——法迴向	佛法為緣 (法)	佛子！菩薩摩訶薩以諸佛法而為所緣，起廣大心、不退轉心，無量劫中修集希有難得心寶，與一切諸佛悉皆平等。
	真實迴向 非但口言	菩薩如是觀諸善根，信心清淨，大悲堅固，以甚深心、歡喜心、清淨心，最勝心、柔軟心、慈悲心、憐愍心、攝護心、利益心、安樂心，普為眾生真實迴向，非但口言。
	正念不忘 具無量智	佛子！菩薩摩訶薩以諸善根迴向之時，作是念言：以我善根，願一切趣生、一切眾生，皆得清淨；功德圓滿，不可沮壞，無有窮盡；常得尊重，正念不忘；獲決定慧，具無量智；身、口、意業，一切功德，圓滿莊嚴。
	聽聞正法 憶持不忘	又作是念：以此善根，令一切眾生承事供養一切諸佛，無空過者；於諸佛所，淨信不壞；聽聞正法，斷諸疑惑，憶持不忘，如說修行；於如來所，起恭敬心，身業清淨，安住無量廣大善根；永離貧窮，七財滿足；於諸佛所，常隨修學，成就無量勝妙善根，平等悟解，住一切智，以無礙眼等視眾生；眾相嚴身，無有玷缺；言音淨妙，功德圓滿，諸根調伏，十力成就，善心滿足，無所依住。令一切眾生普得佛樂，得無量住，住佛所住。
願諸眾生聞法離苦普得清淨——清淨行迴向	代眾生苦 令其解脫 (僧)	佛子！菩薩摩訶薩見諸眾生，造作惡業，受諸重苦；以是障故，不見佛，不聞法，不識僧。便作是念：我當於彼諸惡道中，代諸眾生受種種苦，令其解脫。菩薩如是受苦毒時，轉更精勤，不捨、不避、不驚、不怖、不退、不怯，無有疲厭。何以故？如其所願，決欲荷負一切眾生，令解脫故。
	迴向離苦 成就種智	菩薩爾時作是念言：一切眾生有生老病死諸苦難處，隨業流轉，邪見無智，喪諸善法，我應救之，令得出離。又諸眾生愛網所纏，癡蓋所覆，染著諸有，隨逐不捨，入苦籠檻，作魔業行，福智都盡，常懷疑惑，不見安隱處，不知出離道，在於生死輪轉不息，諸苦淤泥恒所沒溺。 菩薩見已，起大悲心、大饒益心，欲令眾生悉得解脫，以一切善根迴向，以廣大心迴向，如三世菩薩所修迴向，如大迴向經所說迴向，願諸眾生普得清淨，究竟成就一切種智。
	以己善根 救護眾生 免除諸苦	復作是念：我所修行，欲令眾生皆悉得成無上智王，不為自身而求解脫，但為救濟一切眾生，令其咸得一切智心，度生死流，解脫眾苦。復作是念：我當普為一切眾生備受眾苦，令其得出無量生死眾苦大壑。我當普為一切眾生，於一切世界一切惡趣中，盡未來劫，受一切苦，然常為眾生勤修善根。 何以故？我寧獨受如是眾苦，不令眾生墮於地獄。我當於彼地獄、畜生、閻羅王等險難之處，以身為質，救贖一切惡道眾生，令得解脫。復作是念：我願保護一切眾生終不棄捨，所言誠實，無有虛妄。何以故？我為救度一切眾生發菩提心，不為自身求無上道，亦不為求五欲境界及三有中種種樂故修菩提行。
	但為安樂 一切眾生 成滿大願 令得解脫	何以故？世間之樂無非是苦。眾魔境界，愚人所貪，諸佛所訶，一切苦患因之而起；地獄、餓鬼及以畜生、閻羅王處，忿恚鬭訟，更相毀辱。如是諸惡，皆因貪著五欲所致。耽著五欲，遠離諸佛，障礙生天，何況得於阿耨多羅三藐三菩提！菩薩如是觀諸世間貪少欲味受無量苦，終不為彼五欲樂故，求無上菩提，修菩薩行；但為安樂一切眾生，發心修習，成滿大願，斷截眾生諸苦羂索，令得解脫。

附25-1：華嚴經十迴向品之救護一切眾生離眾生相迴向之三

精進波羅蜜迴向	以此迴向令諸眾生得究竟樂(精進)		佛子！菩薩摩訶薩復作是念：我當以善根如是迴向，令一切眾生得究竟樂、利益樂、不受樂、寂靜樂、無依樂、無動樂、無量樂、不捨不退樂、不減樂、一切智樂。復作是念：我當與一切眾生作調御師，作主兵臣，執大智炬，示安隱道，令離險難，以善方便俾知實義；又於生死海，作一切智善巧船師，度諸眾生，使到彼岸。
	令離生死得一切智		佛子！菩薩摩訶薩以諸善根如是迴向，所謂：隨宜救護一切眾生，令出生死，承事供養一切諸佛，得無障礙一切智智，捨離眾魔，遠惡知識，親近一切菩薩善友，滅諸過罪，成就淨業，具足菩薩廣大行願、無量善根。
	起十種利益一切眾生迴向	令修集善根	佛子！菩薩摩訶薩以諸善根正迴向已，作如是念：不以四天下眾生多故，多日出現；但一日出，悉能普照一切眾生。又，諸眾生不以自身光明故，知有晝夜，遊行觀察，興造諸業；皆由日天子出，成辦斯事，然彼日輪但一無二。菩薩摩訶薩亦復如是，修集善根迴向之時，作是念言：彼諸眾生不能自救，何能救他？唯我一人，志獨無侶，修集善根如是迴向。所謂：
		佛	為欲廣度一切眾生故，
		法	普照一切眾生故，
		僧	示導一切眾生故，
		精進	開悟一切眾生故，
		禪定	願復一切眾生故，
		般若	攝受一切眾生故，
		方便	成就一切眾生故，
		願	令一切眾生歡喜故，
其餘波羅蜜迴向	普照一切不捨眾生(禪定)		佛子！菩薩摩訶薩復作是念：我應如日，普照一切，不求恩報。眾生有惡，悉能容受，終不以此而捨誓願；不以一眾生惡故，捨一切眾生。但勤修習善根迴向，普令眾生皆得安樂；善根雖少，普攝眾生，以歡喜心廣大迴向。若有善根，不欲饒益一切眾生，不名迴向；隨一善根，普以眾生而為所緣，乃名迴向。
	依自性禪定生二十一種迴向	佛	安置眾生於無所著法性迴向，
		法	見眾生自性不動不轉迴向，
		僧	於迴向無所依、無所取迴向，
		精進禪定十三種迴向	不取善根相迴向，
			不分別業報體性迴向，
			不著五蘊相迴向，
			不壞五蘊相迴向，
			不取業迴向，
			不求報迴向，
			不染著因緣迴向，
			不分別因緣所起迴向，

附25-1：華嚴經十迴向品之救護一切眾生離眾生相迴向之四

其餘波羅蜜迴向	依自性禪定生二十一種迴向	精進禪定十三種迴向	不著名稱迴向，
			不著處所迴向，
			不著虛妄法迴向，
			不著眾生相、世界相、心意相迴向，
			不起心顛倒、想顛倒、見顛倒迴向，
		般若	不著語言道迴向，
		方便	觀一切法真實性迴向，
		願	觀一切眾生平等相迴向，
		力	以法界印印諸善根迴向，
		智	觀諸法離貪欲迴向。
			解一切法無，種植善根亦如是；觀諸法無二、無生、無滅，迴向亦如是。
隨順世間不做二相智慧方便			以如是等善根迴向，修行清淨對治之法，所有善根皆悉隨順出世間法。不作二相，非即業修習一切智，非離業迴向一切智，一切智非即是業，然不離業得一切智。以業如光影清淨故，報亦如光影清淨；報如光影清淨故，一切智智亦如光影清淨。離我、我所一切動亂思惟分別，如是了知，以諸善根方便迴向。
大願力用諸佛所讚			菩薩如是迴向之時，度脫眾生，常無休息，不住法相；雖知諸法無業無報，善能出生一切業報而無違諍，如是方便善修迴向。菩薩摩訶薩如是迴向時，離一切過，諸佛所讚。佛子！是為菩薩摩訶薩第一救護一切眾生離眾生相迴向。
			爾時，金剛幢菩薩，觀察十方一切眾會暨于法界，入深句義，以無量心修習勝行，大悲普覆一切眾生，不斷三世諸如來種，入一切佛功德法藏，出生一切諸佛法身，善能分別諸眾生心，知其所種善根成熟，住於法身而為示現清淨色身；承佛神力，即說頌言：…（二十八偈：二十波羅蜜迴向及八圓滿）
依佛十波羅蜜結會第一迴向位	涅槃十波羅蜜	佛	不思議劫修行道，精進堅固心無礙，為欲饒益群生類，常求諸佛功德法。
		法	調御世間無等人，修治其意甚明潔，發心普救諸含識，彼能善入迴向藏。
		僧	勇猛精進力具足，智慧聰達意清淨，普救一切諸群生，其心堪忍不傾動。
		精進	心善安住無與等，意常清淨大歡悅，如是為物勤修行，譬如大地普容受。
		禪定	不為自身求快樂，但欲救護諸眾生，如是發起大悲心，疾得入於無礙地。
		般若	十方一切諸世界，所有眾生皆攝受，為救彼故善住心，如是修學諸迴向。
		方便	修行布施大欣悅，護持淨戒無所犯，勇猛精進心不動，迴向如來一切智。
		願	其心廣大無邊際，忍力安住不傾動，禪定甚深恒照了，智慧微妙難思議。
	菩薩波羅蜜	力	十方一切世界中，具足修治清淨行，如是功德皆迴向，為欲安樂諸含識。
		智	大士勤修諸善業，無量無邊不可數，如是悉以益眾生，令住難思無上智。
佛		普為一切眾生故，不思議劫處地獄，如是曾無厭退心，勇猛決定常迴向。	
法		不求色聲香與味，亦不希求諸妙觸，但為救度諸群生，常求無上最勝智。	
		僧	智慧清淨如虛空，修習無邊大士行，如佛所行諸行法，彼人如是常修學。
		精進	大士遊行諸世界，悉能安隱諸群生，普使一切皆歡喜，修菩薩行無厭足。
		禪定	除滅一切諸心毒，思惟修習最上智，不為自己求安樂，但願眾生得離苦。

附25-1：華嚴經十迴向品之救護一切眾生離眾生相迴向之五

依 佛 十 波 羅 蜜 結 會 第 一 迴 向 位	菩 薩 波 羅 蜜	般若	此人迴向得究竟，心常清淨離眾毒，三世如來所付囑，住於無上大法城。
		方便	未曾染著於諸色，受想行識亦如是，其心永出於三有，所有功德盡迴向。
		願	佛所知見諸眾生，盡皆攝取無有餘，誓願皆令得解脫，為彼修行大歡喜。
		力	其心念念恒安住，智慧廣大無與等，離癡正念常寂然，一切諸業皆清淨。
		智	彼諸菩薩處於世，不著內外一切法，如風無礙行於空，大士用心亦復然。
	體 圓 滿	佛	所有身業皆清淨，一切語言無過失，心常歸向於如來，能令諸佛悉歡喜。
		法	十方無量諸國土，所有佛處皆往詣，於中覩見大悲尊，靡不恭敬而瞻奉。
		僧	心常清淨離諸失，普入世間無所畏，已住如來無上道，復為三有大法池。
	用 圓 滿	佛	精勤觀察一切法，隨順思惟有非有，如是趣於真實理，得入甚深無諍處。
		法	以此修成堅固道，一切眾生莫能壞，善能了達諸法性，普於三世無所著。
		僧	如是迴向到彼岸，普使群生離眾垢，永離一切諸所依，得入究竟無依處。
	圓滿迴向		一切眾生語言道，隨其種類各差別，菩薩悉能分別說，而心無著無所礙。
			菩薩如是修迴向，功德方便不可說，能令十方世界中，一切諸佛皆稱歎。

附25-1：華嚴經十迴向品之不壞迴向之一

云何二向			佛子！云何為菩薩摩訶薩不壞迴向？（尸與戒波羅蜜合會為主）
佛波羅蜜迴向及其精進	得十種不壞信（佛）	佛	佛子！此菩薩摩訶薩於去、來、今諸如來所得不壞信，悉能承事一切佛故；
		法	於諸菩薩乃至初發一念之心求一切智，得不壞信，誓修一切菩薩善根無疲厭故
		僧	於一切佛法得不壞信，發深志樂故；
		精進	於一切佛教得不壞信，守護住持故；
		禪定	於一切眾生得不壞信，慈眼等觀，善根迴向，普利益故；
		般若	於一切白淨法得不壞信，普集無邊諸善根故；
		方便	於一切菩薩迴向道得不壞信，滿足殊勝諸欲解故；
		願	於一切菩薩法師得不壞信，於諸菩薩起佛想故；
		力	於一切佛自在神通得不壞信，深信諸佛難思議故；
		智	於一切菩薩善巧方便行得不壞信，攝取種種無量無數行境界故。
增長菩提等觀三世		佛子！菩薩摩訶薩如是安住不壞信時，於佛、菩薩、聲聞、獨覺，若諸佛教，若諸眾生，如是等種種境界中，種諸善根無量無邊，令菩提心轉更增長；慈悲廣大，平等觀察，隨順修學諸佛所作，攝取一切清淨善根；入真實義，集福德行，行大惠施，修諸功德，等觀三世。	
迴向一切智		菩薩摩訶薩以如是等善根功德，迴向一切智：願常見諸佛，親近善友，與諸菩薩同共止住；念一切智，心無暫捨；受持佛教，勤加守護；教化成熟一切眾生，心常迴向出世之道，供養瞻侍一切法師；解了諸法，憶持不忘；修行大願，悉使滿足。菩薩如是積集善根，成就善根，增長善根，思惟善根，繫念善根，分別善根，愛樂善根，修習善根，安住善根。	
法波羅蜜迴向及其精進	念念見佛依自性成就生起無量阿僧祇供養	見佛	菩薩摩訶薩如是積集諸善根已，以此善根所得依果修菩薩行，於念念中見無量佛，如其所應，承事供養。（無量阿僧祇供養通六波羅蜜行法）
		佛	以阿僧祇寶、阿僧祇華、阿僧祇鬘、阿僧祇衣、阿僧祇蓋、阿僧祇幢、阿僧祇幡、阿僧祇莊嚴具、阿僧祇給侍、阿僧祇塗飾地、（十種自性生起）
		法	阿僧祇塗香、阿僧祇末香、阿僧祇和香、阿僧祇燒香、阿僧祇深信、阿僧祇愛樂、阿僧祇淨心、阿僧祇尊重、阿僧祇讚歎、阿僧祇禮敬、（香氣普熏）
		僧	阿僧祇寶座、阿僧祇華座、阿僧祇香座、阿僧祇鬘座、阿僧祇栴檀座、阿僧祇衣座、阿僧祇金剛座、阿僧祇摩尼座、阿僧祇寶繒座、阿僧祇寶色座、（十種阿僧祇寶座）
		精進	阿僧祇寶經行處、阿僧祇華經行處、阿僧祇香經行處、阿僧祇鬘經行處、阿僧祇衣經行處、阿僧祇寶間錯經行處、阿僧祇一切寶繒綵經行處、阿僧祇一切寶多羅樹經行處、阿僧祇一切寶欄楯經行處、阿僧祇一切寶鈴網彌覆經行處、（十種阿僧祇精進行處）
		禪定	阿僧祇一切寶宮殿、阿僧祇一切華宮殿、阿僧祇一切香宮殿、阿僧祇一切鬘宮殿、阿僧祇一切栴檀宮殿、阿僧祇一切堅固妙香藏宮殿、阿僧祇一切金剛宮殿、阿僧祇一切摩尼宮殿，皆悉殊妙出過諸天；（十種阿僧祇宮殿）
		般若	阿僧祇諸雜寶樹、阿僧祇種種香樹、阿僧祇諸寶衣樹、阿僧祇諸音樂樹、阿僧祇寶莊嚴具樹、阿僧祇妙音聲樹、阿僧祇無厭寶樹、阿僧祇寶繒綵樹、阿僧祇寶璫樹，阿僧祇一切華香、幢幡、鬘蓋所嚴飾樹，如是等樹，扶疎蔭映，莊嚴宮殿。（十種阿僧祇樹）

附25-1：華嚴經十迴向品之不壞迴向之二

法波羅蜜迴向及其精進	念念見佛 生起供養 (法)	其諸宮殿復有阿僧祇軒檻莊嚴、阿僧祇窓牖莊嚴、阿僧祇門闥莊嚴，阿僧祇樓閣莊嚴、阿僧祇半月莊嚴、阿僧祇帳莊嚴，阿僧祇金網彌覆其上，阿僧祇香周匝普熏，阿僧祇衣敷布其地。(七種阿僧祇莊嚴)
	恒不退轉 無有休息	佛子！菩薩摩訶薩以如是等諸供養具，於無量無數不可說不可說劫，淨心尊重、恭敬供養一切諸佛，恒不退轉，無有休息；一一如來滅度之後所有舍利，悉亦如是恭敬供養。
	供養諸佛及其舍利說不可盡	佛 為令一切眾生生淨信故，
		法 一切眾生攝善根故，
		僧 一切眾生離諸苦故，
		精進 一切眾生廣大解故，
		禪定 一切眾生以大莊嚴而莊嚴故，
		般若 無量莊嚴而莊嚴故，
		方便 諸有所作得究竟故，
		願 知諸佛興難可值故，
		力 滿足如來無量力故，
		智 莊嚴供養佛塔廟故，
	總說	住持一切諸佛法故，
		如是供養現在諸佛，及滅度後所有舍利。其諸供養，於阿僧祇劫說不可盡。
	住佛所住十二種與法相應迴向	如是修集無量功德，皆為成熟一切眾生，無有退轉，無有休息，無有疲厭；無有執著，離諸心想；無有依止，永絕所依；遠離於我，及以我所；如實法印，印諸業門；得法無生，住佛所住；觀無生性，印諸境界。
		本體 諸佛護念發心迴向，
		力用 與諸法性相應迴向，
		佛 入無作法成就所作方便迴向，
		法 捨離一切諸事想著方便迴向，
		僧 住於無量善巧迴向，
		精進 永出一切諸有迴向，
		禪定 修行諸行不住於相善巧迴向，
		般若 普攝一切善根迴向，
		方便 普淨一切菩薩諸行廣大迴向，
		願 發無上菩提心迴向，
		力 與一切善根同住迴向，
		智 滿足最上信解心迴向。
	迴向勝道具足眾行 (僧)	佛子！菩薩摩訶薩以諸善根如是迴向時，雖隨生死而不改變，求一切智未曾退轉，在於諸有心無動亂，悉能度脫一切眾生，不染有為法，不失無礙智。菩薩行位，因緣無盡；世間諸法，無能變動；具足清淨諸波羅蜜，悉能成就一切智力。菩薩如是離諸癡暗，成菩提心，開示光明，增長淨法，迴向勝道，具足眾行；

附25-1：華嚴經十迴向品之不壞迴向之三

諸波羅蜜迴向及其精進	智慧觀察一切諸法無作而行	佛	以清淨意，善能分別；
		法	了一切法，悉隨心現；
		僧	知業如幻，業報如像，諸行如化；
		精進	因緣生法，悉皆如響；菩薩諸行，一切如影；
		禪定	出生無著清淨法眼，見於無作廣大境界；
		般若	證寂滅性，了法無二；
		方便	得法實相，具菩薩行；
		願	於一切相，皆無所著；
		力	善能修行同事諸業，於白淨法恒無廢捨；
		智	離一切著，住無著行。
			菩薩如是善巧思惟，無有迷惑，不違諸法，不壞業因，明見真實，善巧迴向；知法自性，以方便力，成就業報，到於彼岸；智慧觀察一切諸法，獲神通智諸業善根；無作而行，隨心自在。
不斷佛種永離魔業迴向精進		菩薩摩訶薩以諸善根如是迴向，為欲度脫一切眾生，不斷佛種，永離魔業，見一切智無有邊際，信樂不捨離世境界，斷諸雜染；亦願眾生得清淨智，入深方便，出生死法，獲佛善根，永斷一切諸魔事業，以平等印普印諸業，發心趣入一切種智，成就一切出世間法。	
不壞迴向所成就十波羅蜜功德		佛子！是為菩薩摩訶薩第二不壞迴向。菩薩摩訶薩住此迴向時，得見一切無數諸佛，成就無量清淨妙法，普於眾生得平等心，於一切法無有疑惑；一切諸佛神力所加，降伏眾魔，永離其業；成就生貴，滿菩提心；得無礙智不由他解，善能開闡一切法義；能隨想力入一切刹，普照眾生，悉使清淨。菩薩摩訶薩以此不壞迴向之力，攝諸善根，如是迴向。	
依法十波羅蜜結會第二迴向位			爾時，金剛幢菩薩觀察十方，承佛神力，即說頌言：（二十五偈）
	涅槃十波羅蜜	佛	菩薩已得不壞意，修行一切諸善業，是故能令佛歡喜，智者以此而迴向。
		法	供養無量無邊佛，布施持戒伏諸根，為欲利益諸眾生，普使一切皆清淨。
		僧	一切上妙諸香華，無量差別勝衣服，寶蓋及以莊嚴具，供養一切諸如來。
		精進	如是供養於諸佛，無量無數難思劫，恭敬尊重常歡喜，未曾一念生疲厭。
		禪定	專心想念於諸佛，一切世間大明燈，十方所有諸如來，靡不現前如目觀。
		般若	不可思議無量劫，種種布施心無厭，百千萬億眾劫中，修諸善法悉如是。
		方便	彼諸如來滅度已，供養舍利無厭足，悉以種種妙莊嚴，建立難思眾塔廟。
		願	造立無等最勝形，寶藏淨金為莊嚴，巍巍高大如山王，其數無量百千億。
		力	淨心尊重供養已，復生歡喜利益意，不思議劫處世間，救護眾生令解脫。
	智	了知眾生皆妄想，於彼一切無分別，而能善別眾生根，普為群生作饒益。	
	菩薩波羅蜜	佛	菩薩修集諸功德，廣大最勝無與比，了達體性悉非有，如是決定皆迴向。
		法	以最勝智觀諸法，其中無有一法生，如是方便修迴向，功德無量不可盡。
		僧	以是方便令心淨，悉與一切如來等，此方便力不可盡，是故福報無盡極。
精進		發起無上菩提心，一切世間無所依，普至十方諸世界，而於一切無所礙。	
禪定		一切如來出世間，為欲啟導眾生心，如其心性而觀察，畢竟推求不可得。	

附25-1：華嚴經十迴向品之不壞迴向之四

依十波羅蜜結會第二迴向	菩薩波羅蜜	般若	一切諸法無有餘，悉入於如無體性，以是淨眼而迴向，開彼世間生死獄。
		方便	雖令諸有悉清淨，亦不分別於諸有，知諸有性無所有，而令歡喜意清淨。
		願	於一佛土無所依，一切佛土悉如是，亦不染著有為法，知彼法性無依處。
		力	以是修成一切智，以是無上智莊嚴，以是諸佛皆歡喜，是為菩薩迴向業。
		智	菩薩專心念諸佛，無上智慧巧方便，如佛一切無所依，願我修成此功德。
	本體	佛	專心救護於一切，令其遠離眾惡業，如是饒益諸群生，繫念思惟未曾捨。
		法	住於智地守護法，不以餘乘取涅槃，唯願得佛無上道，菩薩如是善迴向。
		僧	不取眾生所言說，一切有為虛妄事，雖復不依言語道，亦復不著無言說。
	迴向圓滿		十方所有諸如來，了達諸法無有餘，雖知一切皆空寂，而不於空起心念。
			以一莊嚴嚴一切，亦不於法生分別，如是開悟諸群生，一切無性無所觀。

附25-1：華嚴經十迴向品之等一切佛迴向之一

云何三向		佛子！云何為菩薩摩訶薩等一切佛迴向？（驪提與忍辱波羅蜜合會為主）
佛波羅蜜迴向	以諸善根迴向正覺（佛）	佛子！此菩薩摩訶薩隨順修學去、來、現在諸佛世尊迴向之道。如是修學迴向道時，見一切色乃至觸法若美、若惡，不生愛憎，心得自在；無諸過失，廣大清淨；歡喜悅樂，離諸憂惱；心意柔軟，諸根清涼。佛子！菩薩摩訶薩獲得如是安樂之時，復更發心迴向諸佛，作如是念：願以我今所種善根，令諸佛樂轉更增勝。所謂：
	得十波羅蜜精進樂	佛 不可思議佛所住樂
		法 無有等比佛三昧樂
		僧 不可限量大慈悲樂
		精進 一切諸佛解脫之樂
		禪定 無有邊際大神通樂
		般若 最極尊重大自在樂
		方便 廣大究竟無量力樂
		願 離諸知覺寂靜之樂
		力 住無礙住恒正定樂
		智 行無二行不變異樂
法迴向	以諸善根迴向佛已迴向菩薩	佛子！菩薩摩訶薩以諸善根迴向佛已，復以此善根迴向菩薩，所謂：願未滿者令得圓滿，心未淨者令得清淨，諸波羅蜜未滿足者令得滿足。安住金剛菩提之心，於一切智得不退轉，不捨大精進，守護菩提門一切善根；能令眾生捨離我慢，發菩提心，所願成滿；安住一切菩薩所住，獲得菩薩明利諸根，修習善根，證薩婆若。
僧波羅蜜迴向	以諸善根迴向菩薩已迴向眾生	佛子！菩薩摩訶薩以諸善根如是迴向菩薩已，復以迴向一切眾生：願一切眾生所有善根，乃至極少一彈指頃，見佛聞法，恭敬聖僧。彼諸善根皆離障礙，念佛圓滿，念法方便，念僧尊重，不離見佛，心得清淨，獲諸佛法，集無量德，淨諸神通，捨法疑念，依教而住。如為眾生如是迴向，為聲聞、辟支佛迴向亦復如是。又願一切眾生永離地獄、餓鬼、畜生、閻羅王等一切惡處，增長無上菩提之心，專意勤求一切種智，永不毀謗諸佛正法，得佛安樂，身心清淨，證一切智。
精進	具足充滿	佛子！菩薩摩訶薩所有善根，皆以大願，發起、正發起，積集、正積集，增長、正增長，悉令廣大具足充滿。
禪定	慈心迴向心無所著	佛子！菩薩摩訶薩在家宅中與妻子俱，未曾暫捨菩提之心，正念思惟薩婆若境，自度度彼，令得究竟；以善方便化己眷屬，令入菩薩智，令成熟解脫；雖與同止，心無所著，以本大悲處於居家，以慈心故隨順妻子，於菩薩清淨道無所障礙。
般若	不捨一切智心	菩薩摩訶薩雖在居家作諸事業，未曾暫捨一切智心。所謂：若著衣裳、若嗽滋味、若服湯藥、澡漱塗摩、迴旋顧視、行住坐臥、身語意業、若睡若寤。如是一切諸有所作，心常迴向薩婆若道，繫念思惟，無時捨離。

附25-1：華嚴經十迴向品之等一切佛迴向之二

方便迴向	饒益眾生 令其增長 迴向諸佛 無上菩提	為欲饒益一切眾生，安住菩提無量大願，攝取無數廣大善根；勤修諸善，普救一切，永離一切憍慢放逸，決定趣於一切智地，終不發意向於餘道；常觀一切諸佛菩提，永捨一切諸雜染法，修行一切菩薩所學，於一切智道無所障礙；住於智地愛樂誦習，以無量智集諸善根，心不戀樂一切世間，亦不染著所行之行，專心受持諸佛教法。菩薩如是處在居家，普攝善根，令其增長，迴向諸佛無上菩提。
大願迴向	專心繫念 一切眾生 為其迴向 一切種智	佛子！菩薩爾時，乃至施與畜生之食一搏、一粒，咸作是願：當令此等捨畜生道，利益安樂，究竟解脫，永度苦海，永滅苦受，永除苦蘊，永斷苦覺、苦聚、苦行、苦因、苦本及諸苦處；願彼眾生皆得捨離。 菩薩如是專心繫念一切眾生，以彼善根而為上首，為其迴向一切種智。菩薩初發菩提之心普攝眾生，修諸善根悉以迴向，欲令永離生死曠野，得諸如來無礙快樂，出煩惱海，修佛法道；慈心遍滿，悲力廣大，普使一切得清淨樂；守護善根，親近佛法；出魔境界，入佛境界；斷世間種，植如來種，住於三世平等法中。菩薩摩訶薩如是所有已集、當集、現集善根，悉以迴向。
力用迴向	深入一切 法性常樂 習行普門 善根	復作是念：如過去諸佛菩薩所行，恭敬供養一切諸佛，度諸眾生令永出離，勤加修習一切善根，悉以迴向而無所著。所謂：不依色，不著受，無倒想，不作行，不取識，捨離六處；不住世法，樂出世間；知一切法皆如虛空，無所從來，不生不滅，無有真實，無所染著；遠離一切諸分別見，不動不轉，不失不壞；住於實際，無相離相，唯是一相； 如是深入一切法性，常樂習行普門善根，悉見一切諸佛眾會。如彼過去一切如來善根迴向，我亦如是而為迴向；解如是法，證如是法，依如是法，發心修習，不違法相；知所修行，如幻如影，如水中月，如鏡中像，因緣和合之所顯現，乃至如來究竟之地。
智迴向	最勝迴向 成就清淨 身語意業	佛子！菩薩摩訶薩復作是念：如過去諸佛修菩薩行時，以諸善根如是迴向；未來、現在，悉亦如是。我今亦應如彼諸佛，如是發心，以諸善根而為迴向：第一迴向、勝迴向、最勝迴向、上迴向、無上迴向、無等迴向、無等等迴向、無比迴向、無對迴向、尊迴向、妙迴向、平等迴向、正直迴向、大功德迴向、廣大迴向、善迴向、清淨迴向、離惡迴向、不隨惡迴向。（二十種迴向） 菩薩如是以諸善根正迴向已，成就清淨身、語、意業，住菩薩住，無諸過失；修習善業，離身、語惡，心無瑕穢；修一切智，住廣大心，知一切法無有所作；住出世法，世法不染；分別了知無量諸業，成就迴向善巧方便，永拔一切取著根本。
此迴向成就功德		佛子！是為菩薩摩訶薩第三等一切佛迴向。菩薩摩訶薩住此迴向，深入一切諸如來業，趣向如來勝妙功德；入深清淨智慧境界，不離一切諸菩薩業，善能分別巧妙方便；入深法界，善知菩薩修行次第；入佛種性，以巧方便分別了知無量無邊一切諸法；雖復現身於世中生，而於世法心無所著。
第三迴向		爾時，金剛幢菩薩承佛神力，普觀十方，即說頌言：（二十四偈）
	佛	彼諸菩薩摩訶薩，修過去佛迴向法，亦學未來現在世，一切導師之所行。
	涅槃	於諸境界得安樂，諸佛如來所稱讚，廣大光明清淨眼，悉以迴向大聰哲。
	僧	菩薩身根種種樂，眼耳鼻舌亦復然，如是無量上妙樂，悉以迴向諸最勝。
	精進	一切世間眾善法，及諸如來所成就，於彼悉攝無有餘，盡以隨喜益眾生。

附25-1：華嚴經十迴向品之等一切佛迴向之三

依 僧 十 波 羅 蜜 結 會 第 三 迴 向 位	涅 槃 十 波 羅 蜜	禪定	世間隨喜無量種，今此迴向為眾生，人中師子所有樂，願使群萌悉圓滿。
		般若	一切國土諸如來，凡所知見種種樂，願令眾生皆悉得，而為照世大明燈。
		方便	菩薩所得勝妙樂，悉以迴向諸群生，雖為群生故迴向，而於迴向無所著。
		願	菩薩修行此迴向，興起無量大悲心，如佛所修迴向德，願我修行悉成滿。
		力	如諸最勝所成就，一切智乘微妙樂，及我在世之所行，諸菩薩行無量樂，
	菩 薩 十 波 羅 蜜	智	示入眾趣安隱樂，恒守諸根寂靜樂，悉以迴向諸群生，普使修成無上智。
		佛	非身語意即是業，亦不離此而別有，但以方便滅癡冥，如是修成無上智。
		法	菩薩所修諸行業，積集無量勝功德，隨順如來生佛家，寂然不亂正迴向。
		僧	十方一切諸世界，所有眾生咸攝受，悉以善根迴向彼，願令具足安隱樂。
		精進	不為自身求利益，欲令一切悉安樂，未曾暫起戲論心，但觀諸法空無我。
		禪定	十方無量諸最勝，所見一切真佛子，悉以善根迴向彼，願使速成無上覺。
		般若	一切世間含識類，等心攝取無有餘，以我所行諸善業，令彼眾生速成佛。
		方便	無量無邊諸大願，無上導師所演說，願諸佛子皆清淨，隨其心樂悉成滿。
		願	普觀十方諸世界，悉以功德施於彼，願令皆具妙莊嚴，菩薩如是學迴向。
		力	心不稱量諸二法，但恒了達法無二，諸法若二若不二，於中畢竟無所著。
		智	十方一切諸世間，悉是眾生想分別，於想非想無所得，如是了達於諸想。
	本 體	佛	彼諸菩薩身淨已，則意清淨無瑕穢，語業已淨無諸過，當知意淨無所著。
		法	一心正念過去佛，亦憶未來諸導師，及以現在天人尊，悉學於其所說法。
		僧	三世一切諸如來，智慧明達心無礙，為欲利益眾生故，迴向菩提集眾業。
	迴向圓滿		彼第一慧廣大慧，不虛妄慧無倒慧，平等實慧清淨慧，最勝慧者如是說。

附25-1：華嚴經十迴向品之至一切處迴向之一

云何四向		佛子！云何為菩薩摩訶薩至一切處迴向？（毘梨耶與精進波羅蜜合會為主）
佛波羅蜜迴向	供養諸佛精進周遍	佛子！此菩薩摩訶薩修習一切諸善根時，作是念言：願此善根功德之力至一切處。譬如實際，無處不至，至一切物，至一切世間，至一切眾生，至一切國土，至一切法，至一切虛空，至一切三世，至一切有為、無為，至一切語言、音聲。願此善根亦復如是，遍至一切諸如來所，供養三世一切諸佛；過去諸佛所願悉滿，未來諸佛具足莊嚴，現在諸佛及其國土、道場，眾會遍滿一切虛空法界。願以信解大威力故，廣大智慧無障礙故，一切善根悉迴向故，以如諸天諸供養具而為供養，充滿無量無邊世界。
法波羅蜜迴向	以勝解力普化眾生	佛子！菩薩摩訶薩復作是念：諸佛世尊普遍一切虛空法界。種種業所起，十方不可說一切世界種世界、不可說佛國土佛境界種種世界、無量世界、無分齊世界、轉世界、側世界、仰世界、覆世界，如是一切諸世界中，現住於壽，示現種種神通變化。 彼有菩薩以勝解力，為諸眾生堪受化者，於彼一切諸世界中，現為如來出興於世，以至一切處智；普遍開示如來無量自在神力，法身遍往無有差別，平等普入一切法界；如來藏身不生不滅，善巧方便普現世間，證法實性超一切故，得不退轉無礙力故，生於如來無障礙見、廣大威德種性中故。
僧迴向	十種迴向諸佛	佛子！菩薩摩訶薩以其所種一切善根願，於如是諸如來所，以眾妙華，及眾妙香、鬘蓋、幢幡、衣服、燈燭，及餘一切諸莊嚴具以為供養；若佛形像，若佛塔廟，悉亦如是。 以此善根如是迴向，所謂：不亂迴向、一心迴向、自意迴向、尊敬迴向、不動迴向、無住迴向、無依迴向、無眾生心迴向、無躁競心迴向、寂靜心迴向。
精進迴向	精進無餘	復作是念：盡法界、虛空界，去、來、現在一切劫中，諸佛世尊得一切智、成菩提道，無量名字各各差別，於種種時現成正覺，悉皆住壽盡未來際，一一各以法界莊嚴而嚴其身，道場眾會周遍法界，一切國土隨時出興而作佛事。 如是一切諸佛如來，我以善根普皆迴向，（以下依二十波羅蜜有兩百種莊嚴迴向）
	佛	願以無數香蓋、無數香幢、無數香幡、無數香帳、無數香網、無數香像、無數香光、無數香焰、無數香雲、無數香座、（涅槃十波羅蜜所出生） 無數香經行地、無數香所住處、無數香世界、無數香山、無數香海、無數香河、無數香樹、無數香衣服、無數香蓮華、無數香宮殿，（菩薩十波羅蜜所出生）
	法	無量華蓋，廣說乃至無量華宮殿；（依香莊嚴迴向而有二十種華莊嚴迴向）
	僧	無邊鬘蓋，廣說乃至無邊鬘宮殿；
	精進	無等塗香蓋，廣說乃至無等塗香宮殿；
	禪定	不可數末香蓋，廣說乃至不可數末香宮殿；
	般若	不可稱衣蓋，廣說乃至不可稱衣宮殿；
	方便	不可思寶蓋，廣說乃至不可思寶宮殿；
	願	不可量燈光明蓋，廣說乃至不可量燈光明宮殿；
	力	不可說莊嚴具蓋，廣說乃至不可說莊嚴具宮殿；
	智	不可說不可說摩尼寶蓋、不可說不可說摩尼寶幢，如是摩尼寶幡、摩尼寶帳、摩尼寶網、摩尼寶像、摩尼寶光、摩尼寶焰、摩尼寶雲、摩尼寶座、（涅槃出生） 摩尼寶經行地、摩尼寶所住處、摩尼寶刹、摩尼寶山、摩尼寶海、摩尼寶河、摩尼寶樹、摩尼寶衣服、摩尼寶蓮華、摩尼寶宮殿，皆不可說不可說。（菩薩出生）

附25-1：華嚴經十迴向品之至一切處迴向之二

精進迴向	供養諸佛得十波羅蜜究竟成就		如是一一諸境界中，各有無數欄楯、無數宮殿、無數樓閣、無數門閤、無數半月、無數却敵、無數窓牖、無數清淨寶、無數莊嚴具， 以如是等諸供養物，恭敬供養如上所說諸佛世尊。願令一切世間皆得清淨，一切眾生咸得出離，住十力地，於一切法中得無礙法明。令一切眾生具足善根，悉得調伏，其心無量，等虛空界，往一切刹而無所至，入一切土施諸善法，常得見佛，植諸善根，成就大乘，不著諸法，具足眾善，立無量行，普入無邊一切法界，成就諸佛神通之力，得於如來一切智智。(得精進十波羅蜜成就)
			譬如無我，普攝諸法。我諸善根亦復如是，
依十波羅蜜成就二十種普攝理事諸法（禪定迴向）	涅槃十波羅蜜	佛	普攝一切諸佛如來，咸悉供養無有餘故；
		法	普攝一切無量諸法，悉能悟入無障礙故；
		僧	普攝一切諸菩薩眾，究竟皆與同善根故；
		精進	普攝一切諸菩薩行，以本願力皆圓滿故；
		禪定	普攝一切菩薩法明，了達諸法皆無礙故；
		般若	普攝諸佛大神通力，成就無量諸善根故；
		方便	普攝諸佛力、無所畏，發無量心滿一切故；
		願	普攝菩薩三昧辯才陀羅尼門，善能照了無二法故；
		力	普攝諸佛善巧方便，示現如來大神力故；
		智	普攝三世一切諸佛降生成道轉正法輪，調伏眾生入般涅槃，恭敬供養悉周遍故；
	菩薩十波羅蜜	佛	普攝十方一切世界，嚴淨佛刹咸究竟故；
		法	普攝一切諸廣大劫，於中出現修菩薩行無斷絕故；
		僧	普攝一切所有趣生，悉於其中現受生故；
		精進	普攝一切諸眾生界，具足普賢菩薩行故；
		禪定	普攝一切諸惑習氣，悉以方便令清淨故；
		般若	普攝一切眾生諸根，無量差別咸了知故；
		方便	普攝一切眾生解欲，令離雜染得清淨故；
		願	普攝一切化眾生行，隨其所應為現身故；
		力	普攝一切應眾生道，悉入一切眾生界故；
		智	普攝一切如來智性，護持一切諸佛教故。
般若迴向	用無所得而為方便		佛子！菩薩摩訶薩以諸善根如是迴向時，用無所得而為方便，不於業中分別報，不於報中分別業；雖無分別而普入法界，雖無所作而恒住善根，雖無所起而勤修勝法；不信諸法而能深入，不有於法而悉知見，若作、不作皆不可得；知諸法性恒不自在，雖悉見諸法而無所見，普知一切而無所知。
	了達境界見諸佛法身		菩薩如是了達境界，知一切法因緣為本，見於一切諸佛法身，至一切法離染實際，解了世間皆如變化，明達眾生唯是一法、無有二性，不捨業境善巧方便；於有為界示無為法，而不滅壞有為之相；於無為界示有為法，而不分別無為之相。
	具一切智救護眾生		菩薩如是觀一切法畢竟寂滅，成就一切清淨善根，而起救護眾生之心，智慧明達一切法海，常樂修行離愚癡法，已具成就出世功德，不更修學世間之法，得淨智眼離諸癡翳，以善方便修迴向道。

附25-1：華嚴經十迴向品之至一切處迴向之三

大願	清淨具足十種大願	佛子！菩薩摩訶薩以諸善根如是迴向，稱可一切諸佛之心，嚴淨一切諸佛國土，教化成熟一切眾生，具足受持一切佛法；作一切眾生最上福田，為一切商人智慧導師，作一切世間清淨日輪；一一善根充遍法界，悉能救護一切眾生，皆令清淨具足功德。
力用	得十種能	佛子！菩薩摩訶薩如是迴向時，能護持一切佛種，能成熟一切眾生，能嚴淨一切國土，能不壞一切諸業，能了知一切諸法，能等觀諸法無二，能遍往十方世界，能了達離欲實際，能成就清淨信解，能具足明利諸根。（十種能）
智迴向	得十種至一切處圓滿	佛子！是為菩薩摩訶薩第四至一切處迴向，菩薩摩訶薩住此迴向時，
		僧得至一切處身業，普能應現一切世界故；
		法得至一切處語業，於一切世界中演說法故；
		佛得至一切處意業，受持一切佛所說法故；
		精進得至一切處神足通，隨眾生心悉往應故；
		禪定得至一切處隨證智，普能了達一切法故；
		般若得至一切處總持辯才，隨眾生心令歡喜故；
		方便得至一切處入法界，於一毛孔中普入一切世界故；
		願得至一切處遍入身，於一眾生身普入一切眾生身故；
		力得至一切處普見劫，一一劫中常見一切諸如來故；
		智得至一切處普見念，一一念中一切諸佛悉現前故。
精進波羅蜜結會至一切處迴向	十波羅蜜迴向	佛子！菩薩摩訶薩得至一切處迴向，能以善根如是迴向。
		爾時，金剛幢菩薩承佛威力，普觀十方而說頌言：（十一偈）
		僧內外一切諸世間，菩薩悉皆無所著，不捨饒益眾生業，大士修行如是智。
		法十方所有諸國土，一切無依無所住，不取活命等眾法，亦不妄起諸分別。
		佛普攝十方世界中，一切眾生無有餘，觀其體性無所有，至一切處善迴向。
		精進普攝有為無為法，不於其中起妄念，如於世間法亦然，照世燈明如是覺。
		禪定菩薩所修諸業行，上中下品各差別，悉以善根迴向彼，十方一切諸如來。
		般若菩薩迴向到彼岸，隨如來學悉成就，恒以妙智善思惟，具足人中最勝法。
		方便清淨善根普迴向，利益群迷恒不捨，悉令一切諸眾生，得成無上照世燈。
		願未曾分別取眾生，亦不妄想念諸法，雖於世間無染著，亦復不捨諸含識。
		力菩薩常樂寂滅法，隨順得至涅槃境，亦不捨離眾生道，獲如是等微妙智。
迴向圓滿		菩薩未曾分別業，亦不取著諸果報，一切世間從緣生，不離因緣見諸法。
		深入如是諸境界，不於其中起分別，一切眾生調御師，於此明了善迴向。

附25-1：華嚴經十迴向品之無盡功德藏迴向之一

云何五向		佛子！云何為菩薩摩訶薩無盡功德藏迴向？（禪那波羅蜜理事合會為主）
佛波羅蜜迴向	成就種種隨喜善根	佛子！此菩薩摩訶薩以懺除一切諸業重障所起善根；禮敬三世一切諸佛所起善根；勸請一切諸佛說法所起善根；聞佛說法精勤修習，悟不思議廣大境界所起善根；於去、來、今，一切諸佛、一切眾生所有善根，皆生隨喜所起善根；去、來、今世一切諸佛善根無盡，諸菩薩眾精勤修習所得善根；三世諸佛成正覺、轉正法輪、調伏眾生，菩薩悉知，發隨喜心所生善根；三世諸佛從初發心、修菩薩行、成最正覺乃至示現入般涅槃，般涅槃已正法住世乃至滅盡，於如是等皆生隨喜所有善根。（依十波羅蜜得十種善根，依十善根得無盡藏）
	迴向莊嚴一切佛土	菩薩如是念不可說諸佛境界及自境界，乃至菩提無障礙境，如是廣大無量差別一切善根，凡所積集，凡所信解，凡所隨喜，凡所圓滿，凡所成就，凡所修行，凡所獲得，凡所知覺，凡所攝持，凡所增長，悉以迴向莊嚴一切諸佛國土——如過去世無邊際劫，一切世界、一切如來所行之處。
	無量世界迴向	所謂：無量無數佛世界種，佛智所知，菩薩所識，大心所受；莊嚴佛刹，清淨業行，所流所引，應眾生起；如來神力之所示現，諸佛出世淨業所成，普賢菩薩妙行所興；一切諸佛於中成道，示現種種自在神力。盡未來際，所有如來、應、正等覺，遍法界住，當成佛道，當得一切清淨莊嚴功德佛土。
	智慧出生莊嚴佛土	盡法界、虛空界，無邊無際，無斷無盡，皆從如來智慧所生，無量妙寶之所莊嚴。所謂：一切香莊嚴、一切華莊嚴、一切衣莊嚴、一切功德藏莊嚴、一切諸佛力莊嚴、一切佛國土莊嚴。如來所都，不可思議，同行宿緣諸清淨眾於中止住，未來世中當成正覺。一切諸佛之所成就，非世所觀，菩薩淨眼乃能照見。
法波羅蜜迴向	善巧方便能作佛事	此諸菩薩具大威德，宿植善根，知一切法如幻如化，普行菩薩諸清淨業，入不思議自在三昧，善巧方便能作佛事，放佛光明普照世間，無有限極。現在一切諸佛世尊，悉亦如是，莊嚴世界無量形相、無量光色，悉是功德之所成就。無量香、無量寶、無量樹、無數莊嚴、無數宮殿、無數音聲，隨順宿緣諸善知識，示現一切功德莊嚴，無有窮盡。 所謂：一切香莊嚴、一切鬘莊嚴、一切末香莊嚴、一切寶莊嚴、一切幡莊嚴、一切寶繒綵莊嚴、一切寶欄楯莊嚴、阿僧祇金網莊嚴、阿僧祇河莊嚴、阿僧祇雲雨莊嚴、阿僧祇音樂奏微妙音，如是等無量無數莊嚴之具，莊嚴一切。
	於一切佛土所有莊嚴清淨迴向	盡法界、虛空界，十方無量種種業起，佛所了知、佛所宣說一切世界——其中所有一切佛土。所謂：莊嚴佛土、清淨佛土、平等佛土、妙好佛土、威德佛土、廣大佛土、安樂佛土、不可壞佛土、無盡佛土、無量佛土、無動佛土、無畏佛土、光明佛土、無違逆佛土、可愛樂佛土、普照明佛土、嚴好佛土、精麗佛土、妙巧佛土、第一佛土、勝佛土、殊勝佛土、最勝佛土、極勝佛土、上佛土、無上佛土、無等佛土、無比佛土、無譬喻佛土。
	莊嚴法界皆悉成就	如是過去、未來、現在一切佛土所有莊嚴，菩薩摩訶薩以已善根發心迴向：願以如是去、來、現在一切諸佛所有國土清淨莊嚴，悉以莊嚴於一世界，如彼一切諸佛國土所有莊嚴，皆悉成就，皆悉清淨，皆悉聚集，皆悉顯現，皆悉嚴好，皆悉住持。如一世界，如是，盡法界、虛空界，一切世界悉亦如是，三世一切諸佛國土種種莊嚴皆悉具足。

附25-1：華嚴經十迴向品之無盡功德藏迴向之二

精進迴向	智光普照 見無所礙	佛子！菩薩摩訶薩復以善根如是迴向：願我所修一切佛刹，諸大菩薩皆悉充滿。其諸菩薩，體性真實，智慧通達，善能分別一切世界及眾生界，深入法界及虛空界，捨離愚癡；成就念佛，念法真實不可思議，念僧無量普皆周遍，亦念於捨；法日圓滿，智光普照，見無所礙；從無得生生諸佛法，為眾勝上善根之主，發生無上菩提之心；
禪定迴向	淨眾生界 深入法性	住如來力，趣薩婆若，破諸魔業，淨眾生界，深入法性，永離顛倒，善根大願皆悉不空。如是菩薩充滿其土，生如是處，有如是德，常作佛事，得佛菩提清淨光明；具法界智，現神通力，一身充滿一切法界；得大智慧，入一切智所行之境，善能分別無量無邊法界句義；於一切刹皆無所著，而能普現一切佛土；心如虛空，無有所依，而能分別一切法界，善能入出不可思議甚深三昧；趣薩婆若，住諸佛刹，得諸佛力，開示演說阿僧祇法而無所畏；
般若迴向	悉能受持 一切佛法 得善巧智 善知句義	隨順三世諸佛善根，普照一切如來法界，悉能受持一切佛法；知阿僧祇諸語言法，善能演出不可思議差別音聲；入於無上佛自在，普遊十方一切世界而無障礙；行於無諍、無所依法，無所分別，修習增廣菩提之心；得善巧智，善知句義，能隨次第開示演說。願令如是諸大菩薩莊嚴其國，充滿分布，隨順安住，熏修、極熏修，純淨、極純淨，恬然宴寂。於一佛刹，隨一方所，皆有如是無數、無量、無邊、無等、不可數、不可稱、不可思、不可量、不可說、不可說不可說諸大菩薩周遍充滿。如一方所，一切方所亦復如是；如一佛刹，盡虛空遍法界一切佛刹悉亦如是。
方便迴向	以諸善根 方便迴向	佛子！菩薩摩訶薩以諸善根，方便迴向一切佛刹，方便迴向一切菩薩，方便迴向一切如來，方便迴向一切佛菩提，方便迴向一切廣大願，方便迴向一切出要道，方便迴向淨一切眾生界，方便迴向於一切世界常見諸佛出興於世，方便迴向常見如來壽命無量，方便迴向常見諸佛遍周法界轉無障礙不退法輪。（十種方便迴向即現相成就） 佛子！菩薩摩訶薩以諸善根如是迴向時，普入一切佛國土故，一切佛刹皆悉清淨；普至一切眾生界故，一切菩薩皆悉清淨；普願一切諸佛國土佛出興故，一切法界、一切佛土諸如來身超然出現。
大願迴向	其心廣大 猶如虛空	佛子！菩薩摩訶薩以如是等無比迴向趣薩婆若，其心廣大，猶如虛空，無有限量，入不思議，知一切業及以果報皆悉寂滅；心常平等，無有邊際，普能遍入一切法界。 佛子！菩薩摩訶薩如是迴向時，不分別我及以我所，不分別佛及以佛法，不分別刹及以嚴淨，不分別眾生及以調伏，不分別業及業果報，不著於思及思所起；不壞因，不壞果，不取事，不取法；不謂生死有分別，不謂涅槃恒寂靜，不謂如來證佛境界；無有少法，與法同止。
力迴向	普施眾生 平等教化	佛子！菩薩摩訶薩如是迴向時，以諸善根普施眾生，決定成熟，平等教化；無相、無緣、無稱量、無虛妄，遠離一切分別取著。菩薩摩訶薩如是迴向已，得無盡善根。
	力用迴向 善根無盡	所謂：念三世一切諸佛故，得無盡善根；念一切菩薩故，得無盡善根；淨諸佛刹故，得無盡善根；淨一切眾生界故，得無盡善根；深入法界故，得無盡善根；修無量心等虛空界故，得無盡善根；深解一切佛境界故，得無盡善根；於菩薩業勤修習故，得無盡善根；了達三世故，得無盡善根。

附25-1：華嚴經十迴向品之無盡功德藏迴向之三

智波羅蜜迴向	了知眾生解一切法		佛子！菩薩摩訶薩以一切善根如是迴向時，了一切眾生界無有眾生，解一切法無有壽命，知一切法無有作者，悟一切法無補伽羅，了一切法無有忿爭，觀一切法皆從緣起、無有住處，知一切物皆無所依，了一切刹悉無所住，觀一切菩薩行亦無處所，見一切境界悉無所有。
			佛子！菩薩摩訶薩如是迴向時，眼終不見不淨佛刹，亦復不見異相眾生，無有少法為智所入，亦無少智而入於法，解如來身非如虛空；一切功德無量妙法所圓滿故，於一切處令諸眾生積集善根悉充足故。
涅槃法	自成就清淨功德		佛子！此菩薩摩訶薩於念念中得不可說不可說十力地，具足一切福德，成就清淨善根，為一切眾生福田。此菩薩摩訶薩成就如意摩尼功德藏，隨有所須，一切樂具悉皆得故；隨所遊方悉能嚴淨一切國土，隨所行處令不可說不可說眾生皆悉清淨，攝取福德修治諸行故。
菩薩法	具足清淨		佛子！菩薩摩訶薩如是迴向時，修一切菩薩行，福德殊勝，色相無比；威力光明超諸世間，魔及魔民莫能瞻對；善根具足，大願成就；其心彌廣，等一切智；於一念中，悉能周遍無量佛刹；智力無量，了達一切諸佛境界，於一切佛得深信解；住無邊智菩提心力，廣大如法界，究竟如虛空。
成就十種無盡功德藏			佛子！是名菩薩摩訶薩第五無盡功德藏迴向。菩薩摩訶薩住此迴向，得十種無盡藏。何等為十？所謂：
	佛		得見佛無盡藏，於一毛孔見阿僧祇諸佛出興世故；
	法		得入法無盡藏，以佛智力觀一切法悉入一法故；
	僧		得憶持無盡藏，受持一切佛所說法無忘失故；
	精進		得決定慧無盡藏，善知一切佛所說法祕密方便故；
	禪定		得解義趣無盡藏，善知諸法理趣分齊故；
	般若		得無邊悟解無盡藏，以如虛空智通達三世一切法故；
	方便		得福德無盡藏，充滿一切諸眾生意不可盡故；
	願		得勇猛智覺無盡藏，悉能除滅一切眾生愚癡翳故；
	力		得決定辯才無盡藏，演說一切佛平等法令諸眾生悉解了故；
	智		得十力無畏無盡藏，具足一切菩薩所行，以離垢繒而繫其頂，至無障礙一切智故。
結會第五迴向			是為十。佛子！菩薩摩訶薩以一切善根迴向時，得此十種無盡藏。
			爾時，金剛幢菩薩普觀十方而說頌言：（二十五偈）
	涅槃十波羅蜜	佛	菩薩成就深心力，普於諸法得自在，以其勸請隨喜福，無礙方便善迴向。
		法	三世所有諸如來，嚴淨佛刹遍世間，所有功德靡不具，迴向淨刹亦如是。
		僧	三世所有諸佛法，菩薩皆悉諦思惟，以心攝取無有餘，如是莊嚴諸佛刹。
		精進	盡於三世所有劫，讚一佛刹諸功德，三世諸劫猶可盡，佛刹功德無窮盡。
		禪定	如是一切諸佛刹，菩薩悉見無有餘，總以莊嚴一佛土，一切佛土悉如是。
		般若	有諸佛子心清淨，悉從如來法化生，一切功德莊嚴心，一切佛刹皆充滿。
		方便	彼諸菩薩悉具足，無量相好莊嚴身，辯才演說遍世間，譬如大海無窮盡。

附25-1：華嚴經十迴向品之無盡功德藏迴向之四

依禪定十波羅蜜結會第五迴向位	涅槃	願	菩薩安住諸三昧，一切所行皆具足，其心清淨無與等，光明普照十方界。
		力	如是無餘諸佛刹，此諸菩薩皆充滿，未曾憶念聲聞乘，亦復不求緣覺道。
		智	菩薩如是心清淨，善根迴向諸群生，普欲令其成正道，具足了知諸佛法。
	菩薩十波羅蜜	佛	十方所有眾魔怨，菩薩威力悉摧破，勇猛智慧無能勝，決定修行究竟法。
		法	菩薩以此大願力，所有迴向無留礙，入於無盡功德藏，去來現在常無盡。
		僧	菩薩善觀諸行法，了達其性不自在，既知諸法性如是，不妄取業及果報。
		精進	無有色法無色法，亦無有想無無想，有法無法皆悉無，了知一切無所得。
		禪定	一切諸法因緣生，體性非有亦非無，而於因緣及所起，畢竟於中無取著。
		般若	一切眾生語言處，於中畢竟無所得，了知名相皆分別，明解諸法悉無我。
		方便	如眾生性本寂滅，如是了知一切法，三世所攝無有餘，刹及諸業皆平等。
		願	以如是智而迴向，隨其悟解福業生，此諸福相亦如解，豈復於中有可得？
		力	如是迴向心無垢，永不稱量諸法性，了達其性皆非性，不住世間亦不出。
		智	一切所行眾善業，悉以迴向諸群生，莫不了達其真性，所有分別皆除遣。
	本體	佛	所有一切虛妄見，悉皆棄捨無有餘，離諸熱惱恒清涼，住於解脫無礙地。
		法	菩薩不壞一切法，亦不滅壞諸法性，解了諸法猶如響，悉於一切無所著。
		僧	了知三世諸眾生，悉從因緣和合起，亦知心樂及習氣，未曾滅壞一切法。
	迴向圓滿		了達業性非是業，而亦不違諸法相，又亦不壞業果報，說諸法性從緣起。
			了知眾生無有生，亦無眾生可流轉，無實眾生而可說，但依世俗假宣示。

附25-1：華嚴經十迴向品之隨順堅固一切善根迴向之一

云何六向		佛子！云何為菩薩摩訶薩隨順堅固一切善根迴向？（般若波羅蜜理事合會為主）
佛迴向	於法自在威德廣被	佛子！此菩薩摩訶薩或為帝王臨御大國，威德廣被，名震天下，凡諸怨敵靡不歸順，發號施令悉依正法，執持一蓋溥蔭萬方，周行率土所向無礙，以離垢繒而繫其頂，於法自在，見者咸伏，不刑不罰，感德從化；以四攝法攝諸眾生，為轉輪王，一切周給。
法波羅蜜迴向／僧波羅蜜迴向	福德眷屬具足不壞	菩薩摩訶薩安住如是自在功德，有大眷屬，不可沮壞，離眾過失，見者無厭，福德莊嚴，相好圓滿，形體肢分均調具足；獲那羅延堅固之身，大力成就，無能屈伏；得清淨業，離諸業障；
	以智慧心行六十二種廣大布施——施諸有為和合智慧	具足修行一切布施，或施飲食及諸上味，或施車乘，或施衣服，或施華鬘、雜香、塗香、床座、房舍及所住處、上妙燈燭、病緣湯藥、寶器、寶車、調良象馬，悉皆嚴飾，歡喜布施。
		或有來乞王所處座，若蓋、若傘，幢幡寶物、諸莊嚴具，頂上寶冠、髻中明珠，乃至王位，皆無所吝。若見眾生在牢獄中，捨諸財寶、妻子、眷屬，乃至以身救彼令脫。若見獄囚將欲被戮，即捨其身以代彼命。
		或見來乞連膚頂發，歡喜施與亦無所吝。眼、耳、鼻、舌，及以牙齒、頭頂、手足、血肉、骨髓、心腎、肝肺、大腸、小腸、厚皮、薄皮、手足諸指、連肉爪甲，以歡喜心盡皆施與。
		或為求請未曾有法，投身而下深大火坑；或為護持如來正法，以身忍受一切苦毒；或為求法乃至一字，悉能遍捨四海之內一切所有。恒以正法化導群生，令修善行、捨離諸惡。若見眾生損敗他形，慈心救之，令捨罪業。
精進迴向	隨順善根精進迴向	若見如來成最正覺，稱揚讚歎，普使聞知。或施於地，造立僧坊、房舍、殿堂，以為住處；及施僮僕，供承作役。或以自身施來乞者，或施於佛。為求法故，歡喜踊躍；為眾生故，承事供養。或捨王位、城邑、聚落、宮殿、園林、妻子、眷屬，隨所乞求，悉滿其願。或捨一切資生之物，普設無遮大施之會；其中眾生種種福田，或從遠來，或從近來，或賢或愚，或好或醜，若男若女、人與非人，心行不同，所求各異，等皆施與，悉令滿足。（總說六十二種施）
		佛子！菩薩摩訶薩如是施時，發善攝心，悉以迴向。所謂：善攝色，隨順堅固一切善根；善攝受、想、行、識，隨順堅固一切善根；善攝王位，隨順堅固一切善根；善攝眷屬，隨順堅固一切善根；善攝資具，隨順堅固一切善根；善攝惠施，隨順堅固一切善根。
		六十二施（隨順善根之六十二種普施，六十二者即依般若智慧入世間法界，見附25-A）
精進迴向	隨順善根精進迴向	佛子！菩薩摩訶薩隨諸眾生一切所須，以如是等阿僧祇物而為給施；為令佛法相續不斷，大悲普救一切眾生；安住大慈，修菩薩行；於佛教誨終無違犯，以巧方便修行眾善，不斷一切諸佛種性；隨求悉與而無患厭，一切悉捨未曾中悔，常勤迴向一切智道。
		時，十方國土種種形類、種種趣生、種種福田，皆來集會，至菩薩所，種種求索。菩薩見已，普皆攝受；心生歡喜，如見善友；大悲哀愍，思滿其願；捨心增長，無有休息，亦不疲厭；隨其所求，悉令滿足，離貧窮苦。

附25-1：華嚴經十迴向品之隨順堅固一切善根迴向之二

精進波羅蜜迴向	隨順善根 精進迴向 志樂清淨		時，諸乞者心大欣慶，轉更稱傳，讚揚其德，美聲遐布，悉來歸往。菩薩見已，歡喜無量；假使百千億那由他劫受帝釋樂，無數劫受夜摩天樂，無量劫受兜率陀天樂，無邊劫受善變化天樂，無等劫受他化自在天樂，不可數劫受梵王樂，不可稱劫受轉輪王王三千樂，不可思劫受遍淨天樂，不可說劫受淨居天樂，悉不能及。菩薩摩訶薩見乞者來，歡喜愛樂，欣慶踊躍，信心增長，志樂清淨，諸根調順，信解成滿，乃至增進諸佛菩提。
	利益眾生十種精進迴向		佛子！菩薩摩訶薩以此善根，
		佛	為欲利益一切眾生故迴向，
		法	為欲安樂一切眾生故迴向，
		僧	為令一切眾生得大義利故迴向，
		精進	為令一切眾生悉得清淨故迴向，
		禪定	為令一切眾生悉求菩提故迴向，
		般若	為令一切眾生悉得平等故迴向，
		方便	為令一切眾生悉得賢善心故迴向，
		願	為令一切眾生悉入摩訶衍故迴向，
		力	為令一切眾生悉得賢善智慧故迴向，
		智	為令一切眾生悉具普賢菩薩行願滿十力乘現成正覺故迴向。
禪定波羅蜜迴向	依於自性三寶起諸迴向	三業解脫無著無繫（佛）	佛子！菩薩摩訶薩以諸善根如是迴向時，身、口、意業皆悉解脫，無著無繫，無眾生想，無命者想，無補伽羅想，無人想，無童子想，無生者想，無作者想，無受者想，無有想，無無想，無今世、後世想，無死此生彼想，無常想，無無常想，無三有想，無無三有想，非想非非想。如是，非縛迴向，非縛解迴向；非業迴向，非業報迴向；非分別迴向，非無分別迴向；非思迴向，非思已迴向；非心迴向，非無心迴向。
		不著內外諸法（法）	佛子！菩薩摩訶薩如是迴向時，不著內，不著外；不著能緣，不著所緣；不著因，不著果；不著法，不著非法；不著思，不著非思；不著色，不著色生，不著色滅；不著受、想、行、識，不著受、想、行、識生，不著受、想、行、識滅。
		諸法解脫（僧）	佛子！菩薩摩訶薩若能於此諸法不著，則不縛色，不縛色生，不縛色滅；不縛受、想、行、識，不縛受、想、行、識生，不縛受、想、行、識滅。若能於此諸法不縛，則亦於諸法不解。何以故？無有少法，若現生、若已生、若當生；無法可取，無法可著。一切諸法自相如是，無有自性，自性相離，非一、非二，非多、非無量，非小、非大，非狹、非廣，非深、非淺，非寂靜、非戲論，非處、非非處，非法、非非法，非體、非非體，非有、非非有。
般若	不捨菩薩行求一切智終無退轉		菩薩如是觀察諸法，則為非法；於言語中隨世建立，非法為法；不斷諸業道，不捨菩薩行，求一切智終無退轉；了知一切業緣如夢，音聲如響，眾生如影，諸法如幻，而亦不壞因緣業力；了知諸業其用廣大，解一切法皆無所作，行無作道未嘗暫廢。

附25-1：華嚴經十迴向品之隨順堅固一切善根迴向之三

方便波羅蜜迴向	住一切智無有退轉		佛子！此菩薩摩訶薩住一切智，若處、非處，普皆迴向一切智性；於一切處皆悉迴向，無有退轉。以何義故說名迴向？
		佛	永度世間至於彼岸，故名迴向；
		法	永出諸蘊至於彼岸，故名迴向；
		僧	度言語道至於彼岸，故名迴向；
		精進	離種種想至於彼岸，故名迴向；
		禪定	永斷身見至於彼岸，故名迴向；
		般若	永離依處至於彼岸，故名迴向；
		方便	永絕所作至於彼岸，故名迴向；
		願	永出諸有至於彼岸，故名迴向；
		力	永捨諸取至於彼岸，故名迴向；
		智	永出世法至於彼岸，故名迴向。
大願	隨順法住	佛子！菩薩摩訶薩如是迴向時，則為隨順佛住，隨順法住，隨順智住，隨順菩提住，隨順義住，隨順迴向住，隨順境界住，隨順行住，隨順真實住，隨順清淨住。	
力用	通達諸法	佛子！菩薩摩訶薩如是迴向，則為了達一切諸法，則為承事一切諸佛；無有一佛而不承事，無有一法而不供養；無有一法而可滅壞，無有一法而可乖違；無有一物而可貪著，無有一法而可厭離；不見內外一切諸法，有少滅壞，違因緣道；法力具足，無有休息。	
智迴向	諸佛護念	佛子！是為菩薩摩訶薩第六隨順堅固一切善根迴向。菩薩摩訶薩住此迴向時，常為諸佛之所護念，堅固不退，入深法性，修一切智；隨順法義，隨順法性，隨順一切堅固善根，隨順一切圓滿大願；具足隨順堅固之法，一切金剛所不能壞，於諸法中而得自在。	
依般若十波羅蜜結會第六迴向位	佛十波羅蜜迴向		爾時，金剛幢菩薩觀察十方、觀察眾會、觀察法界已，入於字句甚深之義，修習無量廣大之心，以大悲心普覆世間，長去、來、今佛種性心，入於一切諸佛功德，成就諸佛自在力身，觀諸眾生心之所樂，隨其善根所可成熟，依法性身為現色身，承佛神力而說頌言：（四十一偈，佛法僧十迴向法及十迴向圓滿法）
		佛	菩薩現身作國王，於世位中最無等，福德威光勝一切，普為群萌興利益。
		法	其心清淨無染著，於世自在咸尊敬，弘宣正法以訓人，普使眾生獲安隱。
		僧	現生貴族昇王位，常依正教轉法輪，稟性仁慈無毒虐，十方敬仰皆從化。
		精進	智慧分別常明了，色相才能皆具足，臨馭率土靡不從，摧伏魔軍悉令盡。
		禪定	堅持淨戒無違犯，決志堪忍不動搖，永願蠲除忿恚心，常樂修行諸佛法。
		般若	飲食香鬘及衣服，車騎床褥座與燈，菩薩悉以給濟人，并及所餘無量種。
		方便	為利益故而行施，令其開發廣大心，於尊勝處及所餘，意皆清淨生歡喜。
		願	菩薩一切皆周給，內外所有悉能捨，必使其心永清淨，不令暫爾生狹劣。
		力	或施於頭或施眼，或施於手或施足，皮肉骨髓及餘物，一切皆捨心無吝。
		智	菩薩身居大王位，種族豪貴人中尊，開口出舌施群生，其心歡喜無憂戀。

附25-1：華嚴經十迴向品之隨順堅固一切善根迴向之四

依般若十波羅蜜結會第六迴向位	法十波羅蜜迴向	佛	以彼施舌諸功德，迴向一切諸眾生，普願藉此勝因緣，悉得如來廣長舌。
		法	或施妻子及王位，或施其身作僮僕，其心清淨常歡喜，如是一切無憂悔。
		僧	隨所樂求咸施與，應時給濟無疲厭，一切所有皆能散，諸來求者普滿足。
		精進	為聞法故施其身，修諸苦行求菩提，復為眾生捨一切，求無上智不退轉。
		禪定	以於佛所聞正法，自捨其身充給侍，為欲普救諸群生，發生無量歡喜心。
		般若	彼見世尊大導師，能以慈心廣饒益，是時踊躍生歡喜，聽受如來深法味。
		方便	菩薩所有諸善根，悉以迴向諸眾生，普皆救護無有餘，永使解脫常安樂。
		願	菩薩所有諸眷屬，色相端嚴能辯慧，華鬘衣服及塗香，種種莊嚴皆具足。
		力	此諸眷屬甚希有，菩薩一切皆能施，專求正覺度群生，如是之心無暫捨。
	僧十波羅蜜迴向	智	菩薩如是諦思惟，備行種種廣大業，悉以迴向諸含識，而不生於取著心。
		佛	菩薩捨彼大王位，及以國土諸城邑，宮殿樓閣與園林，僮僕侍衛皆無吝。
		法	彼於無量百千劫，處處周行而施與，因以教導諸群生，悉使超昇無上岸。
		僧	無量品類各差別，十方世界來萃止，菩薩見已心欣慶，隨其所乏令滿足。
		精進	如三世佛所迴向，菩薩亦修如是業，調御人尊之所行，悉皆隨學到彼岸。
		禪定	菩薩觀察一切法，誰為能入此法者？云何為入何所入？如是布施心無住。
		般若	菩薩迴向善巧智，菩薩迴向方便法，菩薩迴向真實義，於其法中無所著。
		方便	心不分別一切業，亦不染著於業果，知菩提性從緣起，入深法界無違逆。
		願	不於身中而有業，亦不依止於心住，智慧了知無業性，以因緣故業不失。
	十波羅蜜迴向圓滿	力	心不妄取過去法，亦不貪著未來事，不於現在有所住，了達三世悉空寂。
		智	菩薩已到色彼岸，受想行識亦如是，超出世間生死流，其心謙下常清淨。
		佛	諦觀五蘊十八界，十二種處及己身，於此一一求菩提，體性畢竟不可得。
		法	不取諸法常住相，於斷滅相亦不著，法性非有亦非無，業理次第終無盡。
		僧	不於諸法有所住，不見眾生及菩提，十方國土三世中，畢竟求之無可得。
		精進	若能如是觀諸法，則如諸佛之所解，雖求其性不可得，菩薩所行亦不虛。
		禪定	菩薩了法從緣有，不違一切所行道，開示解說諸業迹，欲使眾生悉清淨。
		般若	是為智者所行道，一切如來之所說，隨順思惟入正義，自然覺悟成菩提。
		方便	諸法無生亦無滅，亦復無來無有去，不於此死而生彼，是人解悟諸佛法。
	結會	願	了達諸法真實性，而於法性無分別，知法無性無分別，此人善入諸佛智。
		力	法性遍在一切處，一切眾生及國土，三世悉在無有餘，亦無形相而可得。
		智	一切諸佛所覺了，悉皆攝取無有餘，雖說三世一切法，如是等法悉非有。
	結會		如諸法性遍一切，菩薩迴向亦復然，如是迴向諸眾生，常於世間無退轉。

附25-A：華嚴經十迴向品之隨順堅固一切善根迴向六十二施

總說		初具足修行一切布施				佛	施頭
佛十波羅蜜	佛	施食	精進十波羅蜜	法	施手足		
	法	施飲		僧	施血		
	僧	施種種清淨上味		精進	施髓肉		
	精進	施車乘		禪定	施心		
	禪定	施衣		般若	施肝肺		
	般若	施種種名華		方便	施支節骨		
	方便	施鬘		願	施皮		
	願	施香		力	施手足指		
	力	施塗香		智	施連肉爪甲		
	智	施床座		佛	為求法故投身火坑		
法十波羅蜜	佛	施房舍	禪定十波羅蜜	法	為求法故具身受苦		
	法	施住處		僧	為求法，乃至一字一句，捨其王位國城妻子一切所有		
	僧	施燈明		精進	菩薩為自捨屠殺業		
	精進	施湯藥		禪定	見殘忍損諸人畜，慈心救之，所謂去男形也		
	禪定	施一切器物		般若	菩薩見佛出興普告眾生，捨我慢戲論		
	般若	施種種寶嚴飾車		方便	捨大地		
	方便	施象寶		願	捨僮僕		
	願	施師子座		力	捨身施與一切眾生謙下離慢		
	力	施寶蓋		智	施身給侍諸佛		
	智	施寶幢幡		佛	菩薩以身布施眾生		
僧十波羅蜜	佛	施寶藏	般若十波羅蜜	法	菩薩以自身給伺諸佛		
	法	施種種妙莊嚴具		僧	施土地一切諸物及捨世事		
	僧	施冠及髻中珠		精進	捨都城關防輪稅		
	精進	施財寶妻子救眾生牢獄		禪定	捨內宮眷屬，捨妓侍眾女		
	禪定	捨身代命		般若	施所愛妻子		
	般若	施連膚頂髻		方便	施捨宅及諸資具		
	方便	施眼		願	施種種園林臺榭		
	願	施耳鼻		力	施廣大施會		
	力	施牙齒		智	施一切資生物		
	智	施舌		結會	隨諸眾生所須一切阿僧祇物施		

*此六十二施，初為總說所施之事，末為總說迴向用心及其精進。諸施各具三義：一者所施，二者迴向，三者精進。所施事相雖依世法，凡所用心，皆依六波羅蜜而具十法，表微細圓滿之意，當依經判別。

附25-A：華嚴經十迴向品之隨順堅固一切善根迴向六十二施之一

佛十波羅蜜迴向	佛波羅蜜	施食	佛子！菩薩摩訶薩隨所施物無量無邊，以彼善根如是迴向，所謂：以上妙食施眾生時，其心清淨，於所施物無貪、無著、無所顧吝，具足行施；願一切眾生得智慧食，心無障礙，了知食性，無所貪著，但樂法喜出離之食；智慧充滿，以法堅住，攝取善根，法身、智身清淨遊行；哀愍眾生，為作福田，現受搏食。是為菩薩摩訶薩布施食時善根迴向。
	法波羅蜜	施飲	佛子！菩薩摩訶薩若施飲時，以此善根如是迴向，所謂：願一切眾生飲法味水，精勤修習，具菩薩道；斷世渴愛，常求佛智；離欲境界，得法喜樂；從清淨法而生其身，常以三昧調攝其心；入智慧海，興大法雲，霑大法雨。是為菩薩摩訶薩布施飲時善根迴向。
	僧波羅蜜	施清淨上味	佛子！菩薩摩訶薩布施種種清淨上味。所謂：辛、酸、鹹、淡，及以甘、苦。種種諸味潤澤具足，能令四大安隱調和，肌體盈滿，氣力強壯，其心清淨常得歡喜；嚙咀之時，不欬不逆；諸根明利，內藏充實；毒不能侵，病不能傷；始終無患，永得安樂。以此善根如是迴向，所謂：
		佛	願一切眾生得最上味，甘露充滿；
		法	願一切眾生得法智味，了知一切諸味業用；
		僧	願一切眾生得無量法味，了達法界，安住實際大法城中；
		精進	願一切眾生作大法雲，周遍法界普雨法雨，教化調伏一切眾生；
		禪定	願一切眾生得勝智味，無上法喜充滿身心；
		般若	願一切眾生得無貪著一切上味，不染世間一切諸味，常勤修習一切佛法；
		方便	願一切眾生得一法味，了諸佛法悉無差別；
		願	願一切眾生得最勝味，乘一切智終無退轉；
		力	願一切眾生得入諸佛無異法味，悉能分別一切諸根；
		智	願一切眾生法味增益，常得滿足無礙佛法。
			是為菩薩摩訶薩布施味時善根迴向；為令一切眾生勤修福德，皆悉具足無礙智身故。
	精進	施車乘	佛子！菩薩摩訶薩施車乘時，以諸善根如是迴向，所謂：願一切眾生皆得具足一切智乘，乘於大乘、不可壞乘、最勝乘、最上乘、速疾乘、大力乘、福德具足乘、出世間乘、出生無量諸菩薩乘。是為菩薩摩訶薩施車乘時善根迴向。
	禪定	施衣	佛子！菩薩摩訶薩布施衣時，以諸善根如是迴向，所謂：願一切眾生得慚愧衣以覆其身，捨離邪道露形惡法，顏色潤澤，皮膚細軟，成就諸佛第一之樂，得最清淨一切種智。是為菩薩摩訶薩布施衣時善根迴向。
	般若波羅蜜	施名華時	佛子！菩薩摩訶薩常以種種名華布施，所謂：微妙香華、種種色華、無量奇妙華、善見華、可喜樂華、一切時華、天華、人華、世所珍愛華、甚芬馥悅意華。（十種妙華）
			以如是等無量妙華，供養一切現在諸佛，及佛滅後所有塔廟，或以供養說法之人，或以供養比丘僧寶、一切菩薩、諸善知識、聲聞、獨覺、父母、宗親，下至自身及餘一切貧窮、孤露。布施之時，以諸善根如是迴向，所謂：
		佛	願一切眾生皆得諸佛三昧之華，悉能開敷一切諸法；
		法	願一切眾生皆得如佛，見者歡喜，心無厭足；
		僧	願一切眾生所見順恆，心無動亂；

附25-A：華嚴經十迴向品之隨順堅固一切善根迴向六十二施之二

佛十波羅蜜迴向	般若波羅蜜	精進	願一切眾生具行廣大清淨之業；
		禪定	願一切眾生常念善友，心無變異；
		般若	願一切眾生如阿伽陀藥，能除一切煩惱眾毒；
		方便	願一切眾生成滿大願，皆悉得為無上智王；
		願	願一切眾生智慧日光破愚癡暗；
		力	願一切眾生菩提淨月增長滿足；
		智	願一切眾生入大寶洲見善知識，具足成就一切善根。
			是為菩薩摩訶薩布施華時善根迴向，為令眾生皆得清淨無礙智故。
	方便	施鬘	佛子！菩薩摩訶薩布施鬘時，以諸善根如是迴向，所謂：願一切眾生人所樂見，見者欽歎，見者親善，見者愛樂，見者渴仰，見者除憂，見者生喜，見者離惡，見者常得親近於佛，見者清淨獲一切智。是為菩薩摩訶薩布施鬘時善根迴向。
	願波羅蜜	施香	佛子！菩薩摩訶薩布施香時，以諸善根如是迴向：願一切眾生具足戒香，得不缺戒、不雜戒、不污戒、無悔戒、離纏戒、無熱戒、無犯戒、無邊戒、出世戒、菩薩波羅蜜戒；願一切眾生以是戒故，皆得成就諸佛戒身。是為菩薩摩訶薩布施香時善根迴向，為令眾生悉得圓滿無礙戒蘊故。
法十波羅蜜迴向	力波羅蜜	施塗香	佛子！菩薩摩訶薩施塗香時，以諸善根如是迴向，所謂：願一切眾生施香普熏，悉能惠捨一切所有；願一切眾生戒香普熏，得於如來究竟淨戒；願一切眾生忍香普熏，離於一切險害之心；願一切眾生精進香普熏，常服大乘精進甲冑；願一切眾生定香普熏，安住諸佛現前三昧；願一切眾生慧香普熏，一念得成無上智王；願一切眾生法香普熏，於無上法得無所畏；願一切眾生德香普熏，成就一切大功德智；願一切眾生菩提香普熏，得佛十力到於彼岸；願一切眾生清淨白法妙香普熏，永滅一切不善之法。是為菩薩摩訶薩施塗香時善根迴向。
	智波羅蜜	施床座	佛子！菩薩摩訶薩施床座時，以諸善根如是迴向，所謂：願一切眾生得諸天床座，證大智慧；願一切眾生得賢聖床座，捨凡夫意，住菩提心；願一切眾生得安樂床座，永離一切生死苦惱；願一切眾生得究竟床座，得見諸佛自在神通；願一切眾生得平等床座，恒普熏修一切善法；願一切眾生得最勝床座，具清淨業，世無與等；願一切眾生得安隱床座，證真實法，具足究竟；願一切眾生得清淨床座，修習如來淨智境界；願一切眾生得安住床座，得善知識常隨覆護；願一切眾生得師子床座，常如如來右脇而臥。是為菩薩摩訶薩施床座時善根迴向，為令眾生修習正念、善護諸根故。
法十波羅蜜迴向	佛波羅蜜	施房舍	佛子！菩薩摩訶薩施房舍時，以諸善根如是迴向，所謂：願一切眾生皆得安住清淨佛刹，精勤修習一切功德；安住甚深三昧境界，捨離一切住處執著；了諸住處皆無所有，離諸世間住一切智；攝取一切諸佛所住，住究竟道安樂住處；恒住第一清淨善根，終不捨離佛無上住。是為菩薩摩訶薩施房舍時善根迴向；為欲利益一切眾生，隨其所應，思惟救護故。
	法波羅蜜	施住處	佛子！菩薩摩訶薩施住處時，以諸善根如是迴向，所謂：願一切眾生常獲善利，其心安樂；願一切眾生依如來住，依大智住，依善知識住，依尊勝住，依善行住，依大慈住，依大悲住，依六波羅蜜住，依大菩提心住，依一切菩薩道住。是為菩薩摩訶薩施住處時善根迴向，為令一切福德清淨故，究竟清淨故，智清淨故，道清淨故，法清淨故，戒清淨故，志樂清淨故，信解清淨故，願清淨故，一切神通功德清淨故。

附25-A：華嚴經十迴向品之隨順堅固一切善根迴向六十二施之三

法十波羅蜜迴向	僧波羅蜜	施諸燈明時	佛子！菩薩摩訶薩施諸燈明，所謂：酥燈、油燈、寶燈、摩尼燈、漆燈、火燈、沈水燈、栴檀燈、一切香燈、無量色光燈。施如是等無量燈時，為欲利益一切眾生，為欲攝受一切眾生，以此善根如是迴向，所謂：
		佛	願一切眾生得無量光，普照一切諸佛正法；
		法	願一切眾生得清淨光，照見世間極微細色；
		僧	願一切眾生得離翳光，了眾生界空無所有；
		精進	願一切眾生得無邊光，身出妙光普照一切；
		禪定	願一切眾生得普照光，於諸佛法心無退轉；
		般若	願一切眾生得佛淨光，一切剎中悉皆顯現；
		方便	願一切眾生得無礙光，一光遍照一切法界；
		願	願一切眾生得無斷光，照諸佛刹光明不斷；
		力	願一切眾生得智幢光，普照世間；
		智	願一切眾生得無量色光，照一切剎示現神力。
		施諸燈明時十種利益眾生	菩薩如是施燈明時，為欲利益一切眾生，安樂一切眾生故，以此善根隨逐眾生，以此善根攝受眾生，以此善根分布眾生，以此善根慈愍眾生，以此善根覆育眾生，以此善根救護眾生，以此善根充滿眾生，以此善根緣念眾生，以此善根等益眾生，以此善根觀察眾生。是為菩薩摩訶薩施燈明時善根迴向，如是迴向無有障礙，普令眾生住善根中。
	精進波羅蜜	施湯藥	佛子！菩薩摩訶薩施湯藥時，以諸善根如是迴向，所謂：
		佛	願一切眾生於諸蓋纏，究竟得出；
		法	願一切眾生永離病身，得如來身；
		僧	願一切眾生作大良藥，滅除一切不善之病；
		精進	願一切眾生成阿伽陀藥，安住菩薩不退轉地；
		禪定	願一切眾生成如來藥，能拔一切煩惱毒箭；
		般若	願一切眾生親近賢聖，滅諸煩惱，修清淨行；
		方便	願一切眾生作大藥王，永除眾病，不令重發；
		願	願一切眾生作不壞藥樹，悉能救療一切眾生；
		力	願一切眾生得一切智光，出眾病箭；
		智	願一切眾生善解世間方藥之法，所有疾病為其救療。
		十種利益眾生	菩薩摩訶薩施湯藥時，為令一切眾生永離眾病故，究竟安隱故，究竟清淨故，如佛無病故，拔除一切病箭故，得無盡堅固身故，得金剛圍山所不壞身故，得堅固滿足力故，得圓滿不可奪佛樂故，得一切佛自在堅固身故，以諸善根如是迴向。
	禪定	施一切器物時	佛子！菩薩摩訶薩悉能惠施一切器物。所謂：黃金器盛滿雜寶，白銀器盛眾妙寶，琉璃器盛種種寶，玻璃器盛滿無量寶莊嚴具，磤磤器盛赤真珠，碼碯器盛滿珊瑚摩尼珠寶，白玉器盛眾美食，栴檀器盛天衣服，金剛器盛眾妙香。

附25-A：華嚴經十迴向品之隨順堅固一切善根迴向六十二施之四

法十波羅蜜迴向	禪定波羅蜜	施一切器物時	無量無數種種寶器，盛無量無數種種眾寶，或施諸佛，信佛福田不思議故；或施菩薩，知善知識難值遇故；或施聖僧，為令佛法久住世故；或施聲聞及辟支佛，於諸聖人生淨信故；或施父母，為尊重故；或施師長，為恒誘誨，令依聖教修功德故；或施下劣、貧窮、孤露，大慈、大悲愛眼等視諸眾生故；專意滿足去、來、今世一切菩薩檀波羅蜜故；以一切物普施一切，終不厭捨諸眾生故。
			如是施時，於其施物及以受者，皆無所著。菩薩摩訶薩以如是等種種寶器盛無量寶而布施時，以諸善根如是迴向，所謂：
		佛	願一切眾生成等虛空無邊藏器，念力廣大，悉能受持世、出世間一切經書，無有忘失；
		法	願一切眾生成清淨器，能悟諸佛甚深正法；
		僧	願一切眾生成無上寶器，悉能受持三世佛法；
		精進	願一切眾生成就如來廣大法器，以不壞信攝受三世佛菩提法；
		禪定	願一切眾生成就最勝寶莊嚴器，住大威德菩提之心；
		般若	願一切眾生成就功德所依處器，於諸如來無量智慧生淨信解；
		方便	願一切眾生成就趣入一切智器，究竟如來無礙解脫；
		願	願一切眾生得盡未來劫菩薩行器，能令眾生普皆安住一切智力；
		力	願一切眾生成就三世諸佛種性勝功德器，一切諸佛妙音所說悉能受持；
		智	願一切眾生成就容納盡法界、虛空界、一切世界一切如來眾會道場器，為大丈夫讚說之首，勸請諸佛轉正法輪。
			是為菩薩摩訶薩布施器時善根迴向，為欲普令一切眾生皆得圓滿普賢菩薩行願器故。
	般若波羅蜜——眾妙寶車五種施	說以寶嚴飾車起五種施	佛子！菩薩摩訶薩以種種車，眾寶嚴飾，奉施諸佛及諸菩薩、師長、善友、聲聞、緣覺，如是無量種種福田，乃至貧窮、孤露之者。此諸人眾，或從遠來，或從近來，或承菩薩名聞故來，或是菩薩因緣故來，或聞菩薩往昔所發施願故來，或是菩薩心願請來。
			菩薩是時，或施寶車，或施金車，悉妙莊嚴，鈴網覆上，寶帶垂下；或施上妙瑠璃之車，無量珍奇以為嚴飾；或復施與白銀之車，覆以金網，駕以駿馬；或復施與無量雜寶所莊嚴車，覆以寶網，駕以香象；或復施與栴檀之車，妙寶為輪，雜寶為蓋，寶師子座敷置嚴好，百千采女列坐其上，十萬丈夫牽御而行；
			或復施與玻瓈寶車，眾雜妙寶以為嚴飾，端正女人充滿其中，寶帳覆上，幢幡侍側；或復施與碼碯藏車，飾以眾寶，熏諸雜香，種種妙華散布莊嚴，百千采女持寶瓔珞，駕馭均調，涉險能安；或復施與堅固香車，眾寶為輪，莊嚴巨麗，寶帳覆上，寶網垂下，種種寶衣敷布其中，清淨好香流芬外徹，其香美妙稱悅人心，無量諸天翼從而行，載以眾寶隨時給施；或復施與光明寶車，種種諸寶妙色映徹，眾妙寶網羅覆其上，雜寶瓔珞周匝垂下，散以末香內外芬潔，所愛男女悉載其上。
		施佛時	佛子！菩薩摩訶薩以如是等眾妙寶車奉施佛時，以此善根如是迴向，所謂：

附25-A：華嚴經十迴向品之隨順堅固一切善根迴向六十二施之五

法 十 波 羅 蜜 迴 向	般若 波 羅 蜜 —— 眾 妙 寶 車 五 種 施	涅槃 十 波 羅 蜜	佛	願一切眾生悉解供養最上福田，深信施佛，得無量報；
			法	願一切眾生一心向佛，常遇無量清淨福田；
			僧	願一切眾生於諸如來無所吝惜，具足成就大捨之心；
			精進	願一切眾生於諸佛所修行施行，離二乘願，逮得如來無礙解脫一切智智；
			禪定	願一切眾生於諸佛所行無盡施，入佛無量功德智慧；
			般若	願一切眾生入佛勝智，得成清淨無上智王；
			方便	願一切眾生得佛遍至無礙神通，隨所欲往，靡不自在；
			願	願一切眾生深入大乘，獲無量智，安住不動；
			力	願一切眾生皆能出生一切智法，為諸天人最上福田；
			智	願一切眾生於諸佛所無嫌恨心，勤種善根，樂求佛智；
		菩薩 十 波 羅 蜜	佛	願一切眾生任運能往一切佛刹，一刹那中普周法界而無懈倦；
			法	願一切眾生逮得菩薩自在神通，分身遍滿等虛空界一切佛所親近供養；
			僧	願一切眾生得無比身，遍往十方而無厭倦；
			精進	願一切眾生得廣大身，飛行迅疾，隨意所往，終無懈怠；
			禪定	願一切眾生得佛究竟自在威力，一刹那中盡虛空界，悉現諸佛神通變化；
			般若	願一切眾生修安樂行，隨順一切諸菩薩道；
			方便	願一切眾生得速疾行，究竟十力智慧神通；
			願	願一切眾生普入法界十方國土，悉盡邊際等無差別；
			力	願一切眾生行普賢行無有退轉，到於彼岸成一切智；
			智	願一切眾生昇於無比智慧之乘，隨順法性見如實理。
				是為菩薩摩訶薩以眾寶車奉施現在一切諸佛及佛滅後所有塔廟善根迴向，為令眾生得於如來究竟出離無礙乘故。
			施菩薩時	佛子！菩薩摩訶薩以眾寶車施菩薩等善知識時，以諸善根如是迴向，所謂：
	涅槃 十 波 羅 蜜		佛	願一切眾生心常憶持善知識教，專勤守護，令不忘失；
			法	願一切眾生與善知識同一義利，普攝一切與共善根；
			僧	願一切眾生近善知識，尊重供養，悉捨所有，順可其心；
			精進	願一切眾生得善志欲，隨逐善友，未嘗捨離；
			禪定	願一切眾生常得值遇諸善知識，專意承奉，不違其教；
			般若	願一切眾生樂善知識，常不捨離，無間無雜，亦無誤失；
			方便	願一切眾生能以其身施善知識，隨其教命靡有違逆；
			願	願一切眾生為善知識之所攝受，修習大慈，遠離諸惡；
			力	願一切眾生隨善知識聽聞諸佛所說正法；
			智	願一切眾生與善知識同一善根清淨業果，與諸菩薩同一行願究竟十力；
	菩薩 波 羅 蜜		佛	願一切眾生悉能受持善知識法，逮得一切三昧境界智慧神通；
			法	願一切眾生悉能受持一切正法，修習諸行到於彼岸；
			僧	願一切眾生乘於大乘無所障礙，究竟成就一切智道；
			精進	願一切眾生悉得上於一切智乘，至安隱處無有退轉；
			禪定	願一切眾生知如實行，隨其所聞一切佛法，皆得究竟，永無忘失；

附25-A：華嚴經十迴向品之隨順堅固一切善根迴向六十二施之六

法 十 波 羅 蜜 迴 向	般 若 波 羅 蜜 —— 眾 妙 寶 車 五 種 施	菩 薩 波 羅 蜜	般若	願一切眾生普為諸佛之所攝受，得無礙智，究竟諸法；	
			方便	願一切眾生得無退失自在神通，所欲往詣，一念皆到；	
			願	願一切眾生往來自在，廣行化導，令住大乘；	
			力	願一切眾生所行不空，載以智乘到究竟位；	
			智	願一切眾生得無礙乘，以無礙智至一切處。	
					是為菩薩摩訶薩施善知識種種車時善根迴向，為令眾生功德具足與佛菩薩等無異故。
		施僧時			佛子！菩薩摩訶薩以眾寶車布施僧時，起學一切施心、智善了心、淨功德心、隨順捨心、僧寶難遇心、深信僧寶心、攝持正教心，住勝志樂，得未曾有，為大施會，出生無量廣大功德，深信佛教不可沮壞；以諸善根如是迴向，所謂：
		涅 槃 十 波 羅 蜜	佛	願一切眾生普入佛法，憶持不忘；	
			法	願一切眾生離凡愚法，入賢聖處；	
			僧	願一切眾生速入聖位，能以佛法次第開誘；	
			精進	願一切眾生舉世宗重，言必信用；	
			禪定	願一切眾生善入一切諸法平等，了知法界自性無二；	
			般若	願一切眾生從於如來智境而生，諸調順人所共圍遶；	
			方便	願一切眾生住離染法，滅除一切煩惱塵垢；	
			願	願一切眾生皆得成就無上僧寶，離凡夫地，入賢聖眾；（疑缺力波羅蜜文）	
		菩 薩 十 波 羅 蜜	智	願一切眾生勤修善法，得無礙智，具聖功德；	
			佛	願一切眾生得智慧心，不著三世，於諸眾中自在如王；	
			法	願一切眾生乘智慧乘，轉正法輪；	
			僧	願一切眾生具足神通，一念能往不可說不可說世界；	
			精進	願一切眾生乘虛空身，於諸世間智慧無礙；	
			禪定	願一切眾生普入一切虛空法界諸佛眾會，成就第一波羅蜜行；	
			般若	願一切眾生得輕舉身殊勝智慧，悉能遍入一切佛刹；	
			方便	願一切眾生獲無邊際善巧神足，於一切刹普現其身；	
			願	願一切眾生得於一切無所依身，以神通力如影普現；	
		涅 槃	力	願一切眾生得不思議自在神力，隨應可化，即現其前，教化調伏；	
			智	願一切眾生得入法界無礙方便，一念遍遊十方國土。	
		施聲聞獨覺時 （精進）			佛子！菩薩摩訶薩以眾寶車布施聲聞、獨覺之時，起如是心，所謂：福田心、尊敬心、功德海心、能出生功德智慧心、從如來功德勢力所生心、百千億那由他劫修習心、能於不可說劫修菩薩行心、解脫一切魔繫縛心、摧滅一切魔軍眾心、慧光照了無上法心；以此施車所有善根如是迴向，所謂：
		涅 槃	佛	願一切眾生為世所信第一福田，具足無上檀波羅蜜；	
			法	願一切眾生離無益語，常樂獨處，心無二念；	
			僧	願一切眾生成最第一清淨福田，攝諸眾生令修福業；	

附25-A：華嚴經十迴向品之隨順堅固一切善根迴向六十二施之七

法 十 波 羅 蜜 迴 向	般若波羅蜜——眾妙寶車五種施	涅槃十波羅蜜	精進	願一切眾生成智慧淵，能與眾生無量無數善根果報；	
			禪定	願一切眾生住無礙行，滿足清淨第一福田；	
			般若	願一切眾生住無諍法，了一切法皆無所作、無性為性；	
			方便	願一切眾生常得親近最上福田，具足修成無量福德；	
			願	願一切眾生能現無量自在神通，以淨福田攝諸含識；	
			力	願一切眾生具足無盡功德福田，能與眾生如來十力第一乘果；	
			智	願一切眾生為能辨果真實福田，成一切智，無盡福聚；	
		菩薩十波羅蜜	佛	願一切眾生得滅罪法，悉能受持所未曾聞佛法句義；	
			法	願一切眾生常勤聽受一切佛法，聞悉解悟，無空過者；	
			僧	願一切眾生聽聞佛法通達究竟，如其所聞，隨順演說；	
			精進	願一切眾生於如來教信解修行，捨離一切九十六種外道邪見；	
			禪定	願一切眾生常見賢聖，增長一切最勝善根；	
			般若	願一切眾生心常信樂智行之士，與諸聖哲同止共歡；	
			方便	願一切眾生聽聞佛名悉不唐捐，隨其所聞，咸得目見；	
			願	願一切眾生善分別知諸佛正教，悉能守護持佛法者；	
			力	願一切眾生常樂聽聞一切佛法，受持讀誦，開示照了；	
		智	願一切眾生信解佛教如實功德，悉捨所有，恭敬供養。		
				是為菩薩摩訶薩施聲聞、獨覺種種車時善根迴向；為令眾生皆得成就清淨第一智慧神通，精進修行無有懈怠，獲一切智、力、無畏故。	
		施諸福田乃至貧窮孤獨者時（禪定）		佛子！菩薩摩訶薩以眾寶車施諸福田乃至貧窮、孤獨者時，隨其所求，一切悉捨，心生歡喜，無有厭倦，仍向彼人自悔責言：我應往就供養供給，不應勞汝遠來疲頓。言已拜跪，問訊起居，凡有所須，一切施與；或時施彼摩尼寶車，以閻浮提第一女寶充滿其上；或復施與金莊嚴車，人間女寶充滿其上；或復施與妙瑠璃車，內宮妓女充滿其上；或施種種奇妙寶車，童女充滿，如天采女；或施無數寶莊嚴車，寶女滿中，柔明辯慧；或施所乘妙栴檀車，或復施與玻瓈寶車，悉載寶女，充滿其上，顏容端正，色相無比，袿服莊嚴，見者欣悅；或復施與碼碯寶車，灌頂王子身載其上；或時施與堅固香車，所有男女悉載其中；或施一切寶莊嚴車，載以難捨親善眷屬。	
				佛子！菩薩摩訶薩以如是等無量寶車，隨其所求，恭敬施與，皆令遂願，歡喜滿足；以此善根如是迴向，所謂：	
	涅槃十波羅蜜	佛	願一切眾生乘不退轉無障礙輪廣大之乘，詣不可議菩提樹下；		
		法	願一切眾生乘清淨因大法智乘，盡未來劫，修菩薩行永不退轉；		
		僧	願一切眾生乘一切法無所有乘，永離一切分別執著，而常修習一切智道；		
		精進	願一切眾生乘無諂誑正直之乘，往諸佛刹，自在無礙；		
		禪定	願一切眾生隨順安住一切智乘，以諸佛法共相娛樂；		
	般若		願一切眾生皆乘菩薩清淨行乘，具足菩薩十出離道及三昧樂；		

附25-A：華嚴經十迴向品之隨順堅固一切善根迴向六十二施之八

法十波羅蜜迴向	般若波羅蜜——眾妙寶車五種施	涅槃波羅蜜	方便	願一切眾生乘四輪乘，所謂住好國土、依止善人、集勝福德、發大誓願，以此成滿一切菩薩清淨梵行；		
			願	願一切眾生得普照十方法光明乘，修學一切如來智力；		
			力	願一切眾生乘佛法乘，到一切法究竟彼岸；		
			智	願一切眾生載眾福善難思法乘，普示十方安隱正道；		
		菩薩十波羅蜜	佛	願一切眾生乘大施乘，捨慳吝垢；		
			法	願一切眾生乘淨戒乘，持等法界無邊淨戒；		
			僧	願一切眾生乘忍辱乘，常於眾生離瞋濁心；		
			精進	願一切眾生乘大精進不退轉乘，堅修勝行，趣菩提道；		
			禪定	願一切眾生乘禪定乘，速至道場，證菩提智；		
			般若	願一切眾生乘於智慧巧方便乘，化身充滿一切法界、諸佛境界；		
			方便	願一切眾生乘法王乘，成就無畏，恒普惠施一切智法；		
			願	願一切眾生乘無所著智慧之乘，悉能遍入一切十方，於真法性而無所動；		
			力	願一切眾生乘於一切諸佛法乘，示現受生遍十方刹，而不失壞大乘之道；		
		智	願一切眾生乘一切智最上寶乘，滿足普賢菩薩行願而無厭倦。			
					是為菩薩摩訶薩以眾寶車施諸福田乃至貧窮、孤露之人善根迴向；為令眾生具無量智，歡喜踊躍，究竟皆得一切智乘故。	
	方便波羅蜜	施諸象馬時依十波羅蜜起迴向	六牙清淨	七支具足	佛子！菩薩摩訶薩布施象寶，其性調順，七支具足，年齒盛壯，六牙清淨，口色紅赤猶如蓮華，形體鮮白譬如雪山，金幢為飾，寶網羅覆，種種妙寶莊嚴其鼻，見者欣玩無有厭足，超步萬里曾不疲倦；或復施與調良馬寶，諸相具足猶如天馬，妙寶月輪以為光飾，真金鈴網羅覆其上，行步平正，乘者安隱，隨意所往迅疾如風，遊歷四洲自在無礙。	
						菩薩以此象寶、馬寶，或奉養父母及善知識，或給施貧乏、苦惱眾生，其心曠然，不生悔吝，但倍增欣慶，益加悲愍，修菩薩德，淨菩薩心；以此善根如是迴向，所謂：
			佛	願一切眾生住調順乘，增長一切菩薩功德；		
			法	願一切眾生得善巧乘，能隨出生一切佛法；		
			僧	願一切眾生得信解乘，普照如來無礙智力；		
			精進	願一切眾生得發趣乘，能普發興一切大願；		
			禪定	願一切眾生具足平等波羅蜜乘，成滿一切平等善根；		
			般若	願一切眾生成就寶乘，生諸佛法無上智寶；		
			方便	願一切眾生成就菩薩行莊嚴乘，開敷菩薩諸三昧華；		
			願	願一切眾生得無邊速疾乘，於無數劫淨菩薩心，精勤思惟，了達諸法；		
			力	願一切眾生成就最勝調順大乘，以善方便具菩薩地；		
			智	願一切眾生成最高廣堅固大乘，普能運載一切眾生，皆得至於一切智位。		
					是為菩薩摩訶薩施象、馬時善根迴向；為令眾生皆得乘於無礙智乘，圓滿究竟至佛乘故。	

附25-A：華嚴經十迴向品之隨順堅固一切善根迴向六十二施之九

法 十 波 羅 蜜 迴 向	願 波 羅 蜜	施諸師子座時	佛子！菩薩摩訶薩布施座時，或施所處師子之座。其座高廣殊特妙好，瑠璃為足，金鏤所成，柔軟衣服以敷其上；建以寶幢熏諸妙香，無量雜寶莊嚴之具以為莊校；金網覆上，寶鐸風搖，出妙音聲；奇珍萬計周匝填飾，一切臣民所共瞻仰。灌頂大王獨居其上，宣布法化萬邦遵奉。其王復以妙寶嚴身。
			所謂：普光明寶、帝青寶、大帝青寶、勝藏摩尼寶，明淨如日，清涼猶月，周匝繁布譬如眾星，上妙莊嚴第一無比；海殊妙寶、海堅固幢寶，奇文異表，種種莊嚴，於大眾中最尊最勝。閻浮檀金離垢寶繒以冠其首，享灌頂位，王閻浮提，具足無量大威德力；以慈為主伏諸怨敵，教令所行靡不承順。
		願成就眾生十種大菩提座	時，轉輪王以如是等百千萬億無量無數寶莊嚴座，施於如來第一福田，及諸菩薩、真善知識、賢聖僧寶、說法之師、父母、宗親、聲聞、獨覺，及以發趣菩薩乘者，或如來塔，乃至一切貧窮、孤露；隨其所須，悉皆施與。以此善根如是迴向，所謂：
		佛	願一切眾生坐菩提座，悉能覺悟諸佛正法；
		法	願一切眾生處自在座，得法自在，諸金剛山所不能壞，能悉摧伏一切魔軍；
		僧	願一切眾生得佛自在師子之座，一切眾生之所瞻仰；
		精進	願一切眾生得不可說不可說種種殊妙寶莊嚴座，於法自在，化導眾生；
		禪定	願一切眾生得三種世間最殊勝座，廣大善根之所嚴飾；
		般若	願一切眾生得周遍不可說不可說世界座，阿僧祇劫歎之無盡；
		方便	願一切眾生得大深密福德之座，其身充滿一切法界；
	力 波 羅 蜜	願	願一切眾生得不思議種種寶座，隨其本願所念眾生，廣開法施；
		力	願一切眾生得善妙座，現不可說諸佛神通；
		智	願一切眾生得一切寶座、一切香座、一切華座、一切衣座、一切鬘座、一切摩尼座、一切瑠璃等不思議種種寶座、無量不可說世界座、一切世間莊嚴清淨座、一切金剛座，示現如來威德自在，成最正覺。
			是為菩薩摩訶薩施寶座時善根迴向；為令眾生獲離世間大菩提座，自然覺悟一切佛法故。
	十 願 迴 向	施諸寶蓋時依十波羅蜜起迴向及三十種眾生力用	佛子！菩薩摩訶薩施諸寶蓋。此蓋殊特，尊貴所用，種種大寶而為莊嚴，百千億那由他上妙蓋中最為第一；眾寶為竿，妙網覆上，寶繩金鈴周匝垂下，摩尼瓔珞次第懸布，微風吹動，妙音克諧；珠玉寶藏種種充滿，無量奇珍悉以嚴飾，栴檀、沈水妙香普熏，閻浮檀金光明清淨。
			如是無量百千億那由他阿僧祇眾妙寶物具足莊嚴，以清淨心奉施於佛，及佛滅後所有塔廟，或為法故施諸菩薩及善知識、名聞法師，或施父母，或施僧寶，或復奉施一切佛法，或施種種眾生福田，或施師僧及諸尊宿，或施初發菩提之心乃至一切貧窮、孤露；隨有求者，悉皆施與。以此善根如是迴向，所謂：
		佛	願一切眾生勤修善根以覆其身，常為諸佛之所庇蔭；
		法	願一切眾生功德智慧以為其蓋，永離世間一切煩惱；
		僧	願一切眾生覆以善法，除滅世間塵垢熱惱；
		精進	願一切眾生得智慧藏，令眾樂見，心無厭足；
		禪定	願一切眾生以寂靜白法而自覆蔭，皆得究竟不壞佛法；

附25-A：華嚴經十迴向品之隨順堅固一切善根迴向六十二施之十

法十波羅蜜迴向	力波羅蜜	十願迴向	般若	願一切眾生善覆其身，究竟如來清淨法身；	
			方便	願一切眾生作周遍蓋，十力智慧遍覆世間；	
			願	願一切眾生得妙智慧，出過三世無所染著；	
			力	願一切眾生得應供蓋，成勝福田，受一切供；	
			智	願一切眾生得最上蓋，獲無上智，自然覺悟。	
				是為菩薩摩訶薩布施蓋時善根迴向；	
		施寶蓋時令眾生得三十種自性成就	佛波羅蜜	佛	為令一切眾生得自在蓋，能持一切諸善法故；
				法	為令一切眾生能以一蓋，普覆一切虛空法界一切剎土，示現諸佛自在神通無退轉故；
				僧	為令一切眾生能以一蓋，莊嚴十方一切世界，供養佛故；
				精進	為令一切眾生以妙幢幡及諸寶蓋，供養一切諸如來故；
				禪定	為令一切眾生得普莊嚴蓋，遍覆一切諸佛國土盡無餘故；
				般若	為令一切眾生得廣大蓋，普蓋眾生，皆令於佛生信解故；
				方便	為令一切眾生以不可說眾妙寶蓋，供養一佛，於不可說一一佛所皆如是故；
				願	為令一切眾生得佛菩提高廣之蓋，普覆一切諸如來故；
				力	為令一切眾生得一切摩尼寶莊嚴蓋、一切寶瓔珞莊嚴蓋、一切堅固香莊嚴蓋、種種寶清淨莊嚴蓋、無量寶清淨莊嚴蓋、廣大寶清淨莊嚴蓋，寶網彌覆，寶鈴垂下，隨風搖動，出微妙音，普覆法界、虛空界、一切世界諸佛身故；
				智	為令一切眾生得無障無礙智莊嚴蓋，普覆一切諸如來故；
			法波羅蜜	佛	又欲令一切眾生得第一智慧故；
				法	又欲令一切眾生得佛功德莊嚴故；
				僧	又欲令一切眾生於佛功德生清淨欲願心故；
				精進	又欲令一切眾生得無量無邊自在心寶故；
				禪定	又欲令一切眾生滿足諸法自在智故；
				般若	又欲令一切眾生以諸善根普覆一切故；
				方便	又欲令一切眾生成就最勝智慧蓋故；
				願	又欲令一切眾生成就十力普遍蓋故；
				力	又欲令一切眾生能以一蓋彌覆法界諸佛剎故；
				智	又欲令一切眾生於法自在為法王故；
			僧波羅蜜	佛	又欲令一切眾生得大威德自在心故；
				法	又欲令一切眾生得廣大智恒無絕故；
				僧	又欲令一切眾生得無量功德普覆一切皆究竟故；
				精進	又欲令一切眾生以諸功德蓋其心故；
				禪定	又欲令一切眾生以平等心覆眾生故；
				般若	又欲令一切眾生得大智慧平等蓋故；
				方便	又欲令一切眾生具大迴向巧方便故；

附25-A：華嚴經十迴向品之隨順堅固一切善根迴向六十二施之十一

法 十 波 羅 蜜 迴 向	力	波	願	又欲令一切眾生獲勝欲樂清淨心故；
		羅	力	又欲令一切眾生得善欲樂清淨意故；
		蜜	智	又欲令一切眾生得大迴向普覆一切諸眾生故。
	智 波 羅 蜜	施上妙幢幡時		佛子！菩薩摩訶薩或施種種上妙幢幡。眾寶為竿，寶繒為幡，種種雜綵以為其幢；寶網垂覆，光色遍滿；寶鐸微搖，音節相和；奇特妙寶形如半月，閻浮檀金光逾皦日，悉置幢上；隨諸世界業果所現，種種妙物以為嚴飾。
				如是無數千萬億那由他諸妙幢幡，接影連輝遞相間發，光明嚴潔周遍大地，充滿十方虛空法界一切佛刹。菩薩摩訶薩淨心信解，以如是等無量幢幡，或施現在一切諸佛及佛滅後所有塔廟，或施法寶，或施僧寶，或施菩薩、諸善知識，或施聲聞及辟支佛，或施大眾，或施別人；諸來求者，普皆施與。以此善根如是迴向，所謂：
		成就眾生十種幢幡	佛	願一切眾生皆能建立一切善根福德幢幡，不可毀壞；
			法	願一切眾生建一切法自在幢幡，尊重愛樂，勤加守護；
			僧	願一切眾生常以寶繒書寫正法，護持諸佛菩薩法藏；
			精進	願一切眾生建高顯幢，然智慧燈普照世間；
			禪定	願一切眾生立堅固幢，悉能摧殄一切魔業；
			般若	願一切眾生建智力幢，一切諸魔所不能壞；
			方便	願一切眾生得大智慧那羅延幢，摧滅一切世間慢幢；
			願	願一切眾生得智慧日大光明幢，以智日光普照法界；
			力	願一切眾生具足無量寶莊嚴幢，充滿十方一切世界供養諸佛；
			智	願一切眾生得如來幢，摧滅一切九十六種外道邪見。
				是為菩薩摩訶薩施幢幡時善根迴向，為令一切眾生得甚深高廣菩薩行幢及諸菩薩神通行幢清淨道故。
	佛 波 羅 蜜	施眾寶藏時		佛子！菩薩摩訶薩開眾寶藏，以百千億那由他諸妙珍寶，給施無數一切眾生，隨意與之，心無吝惜；以諸善根如是迴向，所謂：
		成就眾生十種寶	佛	願一切眾生常見佛寶，捨離愚癡，修行正念；
			法	願一切眾生皆得具足法寶光明，護持一切諸佛法藏；
			僧	願一切眾生能悉攝受一切僧寶，周給供養，恒無厭足；
			精進	願一切眾生得一切智無上心寶，淨菩提心，無有退轉；
			禪定	願一切眾生得智慧寶，普入諸法，心無疑惑；
			般若	願一切眾生具足菩薩諸功德寶，開示演說無量智慧；
			方便	願一切眾生得於無量妙功德寶，修成正覺十力智慧；
			願	願一切眾生得妙三昧十六智寶，究竟成滿廣大智慧；
			力	願一切眾生成就第一福田之寶，悟入如來無上智慧；
			智	願一切眾生得成第一無上寶主，以無盡辯開演諸法。
				是為菩薩摩訶薩施眾寶時善根迴向，為令一切眾生皆得成滿第一智寶、如來無礙淨眼寶故。

附25-A：華嚴經十迴向品之隨順堅固一切善根迴向六十二施之十二

僧十波羅蜜迴向	法波羅蜜	施諸妙莊嚴具時	佛子！菩薩摩訶薩或以種種妙莊嚴具而為布施。所謂：一切身莊嚴具，令身淨妙，靡不稱可。菩薩摩訶薩等觀一切世間眾生，猶如一子，欲令皆得身淨莊嚴，成就世間最上安樂、佛智慧樂，安住佛法，利益眾生。以如是等百千億那由他種種殊妙寶莊嚴具，勤行布施。行布施時，以諸善根如是迴向，所謂：
		佛	願一切眾生成就無上妙莊嚴具，以諸清淨功德智慧莊嚴人天；
		法	願一切眾生得清淨莊嚴相，以淨福德莊嚴其身；
		僧	願一切眾生得上妙莊嚴相，以百福相莊嚴其身；
		精進	願一切眾生得不雜亂莊嚴相，以一切相莊嚴其身；
		禪定	願一切眾生得善淨語言莊嚴相，具足種種無盡辯才；
		般若	願一切眾生得一切功德聲莊嚴相，其音清淨，聞者喜悅；
		方便	願一切眾生得可愛樂諸佛語言莊嚴相，令諸眾生聞法歡喜修清淨行；
		願	願一切眾生得心莊嚴相，入深禪定，普見諸佛；
		力	願一切眾生得總持莊嚴相，照明一切諸佛正法；
		智	願一切眾生得智慧莊嚴相，以佛智慧莊嚴其心。
			是為菩薩摩訶薩惠施一切莊嚴具時善根迴向；為令眾生具足一切無量佛法，功德智慧圓滿莊嚴，永離一切憍慢放逸故。
	僧波羅蜜	施摩尼寶冠	佛子！菩薩摩訶薩以受灌頂自在王位摩尼寶冠及髻中珠，普施眾生，心無吝惜，常勤修習，為大施主，修學施慧，增長捨根，智慧善巧，其心廣大，給施一切，以彼善根如是迴向，所謂：
		佛	願一切眾生得諸佛法之所灌頂，成一切智；
		法	願一切眾生具足頂髻，得第一智，到於彼岸；
		僧	願一切眾生以妙智寶普攝眾生，皆令究竟功德之頂；
		精進	願一切眾生皆得成就智慧寶頂，堪受世間之所禮敬；
		禪定	願一切眾生以智慧冠莊嚴其首，為一切法自在之王；
		般若	願一切眾生智慧明珠繫其頂上，一切世間無能見者；
		方便	願一切眾生皆悉堪受世間頂禮，成就慧頂，照明佛法；
		願	願一切眾生首冠十力莊嚴之冠，智慧寶海清淨具足；
		力	願一切眾生至大地頂，得一切智，究竟十力，破欲界頂諸魔眷屬；
		智	願諸眾生得成第一無上頂王，獲一切智光明之頂，無能映奪。
			是為菩薩摩訶薩施寶冠時善根迴向，為令眾生得第一智最清淨處智慧摩尼妙寶冠故。
	精進波羅蜜	施財寶救眾牢獄時	佛子！菩薩摩訶薩見有眾生處在牢獄黑暗之處，桎械、枷鎖檢繫其身，起坐不安，眾苦競集，無有親識，無歸無救，裸露、飢羸，酸劇難忍。菩薩見已，捨其所有一切財寶、妻子、眷屬及以自身，於牢獄中救彼眾生，如大悲菩薩、妙眼王菩薩；既救度已，隨其所須，普皆給施，除其苦患，令得安隱；然後施以無上法寶，令捨放逸，安住善根，於佛教中，心無退轉。
			佛子！菩薩摩訶薩於牢獄中救眾生時，以諸善根如是迴向，所謂：
		佛	願一切眾生究竟解脫貪愛纏縛；

附25-A：華嚴經十迴向品之隨順堅固一切善根迴向六十二施之十三

僧十波羅蜜迴向	精進波羅蜜	法	願一切眾生斷生死流，昇智慧岸；
		僧	願一切眾生除滅愚癡，生長智慧，解脫一切煩惱纏縛；
		精進	願一切眾生滅三界縛，得一切智，究竟出離；
		禪定	願一切眾生永斷一切煩惱結縛，到無煩惱、無障礙地智慧彼岸；
		般若	願一切眾生離諸動念、思惟、分別，入於平等不動智地；
		方便	願一切眾生脫諸欲縛，永離世間一切貪欲，於三界中無所染著；
		願	願一切眾生得勝志樂，常蒙諸佛為說法門；
		力	願一切眾生得無著、無縛解脫，心廣大如法界，究竟如虛空；
		智	願一切眾生得菩薩神通，一切世界調伏眾生，令離世間，住於大乘。
			是為菩薩摩訶薩救度牢獄苦眾生時善根迴向，為令眾生普入如來智慧地故。
	禪定波羅蜜	施捨身命時	佛子！菩薩摩訶薩見有獄囚五處被縛，受諸苦毒；防衛驅逼，將之死地，欲斷其命，捨閻浮提一切樂具，親戚、朋友悉將永訣，置高碁上以刀屠割，或用木槍豎貫其體，衣纏油沃以火焚燒，如是等苦，種種逼迫。
			菩薩見已，自捨其身而代受之；如阿逸多菩薩、殊勝行王菩薩及餘無量諸大菩薩，為眾生故，自捨身命，受諸苦毒。
			菩薩爾時語主者言：我願捨身以代彼命，如此等苦可以與我。如治彼人，隨意皆作；設過彼苦阿僧祇倍，我亦當受，令其解脫。我若見彼將被殺害，不捨身命救贖其苦，則不名為住菩薩心。何以故？我為救護一切眾生，發一切智菩提心故。
			佛子！菩薩摩訶薩自捨身命救眾生時，以諸善根如是迴向，所謂：
		佛	願一切眾生得無斷盡究竟身命，永離一切災橫逼惱；
		法	願一切眾生依諸佛住，受一切智，具足十力，菩提記別；
		僧	願一切眾生普救含識，令無怖畏，永出惡道；
		精進	願一切眾生得一切命，入於不死智慧境界；
		禪定	願一切眾生永離怨敵，無諸厄難，常為諸佛、善友所攝；
		般若	願一切眾生捨離一切刀劍兵仗、諸惡苦具，修行種種清淨善業；
		方便	願一切眾生離諸怖畏，菩提樹下摧伏魔軍；
		願	願一切眾生離大眾怖，於無上法心淨無畏，能為最上大師子吼；
		力	願一切眾生得無障礙師子智慧，於諸世間修行正業；
		智	願一切眾生到無畏處，常念救護諸苦眾生。
			是為菩薩摩訶薩自捨身命救彼臨刑諸獄囚時善根迴向；為令眾生離生死苦，得於如來上妙樂故。

附25-A：華嚴經十迴向品之隨順堅固一切善根迴向六十二施之十四

僧十波羅蜜迴向	般若波羅蜜	施連膚頂髻時	佛子！菩薩摩訶薩布施乞者連膚頂髻，如寶髻王菩薩、勝妙身菩薩，及餘無量諸菩薩等。菩薩是時見乞者來，心生歡喜而語之言：汝今若須連膚頂髻，可就我取。我此頂髻，閻浮提中第一。
			作是語時，心無動亂，不念餘業，捨離世間，志求寂靜，究竟清淨，精勤質直，向一切智；便執利刀割其頭上連膚頂髻，右膝著地，合十指掌，一心施與；正念三世一切諸佛菩薩所行，發大歡喜，增上志樂；於諸法中意善開解，不取於苦，了知苦受無相無生，諸受互起，無有常住：是故我應同去、來、今一切菩薩修行大捨，發深信樂，求一切智無有退轉，不由他教善知識力。
			菩薩摩訶薩作是施時，以諸善根如是迴向，所謂：
		佛	願一切眾生得無見頂，成就菩薩如塔之髻；
		法	願一切眾生得紺青髮、金剛髮、細軟髮，能滅眾生一切煩惱；
		僧	願一切眾生得潤澤髮、密緻髮、不侵鬢額髮；
		精進	願一切眾生得柔軟髮、盡於鬢額而生髮；
		禪定	願一切眾生得如卍字髮、螺文右旋髮；
		般若	願一切眾生得佛相髮，永離一切煩惱結習；
		方便	願一切眾生得光明髮，其光普照十方世界；
		願	願一切眾生得無亂髮、如如來髮，淨妙無雜；
		力	願一切眾生得成應供頂塔之髮，令其見者如見佛髮；
		智	願一切眾生皆得如來無染著髮，永離一切闇翳塵垢。
			是為菩薩摩訶薩施連膚髻時善根迴向；為令眾生其心寂靜，皆得圓滿諸陀羅尼，究竟如來一切種智、十種力故。
	方便波羅蜜	施眼時	佛子！菩薩摩訶薩以眼布施諸來乞者，如歡喜行菩薩、月光王菩薩，及餘無量諸菩薩等所行惠施。菩薩摩訶薩布施眼時，起清淨施眼心，起清淨智眼心，起依止法光明心，起現觀無上佛道心，發迴向廣大智慧心，發與三世菩薩平等捨施心，發於無礙眼起不壞淨信心，於其乞者起歡喜攝受心；為究竟一切神通故，為生佛眼故，為增廣大菩提心故，為修習大慈悲故，為制伏六根故，於如是法而生其心。
			佛子！菩薩摩訶薩布施眼時，於其乞者心生愛樂，為設施會，增長法力；捨離世間愛見放逸，除斷欲縛，修習菩提；隨彼所求，心安不動，不違其意，皆令滿足，而常隨順無二捨行。以此善根如是迴向，所謂：
		佛	願一切眾生得最勝眼，示導一切；
		法	願一切眾生得無礙眼，開廣智藏；
		僧	願一切眾生得淨肉眼，光明鑒徹，無能蔽者；
		精進	願一切眾生得淨天眼，悉見眾生生死業果；
		禪定	願一切眾生得淨法眼，能隨順入如來境界；
		般若	願一切眾生得智慧眼，捨離一切分別取著；
		方便	願一切眾生具足佛眼，悉能覺悟一切諸法；
		願	願一切眾生成就普眼，盡諸境界無所障礙；
		力	願一切眾生成就清淨離癡瞋眼，了眾生界空無所有；

附25-A：華嚴經十迴向品之隨順堅固一切善根迴向六十二施之十五

僧十波羅蜜迴向	方便	智	願一切眾生具足清淨無障礙眼，皆得究竟如來十力。
			是為菩薩摩訶薩布施眼時善根迴向，為令眾生得一切智清淨眼故。
	願波羅蜜	施耳鼻時	佛子！菩薩摩訶薩能以耳、鼻施諸乞者，如勝行王菩薩、無怨勝菩薩，及餘無量諸菩薩等。布施之時，親附乞者，專心修習諸菩薩行；具佛種性，生如來家，念諸菩薩所修施行，常勤發起諸佛菩提，清淨諸根功德智慧；觀察三有，無一堅固；願常得見諸佛菩薩，隨順憶念一切佛法；知身虛妄空無所有，無所貪惜。
			菩薩如是施耳鼻時，心常寂靜調伏諸根；免濟眾生險惡諸難，生長一切智慧功德；入大施海，了達法義，具修諸道；依智慧行，得法自在，以不堅身易堅固身。
			佛子！菩薩摩訶薩布施耳時，以諸善根如是迴向，所謂：
		佛	願一切眾生得無礙耳，普聞一切說法之音；
		法	願一切眾生得無障耳，悉能解了一切音聲；
		僧	願一切眾生得如來耳，一切聰達無所壅滯；
		精進	願一切眾生得清淨耳，不因耳處生分別心；
		禪定	願一切眾生得無聾聵耳，令蒙昧識畢竟不生；
		般若	願一切眾生得遍法界耳，悉知一切諸佛法音；
		方便	願一切眾生得無礙耳，開悟一切無障礙法；
		願	願一切眾生得無壞耳，善知諸論，無能壞者；
		力	願一切眾生得普聞耳，廣大清淨，為諸耳王；
		智	願一切眾生具足天耳及以佛耳。
			是為菩薩摩訶薩布施耳時善根迴向，為令眾生皆悉獲得清淨耳故。
		施鼻時	佛子！菩薩摩訶薩布施鼻時，如是迴向，所謂：
		願得十種鼻	願一切眾生得隆直鼻，得隨好鼻，得善相鼻，得可愛樂鼻，得淨妙鼻，得隨順鼻，得高顯鼻，得伏怨鼻，得善見鼻，得如來鼻；
		願得十種面	願一切眾生得離恚怒面，得一切法面，得無障礙面，得善見面，得隨順面，得清淨面，得離過失面，得如來圓滿面，得遍一切處面，得無量美好面。
			是為菩薩摩訶薩布施鼻時善根迴向，
		佛	為令眾生究竟得入諸佛法故，
		法	為令眾生究竟攝受諸佛法故，
		僧	為令眾生究竟了知諸佛法故，
		精進	為令眾生究竟住持諸佛法故，
		禪定	為令眾生究竟常見諸如來故，
		般若	為令眾生皆悉證得佛法門故，
		方便	為令眾生究竟成就無能壞心故，
		願	為令眾生皆能照了諸佛正法故，
		力	為令眾生普悉嚴淨諸佛國土故，
		智	為令眾生皆得如來大威力身故。
			是為菩薩摩訶薩施耳、鼻時善根迴向。

附25-A：華嚴經十迴向品之隨順堅固一切善根迴向六十二施之十六

僧十波羅蜜迴向	力波羅蜜	施牙齒時十二種施	佛子！菩薩摩訶薩安住堅固自在地中，能以牙齒施諸眾生，猶如往昔華齒王菩薩、六牙象王菩薩，及餘無量諸菩薩等。菩薩摩訶薩施牙齒時，其心清淨，希有難得如優曇華。
			所謂：無盡心施、大信心施、步步成就無量捨心施、調伏諸根心施、一切悉捨心施、一切智願心施、安樂眾生心施、大施、極施、勝施、最勝施、輟身要用無所嫌恨心施。
			菩薩爾時，以諸善根如是迴向，所謂：
		佛	願一切眾生得銛白牙齒，成最勝塔，受天人供；
		法	願一切眾生得齊平牙齒，如佛相好，無有踈缺；
		僧	願一切眾生得調伏心，善趣菩薩波羅蜜行；
		精進	願一切眾生口善清淨，牙齒鮮白，分明顯現；
		禪定	願一切眾生得可憶念莊嚴牙齒，其口清淨，無可惡相；
		般若	願一切眾生牙齒成就具滿四十，常出種種希有妙香；
		方便	願一切眾生意善調伏，牙齒鮮潔如白蓮華，文理迴旋卅字成就；
		願	願一切眾生口脣鮮淨，牙齒潔白，放無量光周遍照耀；
		力	願一切眾生牙齒堅利，食無完粒，無所味著，為上福田；
		智	願一切眾生於牙齒間常放光明，授諸菩薩第一記別。
			是為菩薩摩訶薩施牙齒時善根迴向；為令眾生具一切智，於諸法中智慧清淨故。
	智波羅蜜	施舌時起十種心	佛子！菩薩摩訶薩若有人來從乞舌時，於乞者所，以慈悲心軟語、愛語，猶如往昔端正面王菩薩、不退轉菩薩，及餘無量諸菩薩等。佛子！菩薩摩訶薩於諸趣中而受生時，有無量百千億那由他眾生而來乞舌。
			菩薩爾時，安置其人在師子座，以無恚心、無害心、無恨心、大威德心、從佛種性所生心、住於菩薩所住心、常不濁亂心、住大勢力心、於身無著心、於語無著心，兩膝著地，開口出舌，以示乞者；慈心軟語而告之言：我今此身，普皆屬汝。可取我舌，隨意所用；令汝所願，皆得滿足。
			菩薩爾時，以諸善根如是迴向，所謂：
		佛	願一切眾生得周普舌，悉能宣示諸語言法；
		法	願一切眾生得覆面舌，所言無二，皆悉真實；
		僧	願一切眾生得普覆一切佛國土舌，示現諸佛自在神通；
		精進	願一切眾生得軟薄舌，恒受美妙清淨上味；
		禪定	願一切眾生得辯才舌，能斷一切世間疑網；
		般若	願一切眾生得光明舌，能放無數萬億光明；
		方便	願一切眾生得決定舌，辯說諸法無有窮盡；
		願	願一切眾生得普調伏舌，善能開示一切祕要，所有言說皆令信受；
		力	願一切眾生得普通達舌，善入一切語言大海；
		智	願一切眾生得善說一切諸法門舌，於言語智悉到彼岸。
			是為菩薩摩訶薩布施舌時善根迴向，為令眾生皆得圓滿無礙智故。

附25-A：華嚴經十迴向品之隨順堅固一切善根迴向六十二施之十七

精進十波羅蜜迴向	佛波羅蜜	施頭時	佛子！菩薩摩訶薩以頭布施諸來乞者，如最勝智菩薩，及大丈夫迦尸國王等諸大菩薩所行布施；（十種首）
		佛	為欲成就入一切法最勝智首，
		法	為欲成就證大菩提救眾生首，
		僧	為欲具足見一切法最第一首，
		精進	為得正見清淨智首，
		禪定	為欲成就無障礙首，
		般若	為欲證得第一地首，
		方便	為求世間最勝智首，
		願	欲成三界無能見頂淨智慧首，
		力	為得示現普到十方智慧王首，
		智	為欲滿足一切諸法無能破壞自在之首。
	得最勝法成就無上大智慧		佛子！菩薩摩訶薩安住是法，精勤修習，則為已入諸佛種性，學佛行施；於諸佛所，生清淨信，增長善根；令諸乞者，皆得喜足；其心清淨，慶悅無量；心淨信解，照明佛法；發菩提意，安住捨心；諸根悅豫，功德增長；生善樂欲，常好修行廣大施行。
			菩薩爾時，以諸善根如是迴向，所謂：願一切眾生得如來頭，得無見頂；於一切處無能映蔽，於諸佛刹最為上首；其髮右旋，光淨潤澤，卐字嚴飾，世所希有；具足佛首，成就智首，一切世間最第一首，為具足首，為清淨首，為坐道場圓滿智首。
			是為菩薩摩訶薩布施頭時善根迴向；為令眾生得最勝法，成於無上大智慧故。
	法波羅蜜	依十波羅蜜施手足時迴向	佛子！菩薩摩訶薩以其手、足施諸眾生，如常精進菩薩、無憂王菩薩，及餘無量諸菩薩等。於諸趣中種種生處布施手、足，以信為手，起饒益行；往返周旋，勤修正法，願得寶手以手為施；所行不空，具菩薩道，常舒其手擬將廣惠；安步遊行，勇猛無怯，以淨信力具精進行，除滅惡道，成就菩提。
			佛子！菩薩摩訶薩如是施時，以無量無邊廣大之心，開淨法門，入諸佛海；成就施手，周給十方；願力任持一切智道，住於究竟離垢之心；法身、智身無斷無壞，一切魔業不能傾動；依善知識堅固其心，同諸菩薩修行施度。
			佛子！菩薩摩訶薩為諸眾生求一切智，施手、足時，以諸善根如是迴向，所謂：
			願一切眾生具神通力，皆得寶手；得寶手已，各相尊敬，生福田想，以種種寶更相供養；又以眾寶供養諸佛，興妙寶雲遍諸佛土，令諸眾生互起慈心，不相惱害；遊諸佛刹，安住無畏，自然具足究竟神通。又令皆得寶手、華手、香手、衣手、蓋手、華鬘手、末香手、莊嚴具手、無邊手、無量手、普手；得是手已，以神通力常勤往詣一切佛土，能以一手遍摩一切諸佛世界，以自在手持諸眾生，得妙相手放無量光，能以一手普覆眾生，成於如來手指網縵赤銅爪相。
			菩薩爾時，以大願手普覆眾生：願一切眾生志常樂求無上菩提，出生一切功德大海，見來乞者歡喜無厭，入佛法海同佛善根。
			是為菩薩摩訶薩施手、足時善根迴向。

附25-A：華嚴經十迴向品之隨順堅固一切善根迴向六十二施之十八

精進十波羅蜜迴向	僧波羅蜜	施身血時	佛子！菩薩摩訶薩壞身出血布施眾生，如法業菩薩、善意王菩薩，及餘無量諸菩薩等。於諸趣中施身血時，起成就一切智心，起欣仰大菩提心，起樂修菩薩行心，起不取苦受心，起樂見乞者心，起不嫌來乞心，起趣向一切菩薩道心，起守護一切菩薩捨心，起增廣菩薩善施心，起不退轉心、不休息心、無戀己心；以諸善根如是迴向，所謂：
		佛	願一切眾生皆得成就法身、智身；
		法	願一切眾生得無勞倦身，猶如金剛；
		僧	願一切眾生得不可壞身，無能傷害；
		精進	願一切眾生得如變化身，普現世間無有盡極；
		禪定	願一切眾生得可愛樂身，淨妙堅固；
		般若	願一切眾生得法界生身，同於如來無所依止；
		方便	願一切眾生得如妙寶光明之身，一切世人無能映蔽；
		願	願一切眾生得智藏身，於不死界而得自在；
		力	願一切眾生得寶海身，見皆獲益，無空過者；
		智	願一切眾生得虛空身，世間惱患無能染著。
			是為菩薩摩訶薩施身血時，以大乘心、清淨心、廣大心、欣悅心、慶幸心、歡喜心、增上心、安樂心、無濁心善根迴向。
	精進波羅蜜	施髓肉時	佛子！菩薩摩訶薩見有乞求其身髓肉，歡喜軟語，謂乞者言：我身髓肉，隨意取用。如饒益菩薩、一切施王菩薩，及餘無量諸菩薩等。於諸趣中種種生處，以其髓肉施乞者時，歡喜廣大，施心增長；同諸菩薩修習善根，離世塵垢，得深志樂；以身普施，心無有盡；具足無量廣大善根，攝受一切妙功德寶，如菩薩法受行無厭；心常愛樂布施功德，一切周給，心無有悔；審觀諸法從緣無體，不貪施業及業果報；隨所會遇，平等施與。
		十種現前成就	佛子！菩薩摩訶薩如是施時，一切諸佛皆悉現前，想之如父得護念故；一切眾生皆悉現前，普令安住清淨法故；一切世界皆悉現前，嚴淨一切佛國土故；一切眾生皆悉現前，以大悲心普救護故；一切佛道皆悉現前，樂觀如來十種力故；去、來、現在一切菩薩皆悉現前，同共圓滿諸善根故；一切無畏皆悉現前，能作最上師子吼故；一切三世皆悉現前，得平等智，普觀察故；一切世間皆悉現前，發廣大願，盡未來劫修菩提故；一切菩薩無疲厭行皆悉現前，發無數量廣大心故。
			佛子！菩薩摩訶薩施髓肉時，以此善根如是迴向，所謂：
		佛	願一切眾生得金剛身，不可沮壞；
		法	願一切眾生得堅密身，恒無缺減；
		僧	願一切眾生得意生身，猶如佛身，莊嚴清淨；
		精進	願一切眾生得百福相身，三十二相而自莊嚴；
		禪定	願一切眾生得八十種好妙莊嚴身，具足十力，不可斷壞；
		般若	願一切眾生得如來身，究竟清淨，不可限量；
		方便	願一切眾生得堅固身，一切魔怨所不能壞；
		願	願一切眾生得一相身，與三世佛同一身相；

附25-A：華嚴經十迴向品之隨順堅固一切善根迴向六十二施之十九

精進十波羅蜜迴向	精進	力	願一切眾生得無礙身，以淨法身遍虛空界；
		智	願一切眾生得菩提藏身，普能容納一切世間。
			是為菩薩摩訶薩求一切智施髓肉時善根迴向，為令眾生皆得如來究竟清淨無量身故。
	禪定波羅蜜	依十波羅蜜起迴向 施心時	佛子！菩薩摩訶薩以心布施諸來乞者，如無悔厭菩薩、無礙王菩薩，及餘無量諸大菩薩。以其自心施乞者時，學自在施心，修一切施心，習行檀波羅蜜心，成就檀波羅蜜心，學一切菩薩布施心、一切悉捨無盡心、一切悉施慣習心、荷負一切菩薩施行心、正念一切諸佛現前心、供養一切諸來乞者無斷絕心。
			菩薩摩訶薩如是施時，其心清淨，為度一切諸眾生故，為得十力菩提處故，為依大願而修行故，為欲安住菩薩道故，為欲成就一切智故，為不捨離本誓願故，以諸善根如是迴向，所謂：
			願一切眾生得金剛藏心，一切金剛圍山等所不能壞；願一切眾生得卅相莊嚴金剛界心，得無能動搖心，得不可恐怖心，得利益世間常無盡心，得大勇猛幢智慧藏心，得如那羅延堅固幢心，得如眾生海不可盡心，得那羅延藏無能壞心，得滅諸魔業、魔軍眾心，（涅槃十波羅蜜心）
			得無所畏心，得大威德心，得常精進心，得大勇猛心，得不驚懼心，得被金剛甲冑心，得諸菩薩最上心，得成就佛法菩提光明心，得菩提樹下坐安住一切諸佛正法離諸迷惑成一切智心，得成就十力心。（菩薩十波羅蜜心）
			是為菩薩摩訶薩布施心時善根迴向；為令眾生不染世間，具足如來十力心故。
	般若波羅蜜	施腸腎肝肺時	佛子！菩薩摩訶薩若有乞求腸、腎、肝、肺，悉皆施與，如善施菩薩、降魔自在王菩薩，及餘無量諸大菩薩。行此施時，見乞者來，其心歡喜，以愛眼觀；為求菩提，隨其所須，悉皆施與，心不中悔。觀察此身無有堅固：我應施彼，取堅固身。
			復念此身尋即敗壞，見者生厭，狐、狼、餓狗之所噉食；此身無常，會當棄捨，為他所食，無所覺知。佛子！菩薩摩訶薩作是觀時，知身無常、穢污之極，於法解悟生大歡喜，敬心諦視彼來乞者，如善知識而來護想，隨所乞求無不惠施，以不堅身易堅固身。
			佛子！菩薩摩訶薩如是施時，所有善根悉以迴向：
		佛	願一切眾生得智藏身，內外清淨；
		法	願一切眾生得福藏身，能普任持一切智願；
		僧	願一切眾生得上妙身，內蘊妙香，外發光明；
		精進	願一切眾生得腹不現身，上下端直，肢節相稱；
		禪定	願一切眾生得智慧身，以佛法味充悅滋長；
		般若	願一切眾生得無盡身，修習安住甚深法性；
		方便	願一切眾生得陀羅尼清淨藏身，以妙辯才顯示諸法；
		願	願一切眾生得清淨身，若身若心內外俱淨；
		力	願一切眾生得如來智深觀行身，智慧充滿，雨大法雨；
		智	願一切眾生得內寂身，外為眾生作智幢王，放大光明普照一切。
			是為菩薩摩訶薩施腸、腎、肝、肺善根迴向；為令眾生內外清淨，皆得安住無礙智故。

附25-A：華嚴經十迴向品之隨順堅固一切善根迴向六十二施之二十

精進十波羅蜜迴向	方便波羅蜜	施肢節諸骨時	佛子！菩薩摩訶薩布施乞者肢節諸骨，如法藏菩薩、光明王菩薩，及餘無量諸大菩薩。施其身分肢節骨時，見乞者來，生愛樂心、歡喜心、淨信心、安樂心、勇猛心、慈心、無礙心、清淨心、隨所乞求皆施與心。菩薩摩訶薩施身骨時，以諸善根如是迴向，所謂：	
			佛願一切眾生得如化身，不復更受骨肉血身；	
		法	願一切眾生得金剛身，不可破壞，無能勝者；	
		僧	願一切眾生得一切智圓滿法身，於無縛、無著、無繫界生；	
		精進	願一切眾生得智力身，諸根圓滿，不斷不壞；	
		禪定	願一切眾生得法力身，智力自在，到於彼岸；	
		般若	願一切眾生得堅固身，其身貞實，常無散壞；	
		方便	願一切眾生得隨應身，教化調伏一切眾生；	
		願	願一切眾生得智熏身，具那羅延肢節大力；	
		力	願一切眾生得堅固相續不斷絕身，永離一切疲極勞倦；	
		智	願一切眾生得大力安住身，悉能具足精進大力；	
	菩薩十波羅蜜	佛	願一切眾生得遍世間平等法身，住於無量最上智處；	
		法	願一切眾生得福德力身，見者蒙益，遠離眾惡；	
		僧	願一切眾生得無依處身，皆得具足無依著智；	
		精進	願一切眾生得佛攝受身，常為一切諸佛加護；	
		禪定	願一切眾生得普饒益諸眾生身，悉能遍入一切諸道；	
		般若	願一切眾生得普現身，普能照現一切佛法；	
		方便	願一切眾生得具足精進身，專念勤修大乘智行；	
		願	願一切眾生得離我慢貢高清淨身，智常安住，無所動亂；	
		力	願一切眾生得堅固行身，成就大乘一切智業；	
		智	願一切眾生得佛家身，永離世間一切生死。	
			是為菩薩摩訶薩施身骨時善根迴向，為令眾生得一切智永清淨故。	
	願波羅蜜	施皮時		佛子！菩薩摩訶薩見有人來，手執利刀，乞其身皮；心生歡喜，諸根悅豫，譬如有人惠以重恩，逢迎引納，敷座令坐，曲躬恭敬而作是念：此來乞者甚為難遇，斯欲滿我一切智願，故來求索饒益於我。歡喜和顏而語之言：我今此身一切皆捨，所須皮者，隨意取用。猶如往昔清淨藏菩薩、金脇鹿王菩薩，及餘無量諸大菩薩，等無有異。
				菩薩爾時，以諸善根如是迴向，所謂：
		得十種皮	佛	願一切眾生得微細皮，猶如如來色相清淨，見者無厭；
			法	願一切眾生得不壞皮，猶如金剛，無能壞者；
			僧	願一切眾生得金色皮，如閻浮檀上妙真金，清淨明潔；
			精進	願一切眾生得無量色皮，隨其心樂，現清淨色；
			禪定	願一切眾生得淨妙色皮，具足沙門善軟清淨如來色相；
			般若	願一切眾生得第一色皮，自性清淨，色相無比；

附25-A：華嚴經十迴向品之隨順堅固一切善根迴向六十二施之二十一

精進十波羅蜜迴向	願波羅蜜	得十種皮	方便	願一切眾生成就如來清淨色皮，以諸相好而自莊嚴；
			願	願一切眾生得妙色皮，放大光明普照一切；
			力	願一切眾生得明網皮，如世高幢，放不可說圓滿光明；
			智	願一切眾生得潤澤色皮，一切色相悉皆清淨。
				是為菩薩摩訶薩施身皮時善根迴向；為令眾生皆得一切嚴淨佛刹，具足如來大功德故。
	力波羅蜜	一切眾生得十種指	施手足指時	佛子！菩薩摩訶薩以手足指施諸乞者，如堅精進菩薩、閻浮提自在王菩薩，及餘無量諸大菩薩。菩薩爾時，顏貌和悅，其心安善，無有顛倒，乘於大乘，不求美欲，不尚名聞，但發菩薩廣大之意，遠離慳嫉一切諸垢，專向如來無上妙法。
				佛子！菩薩摩訶薩如是施時，攝諸善根，悉以迴向：
			佛	願一切眾生得纖長指，與佛無異；
			法	願一切眾生得傭圓指，上下相稱；
			僧	願一切眾生得赤銅甲指，其甲隆起，清淨鑒徹；
			精進	願一切眾生得一切智勝丈夫指，悉能攝持一切諸法；
			禪定	願一切眾生得隨好指，具足十力；
			般若	願一切眾生得大人指，纖傭齊等；
			方便	願一切眾生得輪相指，指節圓滿，文相右旋；
			願	願一切眾生得如蓮華卐字旋指，十力業報相好莊嚴；
			力	願一切眾生得光藏指，放大光明照不可說諸佛世界；
			智	願一切眾生得善安布指，善巧分布網縵具足。
				是為菩薩摩訶薩布施指時善根迴向，為令眾生一切皆得心清淨故。
	智波羅蜜	一切眾生得十種爪	施連肉爪甲時	佛子！菩薩摩訶薩請求法時，若有人言：汝能施我連肉爪甲，當與汝法。菩薩答言：但與我法。連肉爪甲，隨意取用。如求法自在王菩薩、無盡菩薩，及餘無量諸大菩薩，為求法故，欲以正法，開示演說，饒益眾生，一切皆令得滿足故，捨連肉爪甲與諸乞者。
				菩薩爾時，以此善根如是迴向，所謂：
			佛	願一切眾生皆得諸佛赤銅相爪；
			法	願一切眾生得潤澤爪，隨好莊嚴；
			僧	願一切眾生得光淨爪，鑒徹第一；
			精進	願一切眾生得一切智爪，具大人相；
			禪定	願一切眾生得無比爪，於諸世間無所染著；
			般若	願一切眾生得妙莊嚴爪，光明普照一切世間；
			方便	願一切眾生得不壞爪，清淨無缺；
			願	願一切眾生得入一切佛法方便相爪，廣大智慧皆悉清淨；
			力	願一切眾生得善生爪，菩薩業果無不淨妙；
			智	願一切眾生得一切智大導師爪，放無量色妙光明藏。
				是為菩薩摩訶薩為求法故施連肉爪甲時善根迴向，為令眾生具足諸佛一切智爪無礙力故。

附25-A：華嚴經十迴向品之隨順堅固一切善根迴向六十二施之二十二

禪定十波羅蜜迴向	佛波羅蜜	為求法故投身火院時	佛子！菩薩摩訶薩求佛法藏，恭敬尊重，生難得想。有能說者來語之言：若能投身七仞火院，當施汝法。菩薩聞已，歡喜踊躍，作是思惟：我為法故，尚應久住阿鼻獄等一切惡趣受無量苦，何況纔入人間火院即得聞法？奇哉！正法甚為易得，不受地獄無量楚毒，但入火院即便得聞。但為我說，我入火院。如求善法王菩薩、金剛思惟菩薩，為求法故，入火院中。
			菩薩爾時，以此善根如是迴向，所謂：
		佛	願一切眾生住佛所住一切智法，永不退轉無上菩提；
		法	願一切眾生離諸險難，受佛安樂；
		僧	願一切眾生得無畏心，離諸恐怖；
		精進	願一切眾生常樂求法，具足喜樂，眾法莊嚴；
		禪定	願一切眾生離諸惡趣，滅除一切三毒熾火；
		般若	願一切眾生常得安樂，具足如來勝妙樂事；
		方便	願一切眾生得菩薩心，永離一切貪、恚、癡火；
		願	願一切眾生悉得菩薩諸三昧樂，普見諸佛，心大歡喜；
		力	願一切眾生善說正法，於法究竟，常無忘失；
		智	願一切眾生具足菩薩神通妙樂，究竟安住一切種智。
			是為菩薩摩訶薩為求正法投火院時善根迴向；為令眾生離障礙業，皆得具足智慧火故。
	法波羅蜜	為求法故以身具受無量苦惱時	佛子！菩薩摩訶薩為求正法，分別演說，開菩薩道，示菩提路，趣無上智，勤修十力，廣一切智心，獲無礙智法，令眾生清淨住菩薩境界。勤修大智護佛菩提時，以身具受無量苦惱，如求善法菩薩、勇猛王菩薩，及餘無量諸大菩薩。為求法故，受無量苦，乃至攝取誹謗正法、惡業所覆、魔業所持極大惡人；彼所應受一切苦惱，以求法故，悉皆為受。
			以此善根如是迴向，所謂：
		佛	願一切眾生永離一切苦惱逼迫，成就安樂自在神通；
		法	願一切眾生永離諸苦，得一切樂；
		僧	願一切眾生永滅苦蘊，得照現身，恒受安樂；
		精進	願一切眾生超出苦獄，成就智行；
		禪定	願一切眾生見安隱道，離諸惡趣；
		般若	願一切眾生得法喜樂，永斷眾苦；
		方便	願一切眾生永拔眾苦，互相慈愛，無損害心；
		願	願一切眾生得諸佛樂，離生死苦；
		力	願一切眾生成就清淨無比安樂，一切苦惱無能損害；
		智	願一切眾生得一切勝樂，究竟具足佛無礙樂。
			是為菩薩摩訶薩為求法故受眾苦時善根迴向；為欲救護一切眾生，令離險難，住一切智無所障礙解脫處故。

附25-A：華嚴經十迴向品之隨順堅固一切善根迴向六十二施之二十三

禪定十波羅蜜迴向	僧波羅蜜	為求法故捨國城人民王位妻子等時	佛子！菩薩摩訶薩處於王位求正法時，乃至但為一文、一字、一句、一義生難得想，能悉罄捨海內所有若近若遠國土、城邑、人民、庫藏、園池、屋宅、樹林、華果，乃至一切珍奇妙物、宮殿樓閣、妻子眷屬，及以王位，悉能捨之。於不堅中求堅固法，為欲利益一切眾生，勤求諸佛無礙解脫究竟清淨一切智道，如大勢德菩薩、勝德王菩薩，及餘無量諸大菩薩。
			勤求正法，乃至極少，為於一字，五體投地；正念三世一切佛法，愛樂修習；永不貪著名聞利養，捨諸世間自在王位，求佛自在法王之位；於世間樂心無所著，以出世法長養其心；永離世間一切戲論，住於諸佛無戲論法。
			菩薩爾時，以諸善根如是迴向，所謂：
		佛	願一切眾生常樂惠施，一切悉捨；
		法	願一切眾生能捨所有，心無中悔；
		僧	願一切眾生常求正法，不惜身命、資生之具；
		精進	願一切眾生悉得法利，能斷一切眾生疑惑；
		禪定	願一切眾生得善法欲，心常喜樂諸佛正法；
		般若	願一切眾生為求佛法，能捨身命及以王位，大心修習無上菩提；
		方便	願一切眾生尊重正法，常深愛樂，不惜身命；
		願	願一切眾生護持諸佛甚難得法，常勤修習；
		力	願一切眾生皆得諸佛菩提光明，成菩提行，不由他悟；
		智	願一切眾生常能觀察一切佛法，拔除疑箭，心得安隱。
			是為菩薩摩訶薩為求正法捨國城時善根迴向；為令眾生知見圓滿，常得住於安隱道故。
	精進波羅蜜	菩薩永斷殺業時	佛子！菩薩摩訶薩作大國王，於法自在，普行教命，令除殺業；閻浮提內城邑聚落一切屠殺，皆令禁斷；無足、二足、四足、多足，種種生類，普施無畏無欺奪心，廣修一切菩薩諸行，仁慈莅物，不行侵惱，發妙寶心，安隱眾生；於諸佛所立深志樂，常自安住三種淨戒，亦令眾生如是安住。
			菩薩摩訶薩令諸眾生住於五戒，永斷殺業；以此善根如是迴向，所謂：
		佛	願一切眾生發菩薩心，具足智慧，永保壽命，無有終盡；
		法	願一切眾生住無量劫，供一切佛，恭敬勤修，更增壽命；
		僧	願一切眾生具足修行，離老死法，一切災毒不害其命；
		精進	願一切眾生具足成就無病惱身，壽命自在，能隨意住；
		禪定	願一切眾生得無盡命，窮未來劫住菩薩行，教化調伏一切眾生；
		般若	願一切眾生為壽命門，十力善根於中增長；
		方便	願一切眾生善根具足，得無盡命，成滿大願；
		願	願一切眾生悉見諸佛供養承事，住無盡壽，修習善根；
		力	願一切眾生於如來處善學所學，得聖法喜無盡壽命；
		智	願一切眾生得不老不病，常住命根，勇猛精進，入佛智慧。
			是為菩薩摩訶薩住三聚淨戒永斷殺業善根迴向，為令眾生得佛十力圓滿智故。

附25-A：華嚴經十迴向品之隨順堅固一切善根迴向六十二施之二十四

禪定十波羅蜜迴向	禪定波羅蜜	菩薩禁絕一切毀敗男形善根起大慈悲而救護之時	佛子！菩薩摩訶薩見有眾生心懷殘忍，損諸人畜所有男形，令身缺減，受諸楚毒；見是事已，起大慈悲而哀救之，令閻浮提一切人民皆捨此業。
			菩薩爾時，語其人言：汝何所為作是惡業？我有庫藏百千萬億，一切樂具悉皆充滿，隨汝所須盡當相給。汝之所作，眾罪由生，我今勸汝莫作是事。汝所作業不如道理，設有所獲，於何可用？損他益己，終無是處。如此惡行、諸不善法，一切如來所不稱歎。作是語已，即以所有一切樂具盡皆施與。
			復以善語為說妙法，令其歡悅。所謂：示寂靜法，令其信受，滅除不善，修行淨業，互起慈心，不相損害。彼人聞已，永捨罪惡。菩薩爾時，以此善根如是迴向，所謂：
		佛	願一切眾生具丈夫形，成就如來馬陰藏相；
		法	願一切眾生具男子形，發勇猛心修諸梵行；
		僧	願一切眾生具勇猛力，恒為主導，住無礙智，永不退轉；
		精進	願一切眾生皆得具足大丈夫身，永離欲心，無所染著；
		禪定	願一切眾生悉得成就善男子法，智慧增長，諸佛所歎；
		般若	願一切眾生普得具於大人之力，常能修習十力善根；
		方便	願一切眾生永不失壞男子之形，常修福智未曾有法；
		願	願一切眾生於五欲中無著無縛，心得解脫，厭離三有，住菩薩行；
		力	願一切眾生成就第一智慧丈夫，一切宗信，伏從其化；
		智	願一切眾生具足菩薩丈夫智慧，不久當成無上大雄。
			是為菩薩摩訶薩禁絕一切毀敗男形善根迴向；為令眾生具丈夫形，皆能守護諸善丈夫，生賢聖家，智慧具足，常勤修習丈夫勝行，有丈夫用，巧能顯示七丈夫道，具足諸佛善丈夫種、丈夫正教、丈夫勇猛、丈夫精進、丈夫智慧、丈夫清淨，普令眾生究竟皆得。
	般若波羅蜜	見佛出興普告眾生捨我慢戲論時	佛子！菩薩摩訶薩若見如來出興於世開演正法，以大音聲普告一切：如來出世！如來出世！令諸眾生得聞佛名，捨離一切我慢、戲論；復更勸導，令速見佛，令憶念佛，令歸向佛，令攀緣佛，令觀察佛，令讚歎佛；復為廣說佛難值遇，千萬億劫時乃一出。眾生由此得見於佛，生清淨信，踊躍歡喜，尊重供養；復於佛所聞諸佛名，轉更值遇無數諸佛，植諸善本，修習增長。
			爾時，無數百千萬億那由他眾生，因見佛故，皆得清淨究竟調伏。彼諸眾生於菩薩所，皆生最上善知識想；因菩薩故，成就佛法，以無數劫所種善根，普於世間施作佛事。
			佛子！菩薩摩訶薩開示眾生令見佛時，以諸善根如是迴向，所謂：
		佛	願一切眾生不待勸誘，自往見佛，承事供養，皆令歡喜；
		法	願一切眾生常樂見佛，心無廢捨；
		僧	願一切眾生常勤修習廣大智慧，受持一切諸佛法藏；
		精進	願一切眾生隨所聞聲皆悟佛法，於無量劫修菩薩行；
		禪定	願一切眾生安住正念，恒以智眼見佛出興；
		般若	願一切眾生不念異業，常憶見佛，勤修十力；

附25-A：華嚴經十迴向品之隨順堅固一切善根迴向六十二施之二十五

禪定十波羅蜜迴向	般若波羅蜜	方便	願一切眾生於一切處常見諸佛，了達如來遍虛空界；
		願	願一切眾生皆得具足佛自在身，普於十方成道說法；
		力	願一切眾生遇善知識，常聞佛法，於諸如來得不壞信；
		智	願一切眾生悉能稱歎諸佛出興，令其見者普得清淨。
			是為菩薩摩訶薩歎佛出世善根迴向；為令眾生見一切佛供養承事，於無上法究竟清淨故。
	方便波羅蜜	捨於大地時	佛子！菩薩摩訶薩舍於大地，或施諸佛，造立精舍；或施菩薩及善知識，隨意所用；或施眾僧，以為住處；或施父母，或施別人、聲聞、獨覺種種福田，乃至一切貧窮、孤露及餘四眾，隨意悉與，令無所乏；或施造立如來塔廟。於如是等諸處之中，悉為辦具資生什物，令隨意用，無所恐懼。
			菩薩摩訶薩隨何方所布施地時，以諸善根如是迴向，所謂：
		佛	願一切眾生具足清淨一切智地，悉到普賢眾行彼岸；
		法	願一切眾生得總持地，正念受持一切佛法；
		僧	願一切眾生得住持力，常能守護一切佛教；
		精進	願一切眾生得如地心，於諸眾生，意常清淨，無有惡念；
		禪定	願一切眾生持諸佛種，成就菩薩諸地次第，無有斷絕；
		般若	願一切眾生普為一切作安隱處，悉令調伏，住清淨道；
		方便	願一切眾生同諸如來利益世間，普使勤修安住佛力；
		願	願一切眾生普為世間之所愛樂，悉令安住無上佛樂；
		力	願一切眾生獲善方便，住佛諸力、無畏法中；
		智	願一切眾生得如地智，自在修行一切佛法。
			是為菩薩摩訶薩施大地時善根迴向，為令眾生皆得究竟一切如來清淨地故。
	願波羅蜜	菩薩捨諸僮僕時	佛子！菩薩摩訶薩布施僮僕，供養一切諸佛、菩薩、真善知識，或施僧寶，或奉父母尊勝福田；或復給施病苦眾生，令無闕乏，以存其命；或復施與貧窮、孤露，及餘一切無瞻侍者；或為守護如來塔廟，或為書持諸佛正法，以百千億那由他僕使，隨時給施。
			其諸僕使皆聰慧善巧，性自調順，常勤精進，無有懈惰，具質直心、安樂心、利益心、仁慈心、恭恪心、無怨恨心、無讎敵心，能隨受者方俗所宜，於彼彼中作諸利益；又皆從菩薩淨業所感，才能、技藝、工巧、算數靡不通達，善能供侍悅可其心。
			菩薩爾時，以諸善根如是迴向，所謂：
		佛	願一切眾生得調順心，一切佛所修習善根；
		法	願一切眾生隨順供養一切諸佛，於佛所說悉能聽受；
		僧	願一切眾生得佛攝受，常觀如來，更無餘念；
		精進	願一切眾生不壞佛種，勤修一切順佛善根；
		禪定	願一切眾生常勤供養一切諸佛，無空過時；
		般若	願一切眾生攝持一切諸佛妙義，言辭清淨，遊行無畏；

附25-A：華嚴經十迴向品之隨順堅固一切善根迴向六十二施之二十六

禪定十波羅蜜迴向	願波羅蜜	方便	願一切眾生常樂見佛，心無厭足，於諸佛所不惜身命；
		願	願一切眾生得見諸佛，心無染著，離世所依；
		力	願一切眾生但歸於佛，永離一切邪歸依處；
		智	願一切眾生隨順佛道，心常樂觀無上佛法。
			是為菩薩摩訶薩施僕使時善根迴向；為令眾生遠離塵垢，淨治佛地，能現如來自在身故。
	力波羅蜜	捨身施與一切眾生謙下離慢時	佛子！菩薩摩訶薩以身布施諸來乞者，布施之時，生謙下心，生如地心，生忍受眾苦無變動心，生給侍眾生不疲厭心，生於諸眾生猶如慈母所有眾善悉迴與心，生於諸愚險極惡眾生種種侵陵皆寬宥心，安住善根，精勤給事。菩薩爾時，悉以善根如是迴向，所謂： 願一切眾生隨其所須常無闕乏，修菩薩行恒不間斷，不捨一切菩薩義利，善住菩薩所行之道，了達菩薩平等法性，得在如來種族之數，住真實語，持菩薩行，令諸世間得淨佛法，深信信解，證法究竟；令諸眾生出生清淨增上善根，住大功德，具一切智。
		佛	又以此善根，令一切眾生常得供養一切諸佛，解一切法，受持讀誦不忘、不失、不壞、不散，心善調伏，不調令調，以寂靜法而調習之。令彼眾生於諸佛所住如是事。
		法	又以此善根，令一切眾生作第一塔，應受世間種種供養；
		僧	令一切眾生成最上福田，得佛智慧，開悟一切；
		精進	令一切眾生作最上受者，普能饒益一切眾生；
		禪定	令一切眾生成最上福利，能使具足一切善根；
		般若	令一切眾生成第一好施處，能使獲得無量福報；
		方便	令一切眾生於三界中皆得出離；
		願	令一切眾生作第一導師，能為世間示如實道；
		力	令一切眾生得妙總持，具持一切諸佛正法；
		智	令一切眾生證得無量第一法界，具足虛空無礙正道。
			是為菩薩摩訶薩施自己身善根迴向，為令眾生皆得應供無量智身故。
	智波羅蜜	施身以伺諸佛時	佛子！菩薩摩訶薩聞法喜悅，生淨信心，能以其身供養諸佛，欣樂信解無上法寶，於諸佛所生父母想；讀誦受持無礙道法，普入無數那由他法、大智慧寶、諸善根門；心常憶念無量諸佛，入佛境界，深達義理；能以如來微密梵音，興佛法雲，雨佛法雨，勇猛自在；能分別說一切智人第一之地，具足成就薩婆若乘，以無量百千億那由他大法成滿諸根。 佛子！菩薩摩訶薩於諸佛所聞如是法，歡喜無量，安住正法；自斷疑惑，亦令他斷；心恒怡暢，功德成滿；善根具足，意恒相續；利益眾生，心常不匱；獲最勝智，成金剛藏；親近諸佛，淨諸佛刹，常勤供養一切如來。
			菩薩爾時，以諸善根如是迴向，所謂：
		總說	願一切眾生皆得圓滿最勝之身，一切諸佛之所攝受；
		佛	願一切眾生常近諸佛，依諸佛住，恒得覲仰，未曾遠離；

附25-A：華嚴經十迴向品之隨順堅固一切善根迴向六十二施之二十七

禪定十波羅蜜迴向	智波羅蜜	法	願一切眾生皆得清淨不壞之身，具足一切功德智慧；	
		僧	願一切眾生常勤供養一切諸佛，行無所得究竟梵行；	
		精進	願一切眾生得無我身，離我、我所；	
		禪定	願一切眾生悉能分身遍十方刹，猶如影現而無來往；	
		般若	願一切眾生得自在身，普往十方無我無受；	
		方便	願一切眾生從佛身生，處在如來無上身家；	
		願	願一切眾生得法力身，忍辱大力無能壞者；	
		力	願一切眾生得無比身，成就如來清淨法身；	
		智	願一切眾生成就出世功德之身，生無所得清淨法界。	
			是為菩薩摩訶薩以身供佛善根迴向，為令眾生永住三世諸佛家故。	
般若十波羅蜜迴向	佛波羅蜜	以身布施一切眾生時		佛子！菩薩摩訶薩以身布施一切眾生，為欲普令成就善根，憶念善根，菩薩摩訶薩自願其身為大明燈，普能照耀一切眾生；為眾樂具，普能攝受一切眾生；為妙法藏，普能任持一切眾生；為淨光明，普能開曉一切眾生；為世光影，普令眾生常得覩見；為善根因緣，普令眾生常得值遇；為真善知識，令一切眾生悉蒙教誘；為平坦道，令一切眾生皆得履踐；為無有上具足安樂，令一切眾生離苦清淨；為明淨日，普作世間平等利益。
				菩薩爾時，以諸善根如是迴向，所謂：
	一切眾生得無上安隱處	佛	願一切眾生常親近佛，入佛智地；	
		法	願一切眾生得隨順智，住無上覺；	
		僧	願一切眾生常處佛會，意善調伏；	
		精進	願一切眾生所行有則，具佛威儀；	
		禪定	願一切眾生悉得涅槃，深解法義；	
		般若	願一切眾生具知足行，生如來家；	
		方便	願一切眾生捨無明欲，住佛志樂；	
		願	願一切眾生生勝善根，坐菩提樹；	
		力	願一切眾生殺煩惱賊，離怨害心；	
		智	願一切眾生具足護持一切佛法。	
			是為菩薩摩訶薩以身布施一切眾生善根迴向；為欲利益一切眾生，令得無上安隱處故。	
	法波羅蜜	自以其身給侍諸佛時		佛子！菩薩摩訶薩自以其身給侍諸佛，於諸佛所念報重恩如父母想，於諸如來起深信樂；以清淨心，護佛菩提，住諸佛法；離世間想，生如來家；隨順諸佛，離魔境界；了達一切諸佛所行，成就一切諸佛法器。菩薩爾時，以此善根如是迴向，所謂：
		了達佛行	佛	願一切眾生得清淨心，一切智寶而自莊嚴；
			法	願一切眾生住善調伏，遠離一切諸不善業；
			僧	願一切眾生得不可壞堅固眷屬，普能攝受諸佛正法；
		精進	願一切眾生為佛弟子，到於菩薩灌頂之地；	

附25-A：華嚴經十迴向品之隨順堅固一切善根迴向六十二施之二十八

般若十波羅蜜迴向	法波羅蜜	了達諸佛所行	禪定	願一切眾生常為諸佛之所攝受，永離一切不善之法；
			般若	願一切眾生隨順諸佛，修行菩薩最勝之法；
			方便	願一切眾生入佛境界，悉皆得授一切智記；
			願	願一切眾生與諸如來皆悉平等，一切佛法無不自在；
			力	願一切眾生悉為諸佛之所攝受，常能修行無取著業；
			智	願一切眾生常為諸佛第一侍者，一切佛所修智慧行。
				是為菩薩摩訶薩給侍諸佛善根迴向；
		給伺諸佛十一種大願	佛	為欲證得諸佛菩提，
			法	為欲救護一切眾生，
			僧	為欲出離一切三界，
			精進	為欲成就無損惱心，
			禪定	為得無量廣大菩提，
			般若	為欲成就照佛法智，
	僧波羅蜜	一切眾生得究竟安隱處	方便	為欲常蒙諸佛攝受，
			願	為得諸佛之所護持，
			力	為欲信解一切佛法，
			智	為欲成就與三世佛平等善根，
			總說	為欲圓滿無悔恨心，證得一切諸佛法故。
			施土地王位及捨諸世事時	佛子！菩薩摩訶薩布施國土一切諸物，乃至王位悉亦能捨；於諸世事，心得自在，無繫、無縛、無所戀著；遠離惡業，饒益眾生；不著業果，不樂世法，不復貪染諸有生處；雖住世間，非此處生；心不執著蘊、界、處法，於內外法心無依住；常不忘失諸菩薩行，未曾遠離諸善知識；持諸菩薩廣行願，常樂承事一切善友。
				菩薩爾時，以此善根如是迴向，所謂：
			佛	願一切眾生為大法王，於法自在，到於彼岸；
			法	願一切眾生成佛法王，摧滅一切煩惱怨賊；
			僧	願一切眾生住佛王位，得如來智，開演佛法；
			精進	願一切眾生住佛境界，能轉無上自在法輪；
			禪定	願一切眾生生如來家，於法自在，護持佛種，永使不絕；
			般若	願一切眾生開示無量法王正法，成就無邊諸大菩薩；
			方便	願一切眾生住淨法界，為大法王，現佛出興，相繼不斷；
			願	願一切眾生於諸世界作智慧王，化導群生無時暫捨；
			力	願一切眾生普為法界、虛空界等諸世界中一切眾生作法施主，使其咸得住於大乘；
			智	願一切眾生得成具足眾善之王，與三世佛善根齊等。
				是為菩薩摩訶薩布施王位善根迴向；為欲令彼一切眾生，究竟住於安隱處故。

附25-A：華嚴經十迴向品之隨順堅固一切善根迴向六十二施之二十九

般若十波羅蜜迴向	精進波羅蜜	施王都大城關防輸稅等時		佛子！菩薩摩訶薩見有人來乞王京都、嚴麗大城及以關防所有輸稅，盡皆施與，心無吝惜；專向菩提發大誓願，住於大慈，行於大悲，志意歡悅，利益眾生；以廣大智解了深法，安住諸佛平等法性；發心為求一切智故，於自在法起深樂故，於自在智求證得故，淨修一切諸功德故，住於堅固廣大智故，廣集一切諸善根故，修行一切佛法願故，自然覺悟大智法故，安住菩提心無退故，修習一切菩薩行願、一切種智盡究竟故，而行布施。
				以此善根如是迴向，所謂：
		佛		願一切眾生悉能嚴淨無量刹土，奉施諸佛以為住處；
		法		願一切眾生常樂居止阿蘭若處，寂靜不動；
		僧		願一切眾生永不依止王都聚落，心樂寂靜，永得究竟；
		精進		願一切眾生永不樂著一切世間，於世語言常樂遠離；
		禪定		願一切眾生得離貪心，施諸所有，心無中悔；
		般若		願一切眾生得出離心，捨諸家業；
		方便		願一切眾生得無吝心，常行惠施；
		願		願一切眾生得不著心，離居家法；
		力		願一切眾生得離眾苦，除滅一切災橫怖畏；
		智		願一切眾生嚴淨十方一切世界，奉施諸佛。
				是為菩薩摩訶薩布施王都善根迴向，為令眾生悉能嚴淨諸佛刹故。
	禪定波羅蜜	捨諸內宮眷屬等時		佛子！菩薩摩訶薩所有一切內宮眷屬、妓侍眾女，皆顏貌端正、才能具足，談笑歌舞悉皆巧妙，種種衣服、種種華香而以嚴身，見者歡喜，情無厭足。如是寶女百千萬億那由他數，皆由菩薩善業所生，隨意自在，敬順無失；盡以布施諸來乞者，而於其中無愛樂心、無顧戀心、無耽著心、無繫縛心、無執取心、無貪染心、無分別心、無隨逐心、無取相心、無樂欲心。（布施之時無十種心）
				菩薩爾時，觀諸善根，為欲令一切眾生咸得出離故迴向，得佛法喜故迴向，於不堅固中而得堅固故迴向，得金剛智不可壞心故迴向，入佛道場故迴向，到於彼岸故迴向，得無上菩提心故迴向，能以智慧了達諸法故迴向，出生一切善根故迴向，入三世諸佛家故迴向。（觀諸善根，得十種迴向）
		住如是法生如來家		佛子！菩薩摩訶薩住如是法，生如來家；增長諸佛清淨勝因，出生最勝一切智道；深入菩薩廣大智業，滅除一切世間垢惱，常能供施功德福田；為諸眾生宣說妙法，善巧安立，令其修習諸清淨行，常勤攝取一切善根。
				菩薩爾時，以諸善根如是迴向，所謂：
		一切眾生禪定成就	佛	願一切眾生常得無量三昧眷屬，菩薩勝定相續不斷；
			法	願一切眾生常樂見佛，悉入諸佛莊嚴三昧；
			僧	願一切眾生成就菩薩不思議定，自在遊戲無量神通；
			精進	願一切眾生入如實定，得不壞心；
			禪定	願一切眾生盡獲菩薩甚深三昧，於諸禪定而得自在；
			般若	願一切眾生得解脫心，成就一切三昧眷屬；
		方便	願一切眾生種種三昧皆得善巧，悉能攝取諸三昧相；	

附25-A：華嚴經十迴向品之隨順堅固一切善根迴向六十二施之三十

般若十波羅蜜迴向	禪定波羅蜜	禪定成就	願	願一切眾生得勝智三昧，普能學習諸三昧門；
			力	願一切眾生得無礙三昧，入深禪定終不退失；
			智	願一切眾生得無著三昧，心恒正受，不取二法。
				是為菩薩摩訶薩布施一切內宮眷屬時善根迴向；
		一切眾生十波羅蜜成就	佛	為欲令一切眾生皆得不壞清淨眷屬故；
			法	為欲令一切眾生皆得菩薩眷屬故；
			僧	為欲令一切眾生悉得滿足佛法故；
			精進	為欲令一切眾生滿足一切智力故；
			禪定	為欲令一切眾生證於無上智慧故；
			般若	為欲令一切眾生得於隨順眷屬故；
			方便	為欲令一切眾生得同志行人共居故；
			願	為欲令一切眾生具足一切福智故；
			力	為欲令一切眾生成就清淨善根故；
			智	為欲令一切眾生得善和眷屬故；
		本體	佛	為欲令一切眾生成就如來清淨法身故；
			法	為欲令一切眾生成就次第如理辯才，善說諸佛無盡法藏故；
			僧	為欲令一切眾生永捨一切世俗善根，同修出世清淨善根故；
	般若波羅蜜	總說	本體	為欲令一切眾生淨業圓滿，成就一切清淨法故；
			力用	為欲令一切眾生一切佛法皆悉現前，以法光明普嚴淨故。
		施所愛妻子時		佛子！菩薩摩訶薩能以所愛妻子布施，猶如往昔須達拏太子、現莊嚴王菩薩，及餘無量諸菩薩等。菩薩爾時，乘薩婆若心，行一切施，淨修菩薩布施之道。其心清淨，無有中悔，罄捨所珍，求一切智；令諸眾生淨深志樂，成菩提行，觀菩薩道，念佛菩提，住佛種性。
		決定志求如來之身		菩薩摩訶薩成辦如是布施心已，決定志求如來之身；自觀己身，繫屬一切，不得自在；又以其身普攝眾生，猶如寶洲給施一切，未滿足者令其滿足。
		欲令自身作第一塔		菩薩如是護念眾生，欲令自身作第一塔，普使一切皆生歡喜；欲於世間生平等心；欲為眾生作清涼池；欲與眾生一切安樂；欲為眾生作大施主；智慧自在，了知菩薩所行之行，而能如是大誓莊嚴；趣一切智，願成無上智慧福田；普念眾生，常隨守護，而能成辦自身利益；智慧光明普照於世，常勤憶念菩薩施心，恒樂觀察如來境界。
				佛子！菩薩摩訶薩以無縛無著解脫心布施妻子所集善根，如是迴向，所謂：
		佛		願一切眾生住佛菩提，起變化身，周遍法界轉不退輪；
		法		願一切眾生得無著身，
		僧		願力周行一切佛刹；
		精進		願一切眾生捨愛憎心，斷貪恚結；
		禪定		願一切眾生為諸佛子，隨佛所行；
		般若		願一切眾生於諸佛所，生自己心，不可沮壞；

附25-A：華嚴經十迴向品之隨順堅固一切善根迴向六十二施之三十一

般若十波羅蜜迴向	般若波羅蜜	方便	願一切眾生常為佛子，從法化生；
		願	願一切眾生得究竟處，成就如來自在智慧；
		力	願一切眾生證佛菩提，永離煩惱；
		智	願一切眾生能具演說佛菩提道，常樂修行無上法施；
		本體	願一切眾生得正定心，不為一切諸緣所壞；
		力用	願一切眾生坐菩提樹，成最正覺，開示無量從法化生諸善男女。
			是為菩薩摩訶薩布施妻子善根迴向，為令眾生皆悉證得無礙解脫無著智故。
	方便波羅蜜	施莊嚴舍宅及諸資具時	佛子！菩薩摩訶薩莊嚴舍宅及諸資具，隨有乞求，一切施與，行布施法；於家無著，遠離一切居家覺觀，厭惡家業、資生之具，不貪不味，心無繫著；知家易壞，心恒厭捨，都於其中無所愛樂；但欲出家修菩薩行，以諸佛法而自莊嚴；一切悉捨，心無中悔，常為諸佛之所讚歎；舍宅、財物，隨處所有，悉以惠施，心無戀著；見有乞求，心生喜慶。
			菩薩爾時，以此善根如是迴向，所謂：
		佛	願一切眾生捨離妻子，成就出家第一之樂；
		法	願一切眾生解脫家縛，入於非家，諸佛法中修行梵行；
		僧	願一切眾生捨離慳垢，樂一切施，心無退轉；
		精進	願一切眾生永離家法，少欲知足，無所藏積；
		禪定	願一切眾生出世俗家，住如來家；
		般若	願一切眾生得無礙法，滅除一切障礙之道；
		方便	願一切眾生離家屬愛，雖現居家，心無所著；
		願	願一切眾生善能化誘，不離家法，說佛智慧；
		力	願一切眾生身現在家，心常隨順佛智而住；
		智	願一切眾生在居家地，住於佛地，普令無量無邊眾生發歡喜心。
			是為菩薩摩訶薩布施捨宅時善根迴向，為令眾生成就菩薩種種行願神通智故。
	願波羅蜜	施園林	佛子！菩薩摩訶薩布施種種園林、臺榭、遊戲快樂莊嚴之處，作是念言：
		佛	我當為一切眾生作好園林，
		法	我當為一切眾生示現法樂，
		僧	我當施一切眾生歡喜之意，
		精進	我當示一切眾生無邊喜樂，
		禪定	我當為一切眾生開淨法門，
		般若	我當令一切眾生發歡喜心，
		方便	我當令一切眾生得佛菩提，
		願	我當令一切眾生成滿大願，
		力	我當於一切眾生猶如慈父，
		智	我當令一切眾生智慧觀察，
		本體	我當施一切眾生資生之具，
		力用	我當於一切眾生猶如慈母，生長一切善根大願。

附25-A：華嚴經十迴向品之隨順堅固一切善根迴向六十二施之三十二

般若十波羅蜜迴向	願波羅蜜	施園林時	佛子！菩薩摩訶薩如是修行諸善根時，於惡眾生不生疲厭，亦不誤起棄捨之心。設滿世間一切眾生悉不知恩，菩薩於彼，初無嫌恨，不生一念求反報心，但欲滅其無量苦惱；於諸世間，心如虛空，無所染著，普觀諸法真實之相；發大誓願，滅眾生苦，永不厭捨大乘志願；滅一切見，修諸菩薩平等行願。
			佛子！菩薩摩訶薩如是觀察已，攝諸善根，悉以迴向，所謂：
		佛	願一切眾生念念滋生無量善法，成就無上園林之心；
		法	願一切眾生得不動法，見一切佛皆令歡喜；
		僧	願一切眾生樂法園苑，得諸佛刹園苑妙樂；
		精進	願一切眾生得淨妙心，常見如來神足園林；
		禪定	願一切眾生得佛戲樂，常善遊戲智慧境界；
		般若	願一切眾生得遊戲樂，普詣佛刹道場眾會；
		方便	願一切眾生成就菩薩解脫遊戲，盡未來劫，行菩薩行，心無疲倦；
		願	願一切眾生見一切佛充滿法界，發廣大心，住佛園林；
		力	願一切眾生悉能遍往一切佛刹，一一刹中供養諸佛；
		智	願一切眾生得善欲心，清淨莊嚴一切佛刹。
	力波羅蜜		是為菩薩摩訶薩布施一切園林、臺榭善根迴向；為令眾生見一切佛，遊戲一切佛園林故。
		作廣大施會時一切清淨諸佛印可	佛子！菩薩摩訶薩作百千億那由他無量無數廣大施會，一切清淨，諸佛印可，終不損惱於一眾生；普令眾生遠離眾惡，淨三業道，成就智慧；開置無量百千億那由他阿僧祇清淨境界，積集無量百千億那由他阿僧祇資生妙物，發甚難得菩提之心，行無限施，令諸眾生住清淨道，初、中、後善，生淨信解；隨百千億無量眾生心之所樂，悉令歡喜，以大慈悲救護一切，承事供養三世諸佛；為欲成就一切佛種，修行布施，心無中悔，增長信根，成滿勝行，念念增進檀波羅蜜。
			菩薩爾時，以諸善根如是迴向，所謂：（得十四種願）
		佛	願一切眾生發大乘心，悉得成就摩訶衍施；
		法	願一切眾生皆悉能行大會施、盡施、善施、最勝施、無上施、最無上施、無等等施、超諸世間施、一切諸佛所稱歎施；
		僧	願一切眾生作第一施主，於諸惡趣勉濟眾生，皆令得入無礙智道，修平等願如實善根，得無差別證自境智；
		精進	願一切眾生安住寂靜諸禪定智，入不死道，究竟一切神通智慧，勇猛精進，具足諸地，莊嚴佛法，到於彼岸，永不退轉；
		禪定	願一切眾生設大施會，終不疲厭，給濟眾生，無有休息，究竟無上一切種智；
		般若	願一切眾生恒勤種植一切善根，到於無量功德彼岸；
		方便	願一切眾生常蒙諸佛之所稱歎，普為世間作大施主，功德具足，充滿法界，遍照十方，施無上樂；
		願	願一切眾生設大施會，廣集善根，等攝眾生，到於彼岸；
		力	願一切眾生成最勝施，普令眾生住第一乘；
		智	願一切眾生為應時施，永離非時，大施究竟；

附25-A：華嚴經十迴向品之隨順堅固一切善根迴向六十二施之三十三

般若十波羅蜜迴向	力波羅蜜	自性三寶	願一切眾生成就善施，到佛丈夫大施彼岸； 願一切眾生究竟常行大莊嚴施，盡以一切諸佛為師，悉皆親近，興大供養； 願一切眾生住清淨施，集等法界無量福德，到於彼岸；
		如來地	願一切眾生於諸世間為大施主，誓度群品，住如來地。
			是為菩薩摩訶薩設大施會善根迴向，為令眾生行無上施、究竟佛施、成就善施、不可壞施、供諸佛施、無恚恨施、救眾生施、成一切智施、常見諸佛施、善精進施、成就一切菩薩功德諸佛智慧廣大施故。
			佛子！菩薩摩訶薩布施一切資生之物，心無貪惜，不求果報；於世富樂無所希望，離妄想心，善思惟法；為欲利益一切眾生，審觀一切諸法實性；隨諸眾生種種不同，所用所求各各差別，成辦無量資生之具，所有嚴飾悉皆妙好；行無邊施，行一切施，盡內外施；行此施時，增志樂力，獲大功德，成就心寶；常能守護一切眾生，皆令發生殊勝志願，初未曾有求反報心；所有善根等三世佛，悉以圓滿一切種智。
	智波羅蜜		佛子！菩薩摩訶薩以此布施所有善根迴向眾生：
		佛	願一切眾生清淨調伏；
		法	願一切眾生滅除煩惱，嚴淨一切諸佛刹土；
		僧	願一切眾生以清淨心，於一念中周遍法界；
		精進	願一切眾生智慧充滿虛空法界；
		禪定	願一切眾生得一切智，普入三世調伏眾生，於一切時常轉清淨不退法輪；
		般若	願一切眾生具一切智，善能示現神通方便，饒益眾生；
		方便	願一切眾生悉能悟入諸佛菩提，盡未來劫，於十方界，常說正法，曾無休息，令諸眾生普得聞知；
		願	願一切眾生於無量劫修菩薩行，悉得圓滿；
		力	願一切眾生於一切世界若染、若淨、若小、若大、若麤、若細、若覆、若仰，或一莊嚴，或種種莊嚴所可演說，在世界數諸世界中，修菩薩行靡不周遍；
		智	願一切眾生於念念中常作三世一切佛事，教化眾生向一切智。
	結會	佛	佛子！菩薩摩訶薩隨諸眾生一切所須，以如是等阿僧祇物而為給施；為令佛法相續不斷，大悲普救一切眾生；安住大慈，修菩薩行；於佛教誨終無違犯，以巧方便修行眾善，不斷一切諸佛種性；隨求悉與而無患厭，一切悉捨未曾中悔，常勤迴向一切智道。
		法	時，十方國土種種形類、種種趣生、種種福田，皆來集會，至菩薩所，種種求索。菩薩見已，普皆攝受；心生歡喜，如見善友；大悲哀愍，思滿其願；捨心增長，無有休息，亦不疲厭；隨其所求，悉令滿足，離貧窮苦。
		僧	時，諸乞者心大欣慶，轉更稱傳，讚揚其德，美聲遐布，悉來歸往。菩薩見已，歡喜無量；假使百千億那由他劫受帝釋樂，無數劫受夜摩天樂，無量劫受兜率陀天樂，無邊劫受善變化天樂，無等劫受他化自在天樂，不可數劫受梵王樂，不可稱劫受轉輪王王三千樂，不可說劫受遍淨天樂，不可說劫受淨居天樂，悉不能及。

附25-A：華嚴經十迴向品之隨順堅固一切善根迴向六十二施之三十四

結 會	布 施 一 切 眾 生 所 須	精進	菩薩摩訶薩見乞者來，歡喜愛樂，欣慶踊躍，信心增長，志樂清淨，諸根調順，信解成滿，乃至增進諸佛菩提。
			佛子！菩薩摩訶薩以此善根，（起十種利益眾生迴向）
		佛	為欲利益一切眾生故迴向，
		法	為欲安樂一切眾生故迴向，
		僧	為令一切眾生得大義利故迴向，
		精進	為令一切眾生悉得清淨故迴向，
		禪定	為令一切眾生悉求菩提故迴向，
		般若	為令一切眾生悉得平等故迴向，
		方便	為令一切眾生悉得賢善心故迴向，
		願	為令一切眾生悉入摩訶衍故迴向，
		力	為令一切眾生悉得賢善智慧故迴向，
		智	為令一切眾生悉具普賢菩薩行願滿十力乘現成正覺故迴向。

（返回第352頁）

*此布施一切眾生所須迴向結會經文，與前第六迴向結構處所引經文重複。

附25-1：華嚴經十迴向品之等隨順一切眾生迴向之一

云何七向		佛子！云何為菩薩摩訶薩等隨順一切眾生迴向？（方便波羅蜜理事合會為主）
依於自性三寶迴向	積集一切善根（佛）	佛子！此菩薩摩訶薩隨所積集一切善根，所謂：小善根、大善根、廣善根、多善根、無量善根、種種善根、微塵數善根、阿僧祇善根、無邊際善根、不可思善根、不可量善根、佛境界善根、法境界善根、僧境界善根、善知識境界善根、一切眾生境界善根、方便善巧境界善根、修諸善心境界善根、內境界善根、外境界善根、無邊助道法境界善根、勤修一切捨善根、立勝志究竟持淨戒善根、一切捨無不受堪忍善根、常精進心無退善根、以方便入無量三昧善根、以智慧善觀察善根、知一切眾生心行差別善根、集無邊功德善根、勤修習菩薩業行善根、普覆育一切世間善根。（修集三十二種善根，此即依自性三寶為首入十二緣生法界）
	修行安住三十二福田（法僧）	佛子！菩薩摩訶薩於此善根修行安住，趣入攝受，積集辦具，悟解心淨；開示發起時，得堪忍心，閉惡趣門；善攝諸根，威儀具足，遠離顛倒，正行圓滿；堪為一切諸佛法器，能作眾生福德良田；為佛所念，長佛善根，住諸佛願，行諸佛業，心得自在，等三世佛；趣佛道場，入如來力，具佛色相，超諸世間；不樂生天，不貪富樂，不著諸行；一切善根悉以迴向，為諸眾生功德之藏；住究竟道，普覆一切，於虛妄道中拔出眾生，令其安住一切善法，遍諸境界無斷無盡；開一切智菩提之門，建立智幢，嚴淨大道；普能示現一切世間，令除垢染，心善調伏，生如來家，淨佛種性；功德具足，作大福田，為世所依；安立眾生咸令清淨，常勤修習一切善根。
依自性三寶精進	三寶善根增進	佛子！菩薩摩訶薩以淨志願菩提心力修諸善根時，作是念言：此諸善根是菩提心之所積集，是菩提心之所思惟，是菩提心之所發起，是菩提心之所志樂，是菩提心之所增益；皆為憐愍一切眾生，皆為趣求一切種智，皆為成就如來十力。作是念時，善根增進，永不退轉。
	大願精進（精進）	佛子！菩薩摩訶薩復作是念：願我以此善根果報，盡未來劫，修菩薩行，悉以惠施一切眾生，悉以迴向一切眾生，普遍無餘。願令阿僧祇世界珍寶充滿，阿僧祇世界衣服充滿，阿僧祇世界妙香充滿，阿僧祇世界莊嚴具充滿，阿僧祇世界無量摩尼寶充滿，阿僧祇世界妙華充滿，阿僧祇世界上味充滿，阿僧祇世界財貨充滿，阿僧祇世界床座充滿
	無虛偽心求一切智	——蓋以寶帳、敷以妙衣，阿僧祇世界種種莊嚴寶冠充滿。假使一人盡未來劫常來求索，以此等物而惠施之，未曾厭倦而有休息。如於一人，於一切眾生悉亦如是。佛子！菩薩摩訶薩如是施時，無虛偽心，無希望心，無名譽心，無中悔心，無熱惱心，但發專求一切智道心、一切悉捨心、哀愍眾生心、教化成熟心、皆令安住一切智智心。佛子！菩薩摩訶薩以諸善根如是迴向，盡未來劫常行惠施。
	為一眾生普施無量	佛子！菩薩摩訶薩復作是念：我為一眾生故，欲令阿僧祇世界寶象充滿，七支具足，性極調順，上立金幢，金網彌覆，種種妙寶而為莊嚴，以用布施；願令阿僧祇世界寶馬充滿，如龍馬王，種種眾寶莊嚴之具而嚴飾之，持用布施；願令阿僧祇世界妓女充滿，悉能敷奏種種妙音，持用布施；願令阿僧祇世界男女充滿，持用布施；願令阿僧祇世界己身充滿，發菩提心而用布施；願令阿僧祇世界己頭充滿，起不放逸心而用布施；願令阿僧祇世界己眼充滿，而用布施；願令阿僧祇世界己身血肉及以骨髓充滿其中，心無顧戀，持用布施；願令阿僧祇世界自在王位充滿其中，持用布施；願令阿僧祇世界奴僕作使充滿其中，持用布施。菩薩摩訶薩以如是等種種諸物，盡未來劫，安住廣大一切施心，施一眾生；如一眾生，盡眾生界一切眾生皆如是施。

附25-1：華嚴經十迴向品之等隨順一切眾生迴向之二

依 自 性 三 寶 精 進	為一切眾生一切世界普皆施與		佛子！菩薩摩訶薩於一世界，盡未來劫，修菩薩行，以是等物施一眾生，如是給施一切眾生，皆令滿足；如於一世界，於盡虛空遍法界一切世界中悉亦如是，大悲普覆，終無間息，普加哀愍，隨其所須供給供養，不令施行遇緣而息，乃至不於一彈指頃生疲倦心。佛子！菩薩摩訶薩如是施時，生於此心，所謂：
			無著心、無縛心、解脫心、大力心、甚深心、善攝心、無執心、無壽者心、善調伏心、不散亂心、不妄計心、具種種寶性心、不求果報心、了達一切法心、住大迴向心、善決諸義心、令一切眾生住無上智心、生大法光明心、入一切智智心。（當具二十種心合二十波羅蜜心，缺一）
	十種眾生成就迴向		佛子！菩薩摩訶薩以所集善根，於念念中如是迴向，所謂：
		佛	願一切眾生財寶豐足，無所乏少；
		法	願一切眾生成就無盡大功德藏；
		僧	願一切眾生具足一切安隱快樂；
		精進	願一切眾生增長菩薩摩訶薩業；
		禪定	願一切眾生成滿無量第一勝法；
		般若	願一切眾生得不退轉一切智乘；
		方便	願一切眾生普見十方一切諸佛；
		願	願一切眾生永離世間諸惑塵垢；
		力	願一切眾生皆得清淨平等之心；
		智	願一切眾生離諸難處，得一切智。
	發歡喜心		佛子！菩薩摩訶薩如是迴向時，發歡喜心；為令一切眾生得利益安樂故；為令一切眾生得平等心故；…（方便迴向之一百一十大願，見附25-B）
禪 定 波 羅 蜜 迴 向	令諸眾生成就清淨		佛子！菩薩摩訶薩如是悲愍利益安樂一切眾生，咸令清淨，遠離慳嫉，受勝妙生，具大威德，生大信解，永離瞋恚及諸翳濁。其心清淨，質直柔軟，無有諂曲、迷惑、愚癡，行出離行，堅固不壞平等之心永無退轉，白淨法力具足成就，無惱無失，善巧迴向；常修正行調伏眾生，滅除一切諸不善業，修行苦行一切善根；又勸眾生令其修習，普為含識具受眾苦，以大智眼觀諸善根，知其悉以智慧為性，方便迴向一切眾生。
			為令一切眾生悉得安住一切清淨功德處故；為令一切眾生悉能攝受一切善根，知諸功德性及義故；為令一切眾生普淨一切諸善根故；為令一切眾生於福田境界中種諸善法心無悔故；為令一切眾生普能攝受一切眾生，一一皆令趣一切智故；為令一切眾生普攝一切所有善根，一一皆與平等迴向而相應故。又以諸善根如是迴向，所謂：
	起十種願迴向	佛	願一切眾生究竟安隱，
		法	願一切眾生究竟清淨，
		僧	願一切眾生究竟安樂，
		精進	願一切眾生究竟解脫，
		禪定	願一切眾生究竟平等，
		般若	願一切眾生究竟了達，
	方便		願一切眾生究竟安住諸白淨法，

附25-1：華嚴經十迴向品之等隨順一切眾生迴向之三

禪定迴向	起十種願迴向	願	願一切眾生得無礙眼，
		力	願一切眾生善調其心，
		智	願一切眾生具足十力調伏眾生。
			佛子！菩薩摩訶薩如是迴向時，不著業，不著報，不著身，不著物，不著刹，不著方，不著眾生，不著無眾生，不著一切法，不著無一切法。佛子！菩薩摩訶薩如是迴向時，以此善根普施世間：願一切眾生成滿佛智，得清淨心，智慧明了，內心寂靜，外緣不動，增長成就三世佛種。
般若波羅蜜迴向	超過一切無能過者	佛	佛子！菩薩摩訶薩修行如是迴向之時，超出一切，無能過者，一切世間所有言辭悉共稱讚亦不可盡；
		法	普修一切菩薩諸行，悉能往詣一切佛土，普見諸佛無所障礙；
		僧	又能普見一切世界菩薩所行，以善方便，為諸眾生分別諸法甚深句義，
		精進	得陀羅尼演說妙法，盡未來劫無有斷絕；
		禪定	為眾生故，念念於不可說不可說世界，猶如影像，普現其身，供養諸佛；
		般若	念念嚴淨不可說不可說諸佛國土，悉令周遍，修行嚴淨佛刹智慧而無厭足；
		方便	念念令不可說不可說百千億那由他眾生，清淨成就，平等滿足；
		願	於彼一切諸國土中，勤修一切諸波羅蜜，攝取眾生，成就淨業；
		力	得無礙耳，於不可說不可說諸佛世界，一一如來所轉法輪，聽聞受持，精勤修習，不生一念捨離之心；
		智	住無所得、無依止、無作、無著菩薩神通，於一剎那一彈指頃，分身普詣不可說諸佛世界，與諸菩薩等同一見。
方便等波羅蜜迴向	成就十種平等清淨		佛子！菩薩摩訶薩如是修習菩薩行時，尚能成滿無量不可說不可說清淨功德，憶念稱讚所不能盡，況復得成無上菩提，一切佛刹平等清淨，一切眾生平等清淨，一切身平等清淨，一切根平等清淨，一切業果平等清淨，一切眾會道場平等清淨，一切圓滿行平等清淨，一切法方便智平等清淨，一切如來諸願迴向平等清淨，一切諸佛神通境界平等清淨。
	功德清淨一切隨順（方便）		佛子！菩薩摩訶薩如是迴向時，得一切功德清淨歡喜法門，無量功德圓滿莊嚴。如是迴向時，眾生不違一切刹，刹不違一切眾生；刹眾生不違業，業不違刹眾生；思不違心，心不違思；思、心不違境界，境界不違思、心；業不違報，報不違業；業不違業道，業道不違業；法性不違相，法相不違性；法生不違性，法性不違生；刹平等不違眾生平等，眾生平等不違刹平等；一切眾生平等不違一切法平等，一切法平等不違一切眾生平等；離欲際平等不違一切眾生安住平等，一切眾生安住平等不違離欲際平等；過去不違未來，未來不違過去；過去、未來不違現在，現在不違過去、未來；世平等不違佛平等，佛平等不違世平等；菩薩行不違一切智，一切智不違菩薩行。
	理用周遍（力智）		佛子！菩薩摩訶薩如是迴向時，得業平等，得報平等，得身平等，得方便平等，得願平等，得一切眾生平等，得一切刹平等，得一切行平等，得一切智平等，得三世諸佛平等；（涅槃十波羅蜜十種平等） 得承事一切諸佛，得供養一切菩薩，得種一切善根，得滿一切大願，得教化一切眾生，得了知一切業，得承事供養一切善知識，得入一切清淨眾會道場，得通達一切正教，得成滿一切白法。（菩薩十波羅蜜十種相用）

附25-1：華嚴經十迴向品之等隨順一切眾生迴向之四

依方便十波羅蜜結會第七迴向位	(智) 迴向功德		佛子！是為菩薩摩訶薩第七等隨順一切眾生迴向。菩薩摩訶薩成就此迴向，則能摧滅一切魔怨，拔諸欲刺，得出離樂，住無二性，具大威德，救護眾生，為功德王；神足無礙，往一切刹，入寂滅處；具一切身，成菩薩行，於諸行願心得自在，分別了知一切諸法，悉能遍生一切佛刹；得無礙耳，聞一切刹所有音聲；得淨慧眼，見一切佛未嘗暫捨；於一切境界，成就善根，心無高下；於一切法，得無所得。菩薩摩訶薩以一切善根，等隨順一切眾生，如是迴向。
			爾時，金剛幢菩薩承佛神力，普觀十方而說頌言：（二十一偈）
	涅槃十波羅蜜	佛	菩薩所作諸功德，微妙廣大甚深遠，乃至一念而修行，悉能迴向無邊際。
		法	菩薩所有資生具，種種豐盈無限億，香象寶馬以駕車，衣服珍財悉殊妙。
		僧	或以頭目并手足，或持身肉及骨髓，悉遍十方無量刹，普施一切令充遍。
		精進	無量劫中所修習，一切功德盡迴向，為欲救度諸群生，其心畢竟不退轉。
		禪定	菩薩為度眾生故，常修最勝迴向業，普令三界得安樂，悉使當成無上果。
		般若	菩薩普興平等願，隨其所集清淨業，悉以迴施諸群生，如是大誓終無捨。
		方便	菩薩願力無限礙，一切世間咸攝受，如是迴向諸群生，未曾暫起分別心。
		願	普願眾生智明了，布施持戒悉清淨，精進修行不懈廢，如是大誓無休息。
		力	菩薩迴向到彼岸，普開清淨妙法門，智慧同於兩足尊，分別實義得究竟。
		智	菩薩言辭已通達，種種智慧亦如是，說法如理無障礙，而於其中心不著。
	菩薩十波羅蜜	佛	常於諸法不作二，亦復不作於不二，於二不二並皆離，知其悉是語言道。
		法	知諸世間悉平等，莫非心語一切業，眾生幻化無有實，所有果報從茲起。
		僧	一切世間之所有，種種果報各不同，莫不皆由業力成，若滅於業彼皆盡。
		精進	菩薩觀察諸世間，身口意業悉平等，亦令眾生住平等，猶如無等大聖尊。
		禪定	菩薩善業悉迴向，普令眾生色清淨，福德方便皆具足，同於無上調御士。
		般若	菩薩利益諸群生，功德大海盡迴向，願使威光特超世，得成雄猛大力身。
		方便	凡所修習諸功德，願使世間普清淨，諸佛清淨無倫匹，眾生清淨亦如是。
		願	菩薩於義得善巧，能知諸佛最勝法，以眾善業等迴向，願令庶品同如來。
		力	菩薩了知諸法空，一切世間無所有，無有造作及作者，眾生業報亦不失。
		智	諸法寂滅非寂滅，遠離此二分別心，知諸分別是世見，入於正位分別盡。
	結會		如是真實諸佛子，從於如來法化生，彼能如是善迴向，世間疑惑悉除滅。

附25-B：華嚴經十迴向品之等隨順一切眾生迴向菩薩百十願之一

佛十波羅蜜	佛	發歡喜心；為令一切眾生得利益安樂故；
	法	為令一切眾生得平等心故；
	僧	為令一切眾生住能捨心故；
	精進	為令一切眾生住一切施心故；
	禪定	為令一切眾生住歡喜施心故；
	般若	為令一切眾生住永離貧窮施心故；
	方便	為令一切眾生住一切財寶施心故；
	願	為令一切眾生住無數財寶施心故；
	力	為令一切眾生住普施、無量施、一切施心故；
	智	為令一切眾生住盡未來劫無斷施心故；
法十波羅蜜	佛	為令一切眾生住一切悉捨無悔無惱施心故；
	法	為令一切眾生住悉捨一切資生之物施心故；
	僧	為令一切眾生住隨順施心故；
	精進	為令一切眾生住攝取施心故；
	禪定	為令一切眾生住廣大施心故；
	般若	為令一切眾生住捨無量莊嚴具供養施心故；
	方便	為令一切眾生住無著施心故；
	願	為令一切眾生住平等施心故；
	力	為令一切眾生住如金剛極大力施心故；
	智	為令一切眾生住如日光明施心故；
僧十波羅蜜	佛	為令一切眾生住攝如來智施心故；
	法	為令一切眾生善根眷屬具足故；
	僧	為令一切眾生善根智慧常現在前故；
	精進	為令一切眾生得不可壞淨心圓滿故；
	禪定	為令一切眾生成就最勝清淨善根故；
	般若	為令一切眾生於煩惱睡眠中得覺悟故；
	方便	為令一切眾生滅除一切諸疑惑故；
	願	為令一切眾生得平等智慧淨功德故；
	力	為令一切眾生功德圓滿無能壞者故；
	智	為令一切眾生具足清淨不動三昧故；
精進十波羅蜜	佛	為令一切眾生住不可壞一切智智故；
	法	為令一切眾生成滿菩薩無量清淨神通行故；
	僧	為令一切眾生修集無著善根故；
	精進	為令一切眾生念去、來、今一切諸佛心清淨故；
	禪定	為令一切眾生出生清淨勝善根故；

附25-B：華嚴經十迴向品之等隨順一切眾生迴向菩薩百十願之二

精進十波羅蜜	般若	為令一切眾生滅除一切魔所作業障道法故；
	方便	為令一切眾生具足無礙清淨平等功德法故；
	願	為令一切眾生以廣大心常念諸佛無懈廢故；
	力	為令一切眾生常近諸佛勤供養故；
	智	為令一切眾生廣開一切諸善根門，普能圓滿白淨法故；
禪定十波羅蜜	佛	為令一切眾生無量心、廣大心、最勝心悉清淨故；
	法	為令一切眾生成就清淨等施心故；
	僧	為令一切眾生奉持諸佛尸波羅蜜等清淨故；
	精進	為令一切眾生得大堪忍波羅蜜故；
	禪定	為令一切眾生住精進波羅蜜常無懈故；
	般若	為令一切眾生住無量定，能起種種神通智故；
	方便	為令一切眾生得知一切法無體性般若波羅蜜故；
	願	為令一切眾生圓滿無邊淨法界故；
	力	為令一切眾生成滿一切神通清淨善根故；
	智	為令一切眾生住平等行，積集善法悉圓滿故；
般若十波羅蜜	佛	為令一切眾生善入一切諸佛境界悉周遍故；
	法	為令一切眾生身、口、意業普清淨故；
	僧	為令一切眾生善業果報普清淨故；
	精進	為令一切眾生了達諸法普清淨故；
	禪定	為令一切眾生了達實義普清淨故；
	般若	為令一切眾生修諸勝行普清淨故；
	方便	為令一切眾生成就一切菩薩大願普清淨故；
	願	為令一切眾生證得一切功德智慧普清淨故；
	力	為令一切眾生成就一切同體善根，迴向出生一切智乘普圓滿故；
	智	為令一切眾生嚴淨一切諸佛國土普圓滿故；
方便十波羅蜜	佛	為令一切眾生見一切佛而無所著普圓滿故；
	法	為令一切眾生具諸相好，功德莊嚴普圓滿故；
	僧	為令一切眾生得六十種音聲，發言誠諦，皆可信受，百千種法而以莊嚴，如來無礙功德妙音悉圓滿故；
	精進	為令一切眾生成就十力莊嚴無礙平等心故；
	禪定	為令一切眾生得一切佛無盡法明，一切辯才普圓滿故；
	般若	為令一切眾生得無上無畏人中之雄師子吼故；
	方便	為令一切眾生得一切智，轉不退轉無盡法輪故；
	願	為令一切眾生了一切法，開示演說普圓滿故；
	力	為令一切眾生以時修習清淨善法普圓滿故；
	智	為令一切眾生成就導師無上法寶等清淨故；

附25-B：華嚴經十迴向品之等隨順一切眾生迴向菩薩百十願之三

願十波羅蜜	佛	為令一切眾生於一莊嚴、無量莊嚴、大莊嚴、諸佛莊嚴普圓滿故；
	法	為令一切眾生等入三世所有境界悉周遍故；
	僧	為令一切眾生悉能往詣一切佛刹，聽受正法無不遍故；
	精進	為令一切眾生智慧利益為世所宗與佛等故；
	禪定	為令一切眾生以一切智知一切法普圓滿故；
	般若	為令一切眾生行不動業，得無礙果普圓滿故；
	方便	為令一切眾生所有諸根咸得神通，能知一切眾生根故；
	願	為令一切眾生得無差別平等智慧，於一相法普清淨故；
	力	為令一切眾生與理無違，一切善根悉具足故；
	智	為令一切眾生於一切菩薩自在神通悉明達故；
力十波羅蜜	佛	為令一切眾生得一切佛無盡功德，若福若智悉平等故；
	法	為令一切眾生發菩提心，解一切法平等一相無遺缺故；
	僧	為令一切眾生了達正法，為世最上福德田故；
	精進	為令一切眾生成就平等清淨大悲，為諸施者大力田故；
	禪定	為令一切眾生堅固第一無能沮壞故；
	般若	為令一切眾生見必蒙益無能摧伏故；
	方便	為令一切眾生成滿最勝平等心故；
	願	為令一切眾生善能了達一切諸法得大無畏故；
	力	為令一切眾生放一光明普照十方一切世界故；
	智	為令一切眾生普修一切菩薩精進行無懈怠故；
智十波羅蜜	佛	為令一切眾生以一行願普滿一切諸行願故；
	法	為令一切眾生以一妙音普使聞者皆得解故；
	僧	為令一切眾生悉能具足一切菩薩清淨心故；
	精進	為令一切眾生普得值遇諸善知識咸承事故；
	禪定	為令一切眾生修菩薩行，調伏眾生不休息故；
	般若	為令一切眾生以妙辯才具一切音，隨機廣演無斷盡故；
	方便	為令一切眾生能以一心知一切心，以一切善根等迴向故；
	願	為令一切眾生常樂積集一切善根，安立眾生於淨智故；
	力	為令一切眾生得一切智、福德智慧、清淨身故；
	智	為令一切眾生善知一切眾生善根，觀察迴向普成就故；
十波涅槃蜜	佛	為令一切眾生得一切智，成等正覺普圓滿故；
	法	為令一切眾生得具足神通智，於一處出興，一切諸處皆出興故；
	僧	為令一切眾生得普莊嚴智，嚴淨一眾會，一切眾會皆嚴淨故；
	精進	為令一切眾生於一佛國土普見一切佛國土故；

附25-B：華嚴經十迴向品之等隨順一切眾生迴向菩薩百十願之四

涅槃十波羅蜜	禪定	為令一切眾生以一切莊嚴具、不可說莊嚴具、無量莊嚴具、無盡莊嚴具，莊嚴一切諸佛國土普周遍故；
	般若	為令一切眾生於一切法悉能決了甚深義故；
	方便	為令一切眾生得諸如來最上第一自在神通故；
	願	為令一切眾生得非一非異一切功德自在神通故；
	力	為令一切眾生具足一切平等善根，普為諸佛灌其頂故；
	智	為令一切眾生悉得成滿清淨智身，於諸有中尊勝故。

(返回第392頁)

附25-1：華嚴經十迴向品之真如相迴向(境界迴向)之一

云何八向		佛子！何者是菩薩摩訶薩真如相迴向？(願波羅蜜理事合會為主)
依十波羅蜜成就真如回向	生眾善法以智迴向(佛)	佛子！此菩薩摩訶薩正念明了，其心堅住，遠離迷惑；專意修行，深心不動；成不壞業，趣一切智，終不退轉；志求大乘，勇猛無畏；植諸德本，普安世間；生勝善根，修白淨法；大悲增長，心寶成就；常念諸佛，護持正法；於菩薩道信樂堅固，成就無量淨妙善根，勤修一切功德智慧；為調御師，生眾善法，以智方便而為迴向。
	迴向種智(法)	菩薩爾時，慧眼普觀，所有善根無量無邊。其諸善根修集之時，若求緣、若辦具、若治淨、若趣入、若專勵、若起行、若明達、若精審、若開示，如是一切有種種門、種種境、種種相、種種事、種種分、種種行、種種名字、種種分別、種種出生、種種修習，其中所有一切善根，悉是趣向十力乘心之所建立，皆悉迴向一切種智，唯一無二。以諸善根如是迴向，所謂：
	涅槃十波羅蜜圓滿	僧 願得圓滿無礙身業，修菩薩行；
		法 願得清淨無礙口業，修菩薩行；
		佛 願得成就無礙意業，安住大乘；
		精進 願得圓滿無障礙心，淨修一切諸菩薩行；
		禪定 願起無量廣大施心，周給無邊一切眾生；
		般若 願於諸法心得自在，演大法明，無能障蔽；
		方便 願得明達一切智處，發菩提心，普照世間；
		願 願常正念三世諸佛，諦想如來常現在前；
		力 願住圓滿增上志樂，遠離一切諸魔怨敵；
		智 願得安住佛十力智，普攝眾生無有休息；
	菩薩十波羅蜜圓滿	佛 願得三昧遊諸世界，而於世間無所染著；
		法 願住諸世界無有疲厭，教化眾生恒不休息；
		僧 願起無量思慧方便，成就菩薩不思議道；
		精進 願得諸方不迷惑智，悉能分別一切世間；
		禪定 願得自在神通智力，於一念中悉能嚴淨一切國土；
		般若 願得普入諸法自性，見一切世間悉皆清淨；
		方便 願得生起無差別智，於一剎中入一切剎；
		願 願以一切剎莊嚴之事顯示一切，教化無量無邊眾生；
		力 願於一佛剎中示無邊法界，一切佛剎悉亦如是；
		智 願得自在大神通智，普能往詣一切佛土。
	周遍一切世界成就智慧觀察(僧)	佛子！菩薩摩訶薩以諸善根，願得莊嚴一切佛國，願得周遍一切世界，願得成就智慧觀察。如為己身如是迴向，如是而為一切眾生，所謂：願一切眾生永離一切地獄、畜生、閻羅王趣；願一切眾生除滅一切障礙之業；願一切眾生得周普心平等智慧；願一切眾生於怨於親等心攝受，皆令安樂，智慧清淨；願一切眾生智慧圓滿，淨光普照；願一切眾生思慧成滿，了真實義；願一切眾生以淨志樂，趣求菩提，獲無量智；願一切眾生普能顯示安隱住處。

附25-1：華嚴經十迴向品之真如相迴向(境界迴向)之二

依十波羅蜜清淨行成就真如迴向	清淨行迴向十波羅蜜		佛子！菩薩摩訶薩恒以善心如是迴向，
		佛	為令一切眾生遇清涼雲，霑法雨故；
		法	為令一切眾生常值福田，勝境界故；
		僧	為令一切眾生皆能善入菩提心藏，自護持故；
		精進	為令一切眾生離諸蓋、纏，善安住故；
		禪定	為令一切眾生皆獲無礙神通智故；
		般若	為令一切眾生得自在身，普示現故；
		方便	為令一切眾生成就最勝一切種智，普興利益無空過故；
		願	為令一切眾生普攝群品，令清淨故；
		力	為令一切眾生皆能究竟一切智故；
		智	為令一切眾生心不動搖，無障礙故。
	見世間清淨以諸善根方便迴向無有分別(精進)		佛子！菩薩摩訶薩見可愛樂國土、園林、草木、華果、名香、上服、珍寶、財物、諸莊嚴具，或見可樂村邑、聚落，或見帝王威德自在，或見住處離諸諍雜。見是事已，以方便智精勤修習，出生無量勝妙功德，為諸眾生勤求善法，心無放逸，廣集眾善；猶如大海，以無盡善普覆一切，為眾善法所依之處，以諸善根方便迴向而無分別；開示無量種種善根，智常觀察一切眾生，心恒憶念善根境界，以等真如平等善根迴向眾生，無有休息。菩薩爾時，以諸善根如是迴向，所謂：
	依自性成就起三十一種大願迴向得圓滿無上正覺	總說	願一切眾生得諸如來可愛樂見，見法真性平等平等，無所取著，圓滿清淨；
		十住圓滿大願	願一切眾生見諸如來甚可愛樂，圓滿供養；
			願一切眾生往生一切無諸煩惱、甚可愛樂清淨佛刹；
			願一切眾生得見諸佛可愛樂法；
			願一切眾生常樂護持一切菩薩可愛樂行；
			願一切眾生得善知識可愛樂眼，見無所礙；
			願一切眾生常見一切可愛樂物，無有違逆；
			願一切眾生證得一切可愛樂法而勤護持；
			願一切眾生於一切佛可樂法中得淨光明；
			願一切眾生修諸菩薩一切能捨可愛樂心；
			願一切眾生得無所畏能說一切可愛樂法；
		十行圓滿大願	願一切眾生得諸菩薩極可愛樂甚深三昧；
			願一切眾生得諸菩薩甚可愛樂陀羅尼門；
			願一切眾生得諸菩薩甚可愛樂善觀察智；
			願一切眾生能現菩薩甚可愛樂自在神通；
			願一切眾生能於諸佛大眾會中說可愛樂甚深妙法；
			願一切眾生能以方便開示演說甚可愛樂差別之句；
			願一切眾生常能發起甚可愛樂平等大悲；
			願一切眾生念念發起甚可愛樂大菩提心，常令諸根歡喜悅豫；
			願一切眾生能入一切甚可愛樂諸如來家；

附25-1：華嚴經十迴向品之真如相迴向(境界迴向)之三

依十波羅蜜清淨行成就真如迴向	起三十一種大願迴向	十行	願一切眾生得可愛樂能調伏行，調伏眾生無有休息；
		十迴向圓滿大願	願一切眾生得諸菩薩甚可愛樂無盡辯才演說諸法；
			願一切眾生於不可說不可說劫，住於一切可樂世界，教化眾生，心無厭倦；
			願一切眾生以無量方便，普能悟入甚可愛樂諸佛法門；
			願一切眾生得可愛樂無礙方便，知一切法無有根本；
			願一切眾生得可愛樂離貪欲際，知一切法畢竟無二，斷一切障；
			願一切眾生得可愛樂離貪欲際，知一切法平等真實；
			願一切眾生具足成滿一切菩薩甚可愛樂無戲論法；
			願一切眾生得金剛藏精進之心，成可愛樂一切智道；
			願一切眾生具可愛樂無礙善根，摧伏一切煩惱怨敵；
			願一切眾生得可愛樂一切智門，普於世間現成正覺。
		得智慧明	佛子！菩薩摩訶薩修習如是諸善根時，得智慧明，為善知識之所攝受，如來慧日明照其心，永滅癡冥；勤修正法，入諸智業，善學智地，流布善根，充滿法界，以智迴向；盡諸菩薩善根源底，以智深入大方便海，成就無量廣大善根。
十波羅蜜禪定大願迴向	成就十種佛刹平等世界嚴淨	趣入真如(禪定)	佛子！菩薩摩訶薩以此善根如是迴向，所謂：不著世間，不取眾生；其心清淨，無所依止；正念諸法，離分別見；不捨一切佛自在慧，不違三世一切諸佛正迴向門；隨順一切平等正法，不壞如來真實之相，等觀三世無眾生相；
		善順佛道善於說法(般若)(方便)	善順佛道，善說於法，深了其義，入最勝地，悟真實法，智慧圓滿，信樂堅固；雖善修正業而知業性空，了一切法皆如幻化，知一切法無有自性；觀一切義及種種行，隨世言說而無所著；除滅一切執著因緣，知如實理，觀諸法性皆悉寂滅，了一切法同一實相，知諸法相不相違背；與諸菩薩而共同止，修行其道，善攝眾生，入去、來、今一切菩薩迴向之門；於諸佛法心無驚怖，以無量心令諸眾生普得清淨；於十方世界不起執取我、我所心，於諸世間無所分別；於一切境界不生染著，勤修一切出世間法；於諸世間無取無依，於深妙道正見牢固，離諸妄見，了真實法。
		百願迴向	譬如真如，遍一切處，無有邊際；善根迴向亦復如是，遍一切處，無有邊際。…(百種真如方便大願迴向，見附25-C)
		成就十種佛刹平等世界嚴淨	佛子！菩薩摩訶薩如是迴向時，
			佛得一切佛刹平等，普嚴淨一切世界故；
			法得一切眾生平等，普為轉無礙法輪故；
			僧得一切菩薩平等，普出生一切智願故；
			精進得一切諸佛平等，觀察諸佛體無二故；
			禪定得一切法平等，普知諸法性無易故；
			般若得一切世間平等，以方便智善解一切語言道故；
			方便得一切菩薩行平等，隨種善根盡迴向故；
			願得一切時平等，勤修佛事，於一切時無斷絕故；
			力得一切業果平等，於世、出世所有善根皆無染著，咸究竟故；
			智得一切佛自在神通平等，隨順世間現佛事故。

附25-1：華嚴經十迴向品之真如相迴向(境界迴向)之四

十波羅蜜真如迴向	成就十種功德		佛子！是為菩薩摩訶薩第八真如相迴向。菩薩摩訶薩住此迴向，
		佛	證得無量清淨法門，能為如來大師子吼，自在無畏；
		法	以善方便，教化成就無量菩薩，於一切時未曾休息；
		僧	得佛無量圓滿之身，一身充遍一切世界；
		精進	得佛無量圓滿音聲，一音開悟一切眾生；
		禪定	得佛無量圓滿之力，一毛孔中普能容納一切國土；
		般若	得佛無量圓滿神通，置諸眾生於一塵中；
		方便	得佛無量圓滿解脫，於一眾生身示現一切諸佛境界，成等正覺；
		願	得佛無量圓滿三昧，一三昧中普能示現一切三昧；
		力	得佛無量圓滿辯才，說一句法，窮未來際而不可盡，悉除一切眾生疑惑；
		智	得佛無量圓滿眾生，具佛十力，盡眾生界示成正覺。
			佛子！是為菩薩摩訶薩以一切善根順真如相迴向。
依願十波羅蜜結會第八迴向位			爾時，金剛幢菩薩承佛威力，普觀十方而說頌言：（二十九偈）
	涅槃十波羅蜜	佛	菩薩志樂常安住，正念堅固離癡惑，其心善軟恒清涼，積集無邊功德行。
		法	菩薩謙順無違逆，所有志願悉清淨，已得智慧大光明，善能照了一切業。
		僧	菩薩思惟業廣大，種種差別甚希有，決意修行無退轉，以此饒益諸群生。
		精進	諸業差別無量種，菩薩一切勤修習，隨順眾生不違意，普令心淨生歡喜。
		禪定	已昇調御人尊地，離諸熱惱心無礙，於法於義悉善知，為利群生轉勤習。
		般若	菩薩所修眾善行，無量無數種種別，於彼一切分別知，為利群生故迴向。
		方便	以妙智慧恒觀察，究竟廣大真實理，斷諸有處悉無餘，如彼真如善迴向。
		願	譬如真如遍一切，如是普攝諸世間，菩薩以此心迴向，悉令眾生無所著。
		力	菩薩願力遍一切，譬如真如無不在，若見不見念悉周，悉以功德而迴向。
		智	夜中隨住晝亦住，半月一月亦隨住，若年若劫悉住中，真如如是行亦然。
	菩薩十波羅蜜	佛	所有三世及刹土，一切眾生與諸法，悉住其中無所住，以如是行而迴向。
		法	譬如真如本自性，菩薩如是發大心，真如所在無不在，以如是行而迴向。
		僧	譬如真如本自性，其中未曾有一法，不得自性是真性，以如是業而迴向。
		精進	如真如相業亦爾，如真如性業亦爾，如真如性本真實，業亦如是同真如。
		禪定	譬如真如無邊際，業亦如是無有邊，而於其中無縛著，是故此業得清淨。
		般若	如是聰慧真佛子，志願堅固不動搖，以其智力善通達，入於諸佛方便藏。
		方便	覺悟法王真實法，於中無著亦無縛，如是自在心無礙，未曾見有一法起。
		願	如來法身所作業，一切世間如彼相，說諸法相皆無相，知如是相是知法。
		力	菩薩住是不思議，於中思議不可盡，入此不可思議處，思與非思皆寂滅。
		智	如是思惟諸法性，了達一切業差別，所有我執皆除滅，住於功德無能動。
	本體	佛	菩薩一切業果報，悉為無盡智所印，如是無盡自性盡，是故無盡方便滅。
		法	菩薩觀心不在外，亦復不得在於內，知其心性無所有，我法皆離永寂滅。
		僧	彼諸佛子如是知，一切法性常空寂，無有一法能造作，同於諸佛悟無我。

附25-1：華嚴經十迴向品之真如相迴向(境界迴向)之五

結 會 第 八 迴 向	力 用	佛	了知一切諸世間，悉與真如性相等，見是不可思議相，是則能知無相法。
		法	若能住是甚深法，常樂修行菩薩行，為欲利益諸群生，大誓莊嚴無退轉。
		僧	是則超過於世間，不起生死妄分別，了達其心如幻化，勤修眾行度群生。
	和 合	佛	菩薩正念觀世間，一切皆從業緣得，為欲救度修諸行，普攝三界無遺者。
		法	了知眾生種種異，悉是想行所分別，於此觀察悉明了，而不壞於諸法性。
		僧	智者了知諸佛法，以如是行而迴向，哀愍一切諸眾生，令於實法正思惟。

附25-C：華嚴經十迴向品之真如相迴向(境界迴向)菩薩迴向百願之一

佛十波羅蜜	佛	譬如真如，遍一切處，無有邊際；善根迴向亦復如是，遍一切處，無有邊際。
	法	譬如真如，真實為性；善根迴向亦復如是，了一切法真實為性。
	僧	譬如真如，恒守本性，無有改變；善根迴向亦復如是，守其本性，始終不改。
	精進	譬如真如，以一切法無性為性；善根迴向亦復如是，了一切法無性為性。
	禪定	譬如真如，無相為相；善根迴向亦復如是，了一切法無相為相。
	般若	譬如真如，若有得者，終無退轉；善根迴向亦復如是，若有得者，於諸佛法，永不退轉。
	方便	譬如真如，一切諸佛之所行處；善根迴向亦復如是，一切如來所行之處。
	願	譬如真如，離境界相而為境界；善根迴向亦復如是，離境界相而為三世一切諸佛圓滿境界。
	力	譬如真如，能有安立；善根迴向亦復如是，悉能安立一切眾生。
	智	譬如真如，性常隨順；善根迴向亦復如是，盡未來劫，隨順不斷。
法十波羅蜜	佛	譬如真如，無能測量；善根迴向亦復如是，等虛空界，盡眾生心，無能測量。
	法	譬如真如，充滿一切；善根迴向亦復如是，一剎那中普周法界。
	僧	譬如真如，常住無盡；善根迴向亦復如是，究竟無盡。
	精進	譬如真如，無有比對；善根迴向亦復如是，普能圓滿一切佛法，無有比對。
	禪定	譬如真如，體性堅固；善根迴向亦復如是，體性堅固，非諸惑惱之所能沮。
	般若	譬如真如，不可破壞；善根迴向亦復如是，一切眾生不能損壞。
	方便	譬如真如，照明為體；善根迴向亦復如是，以普照明而為其性。
	願	譬如真如，無所不在；善根迴向亦復如是，於一切處悉無不在。
	力	譬如真如，遍一切時；善根迴向亦復如是，遍一切時。
	智	譬如真如，性常清淨；善根迴向亦復如是，住於世間而體清淨。
僧十波羅蜜	佛	譬如真如，於法無礙；善根迴向亦復如是，周行一切而無所礙。
	法	譬如真如，為眾法眼；善根迴向亦復如是，能為一切眾生作眼。
	僧	譬如真如，性無勞倦；善根迴向亦復如是，修行一切菩薩諸行恒無勞倦。
	精進	譬如真如，體性甚深；善根迴向亦復如是，其性甚深。
	禪定	譬如真如，無有一物；善根迴向亦復如是，了知其性無有一物。
	般若	譬如真如，性非出現；善根迴向亦復如是，其體微妙，難可得見。
	方便	譬如真如，離眾垢翳；善根迴向亦復如是，慧眼清淨，離諸癡翳。
	願	譬如真如，性無與等；善根迴向亦復如是，成就一切諸菩薩行最上無等。
	力	譬如真如，體性寂靜；善根迴向亦復如是，善能隨順寂靜之法。
	智	譬如真如，無有根本；善根迴向亦復如是，能入一切無根本法。
精進	佛	譬如真如，體性無邊；善根迴向亦復如是，淨諸眾生，其數無邊。
	法	譬如真如，體性無著；善根迴向亦復如是，畢竟遠離一切諸著。
	僧	譬如真如，無有障礙；善根迴向亦復如是，除滅一切世間障礙。
	精進	譬如真如，非世所行；善根迴向亦復如是，非諸世間之所能行。

附25-C：華嚴經十迴向品之真如相迴向(境界迴向)菩薩迴向百願之二

精進十波羅蜜	禪定	譬如真如，體性無住；善根迴向亦復如是，一切生死皆非所住。
	般若	譬如真如，性無所作；善根迴向亦復如是，一切所作悉皆捨離。
	方便	譬如真如，體性安住；善根迴向亦復如是，安住真實。
	願	譬如真如，與一切法而共相應；善根迴向亦復如是，與諸菩薩聽聞修習而共相應。
	力	譬如真如，一切法中，性常平等；善根迴向亦復如是，於諸世間修平等行。
禪定十波羅蜜	智	譬如真如，不離諸法；善根迴向亦復如是，盡未來際不捨世間。
	佛	譬如真如，一切法中，畢竟無盡；善根迴向亦復如是，於諸眾生迴向無盡。
	法	譬如真如，與一切法無有相違；善根迴向亦復如是，不違三世一切佛法。
	僧	譬如真如，普攝諸法；善根迴向亦復如是，盡攝一切眾生善根。
	精進	譬如真如，與一切法同其體性；善根迴向亦復如是，與三世佛同一體性。
	禪定	譬如真如，與一切法不相捨離；善根迴向亦復如是，攝持一切世、出世法。
	般若	譬如真如，無能映蔽；善根迴向亦復如是，一切世間無能映蔽。
	方便	譬如真如，不可動搖；善根迴向亦復如是，一切魔業無能動搖。
	願	譬如真如，性無垢濁；善根迴向亦復如是，修菩薩行無有垢濁。
	力	譬如真如，無有變易；善根迴向亦復如是，愍念眾生，心無變易。
般若十波羅蜜	智	譬如真如，不可窮盡；善根迴向亦復如是，非諸世法所能窮盡。
	佛	譬如真如，性常覺悟；善根迴向亦復如是，普能覺悟一切諸法。
	法	譬如真如，不可失壞；善根迴向亦復如是，於諸眾生起勝志願，永不失壞。
	僧	譬如真如，能大照明；善根迴向亦復如是，以大智光照諸世間。
	精進	譬如真如，不可言說；善根迴向亦復如是，一切言語所不可說。
	禪定	譬如真如，持諸世間；善根迴向亦復如是，能持一切菩薩諸行。
	般若	譬如真如，隨世言說；善根迴向亦復如是，隨順一切智慧言說。
	方便	譬如真如，遍一切法；善根迴向亦復如是，遍於十方一切佛刹，現大神通成等正覺。
	願	譬如真如，無有分別；善根迴向亦復如是，於諸世間，無所分別。
	力	譬如真如，遍一切身；善根迴向亦復如是，遍十方刹無量身中。
方便十波羅蜜	智	譬如真如，體性無生；善根迴向亦復如是，方便示生而無所生。
	佛	譬如真如，無所不在；善根迴向亦復如是，十方三世諸佛土中，普現神通而無不在。
	法	譬如真如，遍在於夜；善根迴向亦復如是，於一切夜，放大光明，施作佛事。
	僧	譬如真如，遍在於晝；善根迴向亦復如是，悉令一切在晝眾生，見佛神變，演不退輪，離垢清淨，無空過者。
	精進	譬如真如，遍在半月及以一月；善根迴向亦復如是，於諸世間次第時節，得善方便，於一念中知一切時。
方便十波羅蜜	禪定	譬如真如，遍在年歲；善根迴向亦復如是，住無量劫明了成熟，一切諸根皆令圓滿。

附25-C：華嚴經十迴向品之真如相迴向(境界迴向)菩薩迴向百願之三

方便十波羅蜜	般若	譬如真如，遍成壞劫；善根迴向亦復如是，住一切劫清淨無染，教化眾生咸令清淨。
	方便	譬如真如，盡未來際；善根迴向亦復如是，盡未來際，修諸菩薩清淨妙行，成滿大願無有退轉。
	願	譬如真如，遍住三世；善根迴向亦復如是，令諸眾生於一剎那見三世佛，未曾一念而有捨離。
	力	譬如真如，遍一切處；善根迴向亦復如是，超出三界，周行一切，悉得自在。
	智	譬如真如，住有無法；善根迴向亦復如是，了達一切有無之法畢竟清淨。
願十波羅蜜	佛	譬如真如，體性清淨；善根迴向亦復如是，能以方便集助道法，淨治一切諸菩薩行。
	法	譬如真如，體性明潔；善根迴向亦復如是，令諸菩薩悉得三昧明潔之心。
	僧	譬如真如，體性無垢；善根迴向亦復如是，遠離諸垢，滿足一切諸清淨意。
	精進	譬如真如，無我、我所；善根迴向亦復如是，以無我、我所清淨之心，充滿十方諸佛國土。
	禪定	譬如真如，體性平等；善根迴向亦復如是，獲得平等一切智智，照了諸法離諸癡翳。
	般若	譬如真如，超諸數量；善根迴向亦復如是，與超數量一切智乘大力法藏而同止住，興遍十方一切世界廣大法雲。
	方便	譬如真如，平等安住；善根迴向亦復如是，發生一切諸菩薩行，平等住於一切智道。
	願	譬如真如，遍住一切諸眾生界；善根迴向亦復如是，滿足無礙一切種智，於眾生界悉現在前。
	力	譬如真如，無有分別，普住一切音聲智中；善根迴向亦復如是，具足一切諸言音智，能普示現種種言音，開示眾生。
力十波羅蜜	智	譬如真如，永離世間；善根迴向亦復如是，普使眾生永出世間。
	佛	譬如真如，體性廣大；善根迴向亦復如是，悉能受持去、來、今世廣大佛法，恒不忘失，勤修一切菩薩諸行。
	法	譬如真如，無有間息；善根迴向亦復如是，為欲安處一切眾生於大智地，於一切劫修菩薩行無有間息。
	僧	譬如真如，體性寬廣，遍一切法；善根迴向亦復如是，淨念無礙，普攝一切寬廣法門。
	精進	譬如真如，遍攝群品；善根迴向亦復如是，證得無量品類之智，修諸菩薩真實妙行。
	禪定	譬如真如，無所取著；善根迴向亦復如是，於一切法皆無所取，除滅一切世間取著，普令清淨。
	般若	譬如真如，體性不動；善根迴向亦復如是，安住普賢圓滿行願，畢竟不動。
	方便	譬如真如，是佛境界；善根迴向亦復如是，令諸眾生滿足一切大智境界，滅煩惱境悉令清淨。

附25-C：華嚴經十迴向品之真如相迴向(境界迴向)菩薩迴向百願之四

力十波羅蜜	願	譬如真如，無能制伏；善根迴向亦復如是，不為一切眾魔事業、外道邪論之所制伏。
	力	譬如真如，非是可修，非不可修；善根迴向亦復如是，捨離一切妄想取著，於修、不修無所分別。
	智	譬如真如，無有退捨；善根迴向亦復如是，常見諸佛，發菩提心，大誓莊嚴，永無退捨。
智十波羅蜜	佛	譬如真如，普攝一切世間言音；善根迴向亦復如是，能得一切差別言音神通智慧，普發一切種種言辭。
	法	譬如真如，於一切法無所希求；善根迴向亦復如是，令諸眾生乘普賢乘而得出離，於一切法無所貪求。
	僧	譬如真如，住一切地；善根迴向亦復如是，令一切眾生捨世間地，住智慧地，以普賢行而自莊嚴。
	精進	譬如真如，無有斷絕；善根迴向亦復如是，於一切法得無所畏，隨其類音，處處演說，無有斷絕。
	禪定	譬如真如，捨離諸漏；善根迴向亦復如是，令一切眾生成就法智，了達於法，圓滿菩提無漏功德。
	般若	譬如真如，無有少法而能壞亂，令其少分非是覺悟；善根迴向亦復如是，普令開悟一切諸法，其心無量遍周法界。
	方便	譬如真如，過去非始，未來非末，現在非異；善根迴向亦復如是，為一切眾生新新恒起菩提心願，普使清淨，永離生死。
	願	譬如真如，於三世中無所分別；善根迴向亦復如是，現在念念心常覺悟，過去、未來皆悉清淨。
	力	譬如真如，成就一切諸佛菩薩；善根迴向亦復如是，發起一切大願方便，成就諸佛廣大智慧。
	智	譬如真如，究竟清淨，不與一切諸煩惱俱；善根迴向亦復如是，能滅一切眾生煩惱，圓滿一切清淨智慧。

(返回第401頁)

附25-1：華嚴經十迴向品之無著無縛解脫迴向(智迴向)之一

云何九向		佛子！云何為菩薩摩訶薩無著無縛解脫迴向？（力波羅蜜理事合會為主）
依十波羅蜜無著無縛精進解脫迴向	於諸善根皆生尊重隨順忍可（佛）	佛子！是菩薩摩訶薩於一切善根，心生尊重。所謂：於出生死，心生尊重；於攝取一切善根，心生尊重；於希求一切善根，心生尊重；於悔諸過業，心生尊重；於隨喜善根，心生尊重；於禮敬諸佛，心生尊重；於合掌恭敬，心生尊重；於頂禮塔廟，心生尊重；於勸佛說法，心生尊重。於如是等種種善根，皆生尊重，隨順忍可。（十種善根，心生尊重）
	究竟欣樂（法）	佛子！菩薩摩訶薩於彼善根，皆生尊重，隨順忍可時，究竟欣樂，堅固信解；自得安住，令他安住；勤修無著，自在積集；成勝志樂，住如來境；勢力增長，悉得知見。
	以解脫心入微細智（僧精進）	以諸善根如是迴向，所謂：以無著無縛解脫心，成就普賢身業。以無著無縛解脫心，清淨普賢語業。以無著無縛解脫心，圓滿普賢意業。…（五十一種無著無縛解脫心成就，入十種普賢行甚微細智，見附25-D, 附25-E）
	無分別法（禪定）（般若）	佛子！菩薩摩訶薩以無著無縛解脫心迴向，不分別若世間、若世間法，不分別若菩提、若菩提薩埵，不分別若菩薩行、若出離道，不分別若佛、若一切佛法，不分別若調伏眾生、若不調伏眾生，不分別若善根、若迴向，不分別若自、若他，不分別若施物、若受施者，不分別若菩薩行、若等正覺，不分別若法、若智。
	無著無縛解脫（方便）	佛子！菩薩摩訶薩以彼善根如是迴向，所謂：
		心無著無縛解脫，
		身無著無縛解脫，
		口無著無縛解脫，
		業無著無縛解脫，
		報無著無縛解脫，
		世間無著無縛解脫，
		佛刹無著無縛解脫，
		眾生無著無縛解脫，
		法無著無縛解脫，
		智無著無縛解脫。
	隨順三世諸佛迴向（願力）	菩薩摩訶薩如是迴向時，如三世諸佛為菩薩時所修迴向而行迴向；學過去諸佛迴向，成未來諸佛迴向，住現在諸佛迴向；安住過去諸佛迴向道，不捨未來諸佛迴向道，隨順現在諸佛迴向道；勤修過去諸佛教，成就未來諸佛教，了知現在諸佛教；滿足過去諸佛平等，成就未來諸佛平等，安住現在諸佛平等；行過去諸佛境界，住未來諸佛境界，等現在諸佛境界；得三世一切諸佛善根，具三世一切諸佛種性，住三世一切諸佛所行，順三世一切諸佛境界。
	成就功德（智）	佛子！是為菩薩摩訶薩第九無著無縛解脫心迴向。菩薩摩訶薩住此迴向時，一切金剛輪圍山所不能壞，於一切眾生中色相第一無能及者，悉能摧破諸魔邪業，普現十方一切世界；修菩薩行，為欲開悟一切眾生，以善方便說諸佛法；得大智慧，於諸佛法心無迷惑，在在生處若行若住，常得值遇不壞眷屬；三世諸佛所說正法，以清淨念悉能受持，盡未來劫修菩薩行，常不休息，無所依著；普賢行願增長具足，得一切智施作佛事，成就菩薩自在神通。

附25-1：華嚴經十迴向品之無著無縛解脫迴向(智迴向)之二

依力十波羅蜜結會第九迴向位			爾時，金剛幢菩薩承佛神力，普觀十方而說頌言：(五十一偈)
	佛十波羅蜜迴向	佛	普於十方無等尊，未曾一起輕慢心，隨其所修功德業，亦復恭敬生尊重。
		法	所修一切諸功德，不為自己及他人，恒以最上信解心，利益眾生故迴向。
		僧	未嘗暫起高慢心，亦復不生下劣意，如來所有身等業，彼悉請問勤修習。
		精進	所修種種諸善根，悉為利益諸含識，安住深心廣大解，迴向人尊功德位。
		禪定	世間所有無量別，種種善巧奇特事，麤細廣大及甚深，靡不修行皆了達。
		般若	世間所有種種身，以身平等入其中，於此修行得了悟，慧門成就無退轉。
		方便	世間國土無量種，微細廣大仰覆別，菩薩能以智慧門，一毛孔中無不見。
		願	眾生心行無有量，能令平等入一心，以智慧門悉開悟，於所修行不退轉。
		力	眾生諸根及欲樂，上中下品各不同，一切甚深難可知，隨其本性悉能了。
		智	眾生所有種種業，上中下品各差別，菩薩深入如來力，以智慧門普明見。
	法十波羅蜜迴向	佛	不可思議無量劫，能令平等入一念，如是見已遍十方，修行一切清淨業。
		法	過去未來及現在，了知其相各不同，而亦不違平等理，是則大心明達行。
		僧	世間眾生行不同，或顯或隱無量種，菩薩悉知差別相，亦知其相皆無相。
		精進	十方世界一切佛，所現自在神通力，廣大難可得思議，菩薩悉能分別知。
		禪定	一切世界兜率中，自然覺悟人師子，功德廣大淨無等，如其體相悉能見。
		般若	或現降神處母胎，無量自在大神變，成佛說法示滅度，普遍世間無暫已。
		方便	人中師子初生時，一切勝智悉承奉，諸天帝釋梵王等，靡不恭敬而瞻侍。
		願	十方一切無有餘，無量無邊法界中，無始無末無遐邇，示現如來自在力。
		力	人中尊尊現生已，遊行諸方各七步，欲以妙法悟群生，是故如來普觀察。
		智	見諸眾生沈欲海，盲暗愚癡之所覆，人中自在現微笑，念當救彼三有苦。
	僧十波羅蜜迴向	佛	大師子吼出妙音，我為世間第一尊，應然明淨智慧燈，滅彼生死愚癡闇。
		法	人師子王出世時，普放無量大光明，令諸惡道皆休息，永滅世間眾苦難。
		僧	或時示現處王宮，或現捨家修學道，為欲饒益眾生故，示其如是自在力。
		精進	如來始坐道場時，一切大地皆動搖，十方世界悉蒙光，六趣眾生咸離苦。
		禪定	震動一切魔宮殿，開悟十方眾生心，昔曾受化及修行，皆使了知真實義。
		般若	十方所有諸國土，悉入毛孔無有餘，一切毛孔剎無邊，於彼普現神通力。
		方便	一切諸佛所開演，無量方便皆隨悟，設諸如來所不說，亦能解了勤修習。
		願	遍滿三千大千界，一切魔軍興鬭諍，所作無量種種惡，無礙智門能悉滅。
		力	如來或在諸佛刹，或復現處諸天宮，或在梵宮而現身，菩薩悉見無障礙。
		智	佛現無量種種身，轉於清淨妙法輪，乃至三世一切劫，求其邊際不可得。
	涅槃十波羅蜜	佛	寶座高廣最無等，遍滿十方無量界，種種妙相而莊嚴，佛處其上難思議。
		法	諸佛子眾共圍遶，盡於法界悉周遍，開示菩提無量行，一切最勝所由道。
		僧	諸佛隨宜所作業，無量無邊等法界，智者能以一方便，一切了知無不盡。
		精進	諸佛自在神通力，示現一切種種身，或現諸趣無量生，或現采女眾圍遶。
		禪定	或於無量諸世界，示現出家成佛道，乃至最後般涅槃，分布其身起塔廟。
		般若	如是種種無邊行，導師演說佛所住，世尊所有大功德，誓願修行悉令盡。
		方便	以彼善根迴向時，住於如是方便法，如是修習菩提行，其心畢竟無厭怠。

附25-1：華嚴經十迴向品之無著無縛解脫迴向(智迴向)之三

依力十波羅蜜結會第九迴向位	涅槃	願	如來所有大神通，及以無邊勝功德，乃至世間諸智行，一切悉知無不盡。
		力	如是一切人中主，隨其所有諸境界，於一念中皆了悟，而亦不捨菩提行。
		智	諸佛所有微細行，及一切刹種種法，於彼悉能隨順知，究竟迴向到彼岸。
	菩薩十波羅蜜	佛	有數無數一切劫，菩薩了知即一念，於此善入菩提行，常勤修習不退轉。
		法	十方所有無量刹，或有雜染或清淨，及彼一切諸如來，菩薩悉能分別知。
		僧	於念念中悉明見，不可思議無量劫，如是三世無有餘，具足修治菩薩行。
		精進	於一切心平等入，入一切法亦平等，盡空佛刹斯亦然，彼最勝行悉了知。
		禪定	出生眾生及諸法，所有種種諸智慧，菩薩神力亦復然，如是一切無窮盡。
		般若	諸微細智各差別，菩薩盡攝無有餘，同相異相悉善知，如是修行廣大行。
		方便	十方無量諸佛刹，其中眾生各無量，趣生族類種種殊，住行力已悉能知。
		願	過去未來現在世，所有一切諸導師，若人知此而迴向，則與彼佛行平等。
		力	若人能修此迴向，則為學佛所行道，當得一切佛功德，及以一切佛智慧。
		智	一切世間莫能壞，一切所學皆成就，常能憶念一切佛，常見一切世間燈。
		結會	菩薩勝行不可量，諸功德法亦如是，已住如來無上行，悉知諸佛自在力。

附25-D：華嚴經十迴向品之無著無縛解脫迴向五十一普賢行之一

十住位 十波羅蜜普賢行	僧	以無著無縛解脫心，成就普賢身業。
	法	以無著無縛解脫心，清淨普賢語業。
	佛	以無著無縛解脫心，圓滿普賢意業。
	精進	以無著無縛解脫心，發起普賢廣大精進。
	禪定	以無著無縛解脫心，具足普賢無礙音聲陀羅尼門，其聲廣大，普遍十方。
	般若	以無著無縛解脫心，具足普賢見一切佛陀羅尼門，恒見十方一切諸佛。
	方便	以無著無縛解脫心，成就解了一切音聲陀羅尼門，同一切音，說無量法。
	願	以無著無縛解脫心，成就普賢一切劫住陀羅尼門，普於十方修菩薩行。
	力	以無著無縛解脫心，成就普賢自在力，於一眾生身中，示修一切菩薩行，盡未來劫常無間斷；如一眾生身，一切眾生身悉如是。
十行位 十波羅蜜普賢行	智	以無著無縛解脫心，成就普賢自在力，普入一切眾道場，普現一切諸佛前，修菩薩行。
	佛	以無著無縛解脫心，成就普賢佛自在力，於一門中示現，經不可說不可說劫，無有窮盡，令一切眾生皆得悟入。
	法	以無著無縛解脫心，成就普賢佛自在力，於種種門中示現，經不可說不可說劫，無有窮盡，令一切眾生皆得悟入，其身普現一切佛前。
	僧	以無著無縛解脫心，成就普賢自在力，念念中令不可說不可說眾生住十力智，心無疲倦。
	精進	以無著無縛解脫心，成就普賢自在力，於一切眾生身中，現一切佛自在神通，令一切眾生住普賢行。
	禪定	以無著無縛解脫心，成就普賢自在力，於一一眾生語言中，作一切眾生語言，令一切眾生一一皆住一切智地。
	般若	以無著無縛解脫心，成就普賢自在力，於一一眾生身中，普容納一切眾生身，令皆自謂成就佛身。
	方便	以無著無縛解脫心，成就普賢自在力，能以一華莊嚴一切十方世界。
	願	以無著無縛解脫心，成就普賢自在力，出大音聲，普遍法界，周聞一切諸佛國土，攝受調伏一切眾生。
十迴向 普賢行	力	以無著無縛解脫心，成就普賢自在力，盡未來際不可說不可說劫，於念念中悉能遍入一切世界，以佛神力，隨念莊嚴。
	智	以無著無縛解脫心，成就普賢自在力，盡未來際所住之劫，常能遍入一切世界，示現成佛出興於世。
	佛	以無著無縛解脫心，成普賢行，一光普照盡虛空界一切世界。
	法	以無著無縛解脫心，成普賢行，得無量智慧，具一切神通，說種種法。
	僧	以無著無縛解脫心，成普賢行，入於如來盡一切劫不可測量神通智慧。
	精進	以無著無縛解脫心，成普賢行，住盡法界諸如來所，以佛神力修習一切諸菩薩行；身、口、意業，曾無懈怠。
	禪定	以無著無縛解脫心，成普賢行，不違於義，不壞於法，言辭清淨，樂說無盡；教化調伏一切眾生，令其當得一切諸佛無上菩提。

附25-D：華嚴經十迴向品之無著無縛解脫迴向五十一普賢行之二

十迴向普賢行	般若	以無著無縛解脫心，修普賢行，入一法門時，放無量光，照不思議一切法門；如一法門，一切法門皆亦如是通達無礙，究竟當得一切智地。
	方便	以無著無縛解脫心，住菩薩行，於法自在，到於普賢莊嚴彼岸；於一一境界，皆以一切智觀察悟入，而一切智亦不窮盡。
	願	以無著無縛解脫心，始從此生盡未來際住普賢行，常不休息，得一切智，悟不可說不可說真實法，於法究竟，無有迷惑。
	力	以無著無縛解脫心，修普賢業，方便自在，得法光明，於諸菩薩所行之行照了無礙。
	智	以無著無縛解脫心，修普賢行，得一切方便智，知一切方便，所謂：無量方便、不思議方便、菩薩方便、一切智方便、一切菩薩調伏方便、轉無量法輪方便、不可說時方便、說種種法方便、無邊際無畏藏方便、說一切法無餘方便。
十地位十波羅蜜普賢行	僧	以無著無縛解脫心，住普賢行，成就身業，令一切眾生見者歡喜，不生誹謗；發菩提心，永不退轉，究竟清淨。
	法	以無著無縛解脫心，修普賢行，得了一切眾生語言清淨智，一切言辭具足莊嚴，普應眾生，皆令歡喜。
	佛	以無著無縛解脫心，住普賢行，立殊勝志，具清淨心，得廣大神通、廣大智慧，普詣一切廣大世間、廣大國土、廣大眾生所，說一切如來不可說廣大法、廣大莊嚴圓滿藏。
	精進	以無著無縛解脫心，成滿普賢迴向行願，得一切佛清淨身、清淨心、清淨解，攝佛功德，住佛境界，智印普照，示現菩薩清淨之業，善入一切差別句義，示諸佛菩薩廣大自在，為一切眾生現成正覺。
	禪定	以無著無縛解脫心，勤修普賢諸根行願，得聰利根、調順根、一切法自在根、無盡根、勤修一切善根根、一切佛境界平等根、授一切菩薩不退轉記大精進根、了知一切佛法金剛界根、一切如來智慧光照金剛焰根、分別一切諸根自在根、安立無量眾生於一切智根、無邊廣大根、一切圓滿根、清淨無礙根。
	般若	以無著無縛解脫心，修普賢行，得一切菩薩神力，所謂：無量廣大力神力、無量自在智神力、不動其身普現一切佛刹神力、無礙不斷自在神力、普攝一切佛刹置於一處神力、一身遍滿一切佛刹神力、無礙解脫遊戲神力、無所作一念自在神力、住無性無依神力、一毛孔中次第安立不可說世界遍遊法界諸佛道場示諸眾生皆令得入大智慧門神力。
	方便	以無著無縛解脫心，入普賢門，生菩薩行，以自在智，於一念頃普入無量諸佛國土，一身容受無量佛刹，獲能嚴淨佛國土智，恒以智慧觀見無邊諸佛國土，永不發起二乘之心。
	願	以無著無縛解脫心，修普賢方便行，入智慧境界，生如來家，住菩薩道，具足不可說不可說無量不思議殊勝心，行無量願未曾休息，了知三世一切法界。
	力	以無著無縛解脫心，成就普賢清淨法門，於一毛端量處悉包容盡虛空遍法界不可說不可說一切國土，皆使明見；如一毛端量處，遍法界、虛空界一一毛端量處悉亦如是。
	智	以無著無縛解脫心，成就普賢深心方便，於一念心中現一眾生不可說不可說劫念心，如是乃至現一切眾生爾許劫念心。

附25-D：華嚴經十迴向品之無著無縛解脫迴向五十一普賢行之三

等覺十波羅蜜普賢行	僧	以無著無縛解脫心，入普賢迴向，行方便地，於一身中悉能包納盡法界不可說不可說身，而眾生界無所增減；如一身，乃至周遍法界一切身悉亦如是。
	法	以無著無縛解脫心，成就普賢大願方便，捨離一切想倒、心倒、見倒，普入一切諸佛境界；常見諸佛虛空界等清淨法身，相好莊嚴，神力自在；常以妙音開示演說無礙無斷，令其聞者如說受持，於如來身了無所得。
	佛	以無著無縛解脫心，修普賢行，住菩薩地，於一念中入一切世界，所謂：入仰世界、覆世界、不可說不可說十方網一切處廣大世界，以因陀羅網分別方便普分別一切法界，以種種世界入一世界，以不可說不可說無量世界入一世界，以一切法界所安立無量世界入一世界，以一切虛空界所安立無量世界入一世界，而亦不壞安立之相，悉令明見。
	精進	以無著無縛解脫心，修習普賢菩薩行願，得佛灌頂，於一念中入方便地，成滿安住眾行智寶；悉能了知一切諸想，所謂：眾生想、法想、剎想、方想、佛想、世想、業想、行想、界想、解想、根想、時想、持想、煩惱想、清淨想、成熟想、見佛想、轉法輪想、聞法解了想、調伏想、無量想、出離想、種種地想、無量地想、菩薩了知想、菩薩修習想、菩薩三昧想、菩薩三昧起想、菩薩成想、菩薩壞想、菩薩沒想、菩薩生想、菩薩解脫想、菩薩自在想、菩薩住持想、菩薩境界想、劫成壞想、明想、闇想、晝想、夜想、半月一月一時一歲變異想、去想、來想、住想、坐想、睡想、覺想——如是等想，於一念中悉能了知，而離一切想無所分別；斷一切障，無所執著；一切佛智充滿其心，一切佛法長其善根，與諸如來等同一身，一切諸佛之所攝取，離垢清淨，一切佛法皆隨修學到於彼岸。
	禪定	以無著無縛解脫心，為一切眾生修普賢行，生大智寶，於一一心中知無量心，隨其依止，隨其分別，隨其種性，隨其所作，隨其業用，隨其相狀，隨其思覺，種種不同靡不明見。
	般若	以無著無縛解脫心，成就普賢大願智寶，於一處中知於無量不可說處；如於一處，於一切處悉亦如是。
	方便	以無著無縛解脫心，修習普賢行業智地，於一業中能知無量不可說不可說業，其業各以種種緣造，明了知見；如於一業，於一切業悉亦如是。
	願	以無著無縛解脫心，修習普賢知諸法智，於一法中知不可說不可說法，於一切法中而知一法；如是諸法，各各差別，無有障礙，無違無著。
	力	以無著無縛解脫心，住菩薩行，得具普賢無礙耳根，於一言音中知不可說不可說言音無量無邊種種差別而無所著；如於一言音，於一切言音悉亦如是。
	智	以無著無縛解脫心，修普賢智，起普賢行，住普賢地，於一一法中演說不可說不可說法；其法廣大，種種差別教化攝受，不可思議方便相應；於無量時，於一切時，隨諸眾生所有欲解，隨根隨時，以佛音聲而為說法；以一妙音，令不可說道場眾會無量眾生皆悉歡喜，一切如來所無量菩薩充滿法界；立殊勝志，生廣大見，究竟了知一切諸行，住普賢地，隨所說法，於念念中悉能證入，一剎那頃增長無量不可說不可說大智慧聚；盡未來劫如是演說，於一切剎修習廣大虛空等行，成就圓滿。
總說		以無著無縛解脫心，修習普賢諸根行門，成大行王，於一一根中悉能了知無量諸根、無量心樂、不思議境界所生妙行。

(返回第408頁)

附25-E：華嚴經十迴向品之無著無縛解脫迴向十種普賢行微細智之一

佛波羅蜜	住普賢行大迴向心得十種微細智	以無著無縛解脫心，住普賢行大迴向心，得色甚微細智、身甚微細智、剎甚微細智、劫甚微細智、世甚微細智、方甚微細智、時甚微細智、數甚微細智、業報甚微細智、清淨甚微細智——如是等一切甚微細，於一念中悉能了知，而心不恐怖，心不迷惑、不亂、不散、不濁、不劣；其心一緣，心善寂定，心善分別，心善安住。
法波羅蜜	住菩薩智悉能了知十眾生微細智	以無著無縛解脫心，住菩薩智，修普賢行，無有懈倦，能知一切眾生趣甚微細、眾生死甚微細、眾生生甚微細、眾生住甚微細、眾生處甚微細、眾生品類甚微細、眾生境界甚微細、眾生行甚微細、眾生取甚微細、眾生攀緣甚微細——如是等一切甚微細，於一念中悉能了知。
僧波羅蜜	一切菩薩從初發心為一切眾生所修微細智 以身口意為先導	以無著無縛解脫心，立深志樂，修普賢行，能知一切菩薩從初發心為一切眾生修(二十一種眾生成就甚微細)
		菩薩行甚微細、
		菩薩住處甚微細、
		菩薩神通甚微細、
		菩薩遊行無量佛剎甚微細、
		菩薩法光明甚微細、
		菩薩清淨眼甚微細、
		菩薩成就殊勝心甚微細、
		菩薩往詣一切如來道場眾會甚微細、
		菩薩陀羅尼門智甚微細、
		菩薩無量無畏地一切辯才藏演說甚微細、
		菩薩無量三昧相甚微細、
		菩薩見一切佛三昧智甚微細、
		菩薩甚深三昧智甚微細、
		菩薩大莊嚴三昧智甚微細、
		菩薩法界三昧智甚微細、
		菩薩大自在神通三昧智甚微細、
		菩薩盡未來際廣大行住持三昧智甚微細、
		菩薩出生無量差別三昧智甚微細、
		菩薩出生一切諸佛前勤修供養恒不捨離三昧智甚微細、
		菩薩修行一切甚深廣博無障無礙三昧智甚微細、
	總說	菩薩究竟一切智地住持行智地大神通地決定義地離翳三昧智甚微細
		——如是等一切甚微細，悉能了知。

附25-E：華嚴經十迴向品之無著無縛解脫迴向十種普賢行微細智之二

精進波羅蜜——四十種一切菩薩成就微細智		以無著無縛解脫心，修普賢行，悉知一切菩薩安立智甚微細、菩薩地甚微細、菩薩無量行甚微細…（四十種菩薩成就甚微細）	
	（自性地佛法僧甚微細智） 三十種菩薩甚微細智	悉知一切菩薩安立智甚微細、	菩薩放大光明甚微細、
		菩薩地甚微細、	菩薩種族殊勝甚微細、
		菩薩無量行甚微細、	菩薩道場眾會甚微細、
		菩薩出生迴向甚微細、	菩薩遍一切世界受生甚微細、
		菩薩得一切佛藏甚微細、	菩薩於一身示現一切身命終甚微細、（法）
		菩薩觀察智甚微細、	菩薩入母胎甚微細、
		菩薩神通願力甚微細、	菩薩住母胎甚微細、
		菩薩演說三昧甚微細、	菩薩在母胎中自在示現一切法界道場眾會甚微細、
		菩薩自在方便甚微細、	菩薩在母胎中示現一切佛神力甚微細、
		菩薩印甚微細、（佛）	菩薩示現誕生事甚微細、
		菩薩一生補處甚微細、	菩薩師子遊行七步智甚微細、
		菩薩生兜率天甚微細、	菩薩示處王宮巧方便智甚微細、
		菩薩住止天宮甚微細、	菩薩出家修調伏行甚微細、
		菩薩嚴淨佛國甚微細、	菩薩菩提樹下坐道場甚微細、
		菩薩觀察人中甚微細、	菩薩破魔軍眾成阿耨多羅三藐三菩提甚微細、（僧）
	（入法界甚微細智） 十一種如來地成就微細智	如來坐菩提座放大光明照十方界甚微細、	
		如來示現無量神變甚微細、	
		如來師子吼大涅槃甚微細、	
		如來調伏一切眾生而無所礙甚微細、	
		如來不思議自在力如金剛菩提心甚微細、	
		如來普護念一切世間境界甚微細、	
		如來普於一切世界施作佛事盡未來劫而無休息甚微細、	
		如來無礙神力周遍法界甚微細、	
		如來於盡虛空界一切世界普現成佛調伏眾生甚微細、	
		如來於一佛身現無量佛身甚微細、	
		如來於去來今三世中皆處道場自在智甚微細	
	成就清淨世間	——如是等一切微細悉能了知；成就清淨，普能示現一切世間；於念念中增長智慧，圓滿不退；善巧方便修菩薩行，無有休息；成就普賢迴向之地，具足一切如來功德，永不厭捨菩薩所行，出生菩薩現前境界；無量方便皆悉清淨，普欲安隱一切眾生；修菩薩行，成就菩薩大威德地，得諸菩薩心之樂欲，獲金剛幢迴向之門，出生法界諸功德藏，常為諸佛之所護念；入諸菩薩深妙法門，演說一切真實之義，於法善巧無所違失，起大誓願不捨眾生；於一念中盡知一切心、非心地境界之藏，於非心處示生於心；遠離語言，安住智慧，同諸菩薩所行之行，以自在力示成佛道，盡未來際常無休息；一切世間眾生劫數，妄想言說之所建立，神通願力悉能示現。	

附25-E：華嚴經十迴向品之無著無縛解脫迴向十種普賢行微細智之三

禪定波羅蜜	得一切眾生界甚微細智	以無著無縛解脫心，修普賢行，得一切眾生界甚微細智，所謂：眾生界分別甚微細智、眾生界言說甚微細智、眾生界執著甚微細智、眾生界異類甚微細智、眾生界同類甚微細智、眾生界無量趣甚微細智、眾生界不思議種種分別所作甚微細智、眾生界無量雜染甚微細智、眾生界無量清淨甚微細智——如是等一切眾生境界甚微細，於一念中能以智慧皆如實知；廣攝眾生而為說法，開示種種清淨法門，令修菩薩廣大智慧；化身無量，見者歡喜，以智日光照菩薩心，令其開悟智慧自在。
般若波羅蜜	得盡虛空界、法界、一切世界甚微細智 入普賢行智慧神通	以無著無縛解脫心，為一切眾生於一切世界修普賢行，得盡虛空界、法界、一切世界甚微細智，所謂：（二十一種世界成就甚微細智）
		小世界甚微細智、
		大世界甚微細智、
		雜染世界甚微細智、
		清淨世界甚微細智、
		無比世界甚微細智、
		種種世界甚微細智、
		廣世界甚微細智、
		狹世界甚微細智、
		無礙莊嚴世界甚微細智、
		遍一切世界佛出現甚微細智、
		遍一切世界說正法甚微細智、
		遍一切世界普現身甚微細智、
		遍一切世界放大光明甚微細智、
		盡一切世界示現諸佛自在神通甚微細智、
		盡一切世界以一音聲示一切音甚微細智、
		入一切世界一切佛刹道場眾會甚微細智、
		以一切法界佛刹作一佛刹甚微細智、
		以一佛刹作一切法界佛刹甚微細智、
		知一切世界如夢甚微細智、
		知一切世界如像甚微細智、
		知一切世界如幻甚微細智；
		如是了知出生一切菩薩之道，入普賢行智慧神通，具普賢觀，修菩薩行，常無休息；得一切佛自在神變，具無礙身，住無依智，於諸善法無所取著，心之所行悉無所得；於一切處起遠離想，於菩薩行起淨修想，於一切智無取著想，以諸三昧而自莊嚴，智慧隨順一切法界。

附25-E：華嚴經十迴向品之無著無縛解脫迴向十種普賢行微細智之四

方便波羅蜜	得無量法界甚微細智		以無著無縛解脫心，入普賢菩薩行門，得無量法界甚微細智、
		佛	演說一切法界甚微細智、
		法	入廣大法界甚微細智、
		僧	分別不思議法界甚微細智、
		精進	分別一切法界甚微細智、
		禪定	一念遍一切法界甚微細智、
		般若	普入一切法界甚微細智、
		方便	知一切法界無所得甚微細智、
		願	觀一切法界無所礙甚微細智、
		力	知一切法界無有生甚微細智、
		智	於一切法界現神變甚微細智
			——如是等一切法界甚微細，以廣大智皆如實知；於法自在，示普賢行，令諸眾生皆悉滿足；不捨於義，不著於法，出生平等無礙之智；知無礙本，不住一切法，不壞諸法性，如實無染，猶若虛空，隨順世間起於言說；開真實義，示寂滅性，於一切境無依、無住、無有分別；明見法界，廣大安立，了諸世間及一切法平等無二，離一切著。
願波羅蜜	修普賢入世界十波羅蜜圓滿利用		以無著無縛解脫心，修普賢行，生諸劫甚微細智，所謂：
			以不可說劫為一念甚微細智、
			以一念為不可說劫甚微細智、
			以阿僧祇劫入一劫甚微細智、
			以一劫入阿僧祇劫甚微細智、
			以長劫入短劫甚微細智、
			以短劫入長劫甚微細智、
			入有佛劫無佛劫甚微細智、
			知一切劫數甚微細智、
			知一切劫非劫甚微細智、
			一念中見三世一切劫甚微細智
			如是等一切諸劫甚微細，以如來智，於一念中皆如實知；得諸菩薩圓滿行王心、入普賢行心、離一切分別異道戲論心、發大願無懈怠心、普見無量世界網無量諸佛充滿心、於諸佛善根諸菩薩行能聞持心、於安慰一切眾生廣行聞已不忘心、能於一切劫現佛出世心、於一一世界盡未來際行不動行無休息心、於一切世界中以如來身業充滿菩薩身心。
力波羅蜜	成不退轉得一切法甚微細智		以無著無縛解脫心，修普賢行，成不退轉，得一切法甚微細智，所謂：
			甚深法甚微細智、
			廣大法甚微細智、
			種種法甚微細智、
			莊嚴法甚微細智、

附25-E：華嚴經十迴向品之無著無縛解脫迴向十種普賢行微細智之五

力波羅蜜	成不退轉得一切甚微細智		一切法無有量甚微細智、
			一切法入一法甚微細智、
			一法入一切法甚微細智、
			一切法入非法甚微細智、
			無法中安立一切法而不相違甚微細智、
			入一切佛法方便無有餘甚微細智
			——如是等一切世界一切言說所安立法諸微細智，與彼同等，其智無礙，皆如實知；得入無邊法界心，於一一法界深心堅住，成無礙行；以一切智充滿諸根，入諸佛智，正念方便，成就諸佛廣大功德；遍滿法界，普入一切諸如來身，現諸菩薩所有身業，隨順一切世界言辭，演說於法；得一切佛神力所加智慧意業，出生無量善巧方便分別諸法薩婆若智。
智波羅蜜	出生一切甚微細智		以無著無縛解脫心，修普賢行，出生一切甚微細智，所謂：
		佛	知一切刹甚微細智、
		法	知一切眾生甚微細智、
		僧	知一切法果報甚微細智、
		精進	知一切眾生心甚微細智、
		禪定	知一切說法時甚微細智、
		般若	知一切法界甚微細智、
		方便	知一切盡虛空界三世甚微細智、
		願	知一切語言道甚微細智、
		力	知一切世間行甚微細智、
		智	知一切出世行甚微細智、
		總說	乃至知一切如來道、一切菩薩道、一切眾生道甚微細智；（自性地三寶微細智）
			修菩薩行，住普賢道，若文若義皆如實知；生如影智，生如夢智，生如幻智，生如響智，生如化智，生如空智，生寂滅智，生一切法界智，生無所依智，生一切佛法智。（總說生十種智）

（返回第408頁）

附25-1：華嚴經十迴向品之等法界無量迴向(法界迴向)之一

云何十向		佛子！云何為菩薩摩訶薩等法界無量迴向？（智波羅蜜理事合會為主）
依於自性三寶成就等法界無量迴向（本體）	以離垢繒而繫其頂住法師位廣行法施（佛）	佛子！此菩薩摩訶薩以離垢繒而繫其頂，住法師位，廣行法施，起大慈悲安立眾生，於菩提心常行饒益無有休息；以菩提心長養善根，為諸眾生作調御師，示諸眾生一切智道；為諸眾生作法藏日，善根光明普照一切；於諸眾生其心平等，修諸善行無有休息；心淨無染，智慧自在，不捨一切善根道業；作諸眾生大智商主，普令得入安隱正道；為諸眾生而作導首，令修一切善根法行；為諸眾生作不可壞堅固善友，令其善根增長成就。
	法施為首思惟觀察一切智門無邊境界（法）	佛子！此菩薩摩訶薩以法施為首，發生一切清淨白法，攝受趣向一切智心，殊勝願力究竟堅固；成就增益，具大威德，依善知識，心無諂誑，思惟觀察一切智門無邊境界。 以此善根如是迴向：願得修習、成就、增長廣大無礙一切境界；願得於佛正教之中，乃至聽聞一句、一偈受持演說；願得憶念與法界等無量無邊一切世界去、來、現在一切諸佛，既憶念已，修菩薩行。又願以此念佛善根，為一眾生於一世界盡未來劫修菩薩行；如於一世界，盡法界、虛空界、一切世界皆亦如是；
	以廣大善根修菩薩清淨梵行誓願修行悉令圓滿（僧）	如為一眾生，為一切眾生亦復如是。以善方便，一一皆為盡未來劫大誓莊嚴，終無離佛善知識想，常見諸佛現在其前，無有一佛出興於世不得親近。一切諸佛及諸菩薩所讚所說清淨梵行，誓願修行，悉令圓滿，所謂：不破梵行、不缺梵行、不雜梵行、無玷梵行、無失梵行、無能蔽梵行、佛所讚梵行、無所依梵行、無所得梵行、增益菩薩清淨梵行、三世諸佛所行梵行、無礙梵行、無著梵行、無諍梵行、無滅梵行、安住梵行、無比梵行、無動梵行、無亂梵行、無恚梵行。
	圓滿清淨梵行普為利益一切眾生	佛子！菩薩摩訶薩若能為己修行如是清淨梵行，則能普為一切眾生，
		佛 令一切眾生皆得安住；
		法 令一切眾生皆得開曉；
		僧 令一切眾生皆得成就；
		精進 令一切眾生皆得清淨；
		禪定 令一切眾生皆得無垢；
		般若 令一切眾生皆得照明；
		方便 令一切眾生離諸塵染；
		願 令一切眾生無諸障翳；
		力 令一切眾生離諸熱惱；
		智 令一切眾生離諸纏縛；
		總說 令一切眾生永離諸惡；
		令一切眾生無諸惱害，畢竟清淨。
		何以故？菩薩摩訶薩…（自不成就亦不能令眾生成就）
	佛	自於梵行不能清淨，不能令他而得清淨；
	法	自於梵行而有退轉，不能令他無有退轉；
	僧	自於梵行而有失壞，不能令他無有失壞；

附25-1：華嚴經十迴向品之等法界無量迴向(法界迴向)之二

等法界無量迴向（本體）	圓滿清淨梵行普為利益眾生	精進	自於梵行而有遠離，不能令他常不遠離；
		禪定	自於梵行而有懈怠，不能令他不生懈怠；
		般若	自於梵行不生信解，不能令他心生信解；
		方便	自於梵行而不安住，不能令他而得安住；
		願	自於梵行而不證入，不能令他心得證入；
		力	自於梵行而有放捨，不能令他恒不放捨；
		智	自於梵行而有散動，不能令他心不散動。
		修法因行（精進）	何以故？菩薩摩訶薩住無倒行，說無倒法，所言誠實，如說修行，淨身、口、意，離諸雜染，住無礙行，滅一切障。菩薩摩訶薩自得淨心，為他演說清淨心法；自修和忍，以諸善根調伏其心，令他和忍，以諸善根調伏其心；自離疑悔，亦令他人永離疑悔；自得淨信，亦令他得不壞淨信；自住正法，亦令眾生安住正法。
成就眾生十波羅蜜圓滿起等法界無量迴向（相用）	以法施善根一切迴向，為令眾生悉得成就——（佛）		佛子！菩薩摩訶薩復以法施所生善根如是迴向，所謂：
		根本智成就	願我獲得一切諸佛無盡法門，普為眾生分別解說，皆令歡喜，心得滿足，摧滅一切外道異論。
			願我能為一切眾生演說三世諸佛法海，於一一法生起、一一法義理、一一法名言、一一法安立、一一法解說、一一法顯示、一一法門戶、一一法悟入、一一法觀察、一一法分位，悉得無邊無盡法藏，獲無所畏，具四辯才，廣為眾生分別解說，窮未來際而無有盡。（十種佛法海微細）
			為欲令一切眾生立勝志願，出生無礙、無謬失辯；
			為欲令一切眾生皆生歡喜，
			為欲令一切眾生成就一切淨法光明，隨其類音，演說無斷：
			為欲令一切眾生深信歡喜，住一切智，辦了諸法，俾無迷惑，作是念言：
			我當普於一切世界，為諸眾生精勤修習，（十種遍法界無量）
		佛	得遍法界無量自在身，
		法	得遍法界無量廣大心，
	精進 禪定 般若 方便 願 力 智	僧	具等法界無量清淨音聲，
		精進	現等法界無量眾會道場，
		禪定	修等法界無量菩薩業，
		般若	得等法界無量菩薩住，
		方便	證等法界無量菩薩平等，
		願	學等法界無量菩薩法，
		力	住等法界無量菩薩行，
		智	入等法界無量菩薩迴向。
			是為菩薩摩訶薩以諸善根而為迴向，為令眾生悉得成就一切智故。
	法		佛子！菩薩摩訶薩復以善根如是迴向，所謂：
		佛	為欲見等法界無量諸佛，
		法	調伏等法界無量眾生，

附25-1：華嚴經十迴向品之等法界無量迴向(法界迴向)之三

成就眾生十波羅蜜圓滿起等法界無量迴向（相用）	眾生成就迴向——（法）	僧	住持等法界無量佛刹，
		精進	證等法界無量菩薩智，
		禪定	獲等法界無量無所畏，
		般若	成等法界無量諸菩薩陀羅尼，
		方便	得等法界無量諸菩薩不思議住，
		願	具等法界無量功德，
		力	（疑缺文）
		智	滿等法界無量利益眾生善根；
		十一種平等	又願以此善根故，令我得福德平等、智慧平等、力平等、無畏平等、清淨平等、自在平等、正覺平等、說法平等、義平等、決定平等、一切神通平等，如是等法皆悉圓滿。如我所得，願一切眾生亦如是得，如我無異。
	淨行成就（僧）		佛子！菩薩摩訶薩復以善根如是迴向，所謂：
		佛	如法界無量，善根迴向亦復如是，所得智慧終無有量；
		法	如法界無邊，善根迴向亦復如是，見一切佛，無有其邊；
		僧	如法界無限，善根迴向亦復如是，詣諸佛刹無有齊限；
		精進	如法界無際，善根迴向亦復如是，於一切世界修菩薩行無有涯際；
		禪定	如法界無斷，善根迴向亦復如是，住一切智永不斷絕；
		般若	如法界一性，善根迴向亦復如是，與一切眾生同一智性；
		方便	如法界自性清淨，善根迴向亦復如是，令一切眾生究竟清淨；
		願	如法界隨順，善根迴向亦復如是，令一切眾生悉皆隨順普賢行願；
	力	如法界莊嚴，善根迴向亦復如是，令一切眾生以普賢行而為莊嚴；	
智	如法界不可失壞，善根迴向亦復如是，令諸菩薩永不失壞諸清淨行。		
成就眾生無邊世界精進——（精進）	本體		佛子！菩薩摩訶薩復以此善根如是迴向，所謂：
		佛	願以此善根，承事一切諸佛菩薩皆令歡喜；
		法	願以此善根，速得趣入一切智性；
	十一種利益眾生	僧	願以此善根，遍一切處，修一切智；
		佛	願以此善根，令一切眾生常得往觀一切諸佛；
		法	願以此善根，令一切眾生常見諸佛，能作佛事；
		僧	願以此善根，令一切眾生恒得見佛，不於佛事生怠慢心；
		精進	願以此善根，令一切眾生常得見佛，心喜清淨，無有退轉；
		禪定	願以此善根，令一切眾生常得見佛，心善解了；
		般若	願以此善根，令一切眾生常得見佛，不生執著；
			願以此善根，令一切眾生常得見佛，了達無礙；
		方便	願以此善根，令一切眾生常得見佛，成普賢行；
		願	願以此善根，令一切眾生常見諸佛，現在其前，無時暫捨；
		力	願以此善根，令一切眾生常見諸佛，出生菩薩無量諸力；
智	願以此善根，令一切眾生常見諸佛，於一切法永不忘失。		

附25-1：華嚴經十迴向品之等法界無量迴向(法界迴向)之四

成就眾生十波羅蜜圓滿起等法界無量迴向	成就眾生(禪定)		佛子！菩薩摩訶薩又以諸善根如是迴向，所謂：如法界無起性迴向、如法界根本性迴向、如法界自體性迴向、如法界無依性迴向、如法界無忘失性迴向、如法界空無性迴向、如法界寂靜性迴向、如法界無處所性迴向、如法界無遷動性迴向、如法界無差別性迴向。
	成就眾生智慧圓滿得佛護持說真實法（般若）	眾生涅槃十波羅蜜成就	佛子！菩薩摩訶薩復以法施所有宣示、所有開悟及因此起一切善根如是迴向，所謂：（二十種正法智慧成就，依十波羅蜜自法圓滿即利益眾生法圓滿）
			願一切眾生成菩薩法師，常為諸佛之所護念；
			願一切眾生作無上法師，方便安立一切眾生於一切智；
			願一切眾生作無屈法師，一切問難莫能窮盡；
			願一切眾生作無礙法師，得一切法無礙光明；
			願一切眾生作智藏法師，能善巧說一切佛法；
			願一切眾生成諸如來自在法師，善能分別如來智慧；
			願一切眾生作如眼法師，說如實法，不由他教；
			願一切眾生作憶持一切佛法法師，如理演說，不違句義；
			願一切眾生作修行無相道法師，以諸妙相而自莊嚴，放無量光，善入諸法；
			願一切眾生作大身法師，其身普遍一切國土，興大法雲，雨諸佛法；
		眾生菩薩十波羅蜜成就	願一切眾生作護法藏法師，建無勝幢，護諸佛法，令正法海無所缺減；
			願一切眾生作一切法日法師，得佛辯才，巧說諸法；
			願一切眾生作妙音方便法師，善說無邊法界之藏；
			願一切眾生作到法彼岸法師，以智神通開正法藏；
			願一切眾生作安住正法法師，演說如來究竟智慧；
			願一切眾生作了達諸法法師，能說無量無盡功德；
			願一切眾生作不誑世間法師，能以方便令入實際；
			願一切眾生作破諸魔眾法師，善能覺知一切魔業；
			願一切眾生作諸佛所攝受法師，離我、我所攝受之心；
			願一切眾生作安隱一切世間法師，成就菩薩說法願力。
	成就眾生方便波羅蜜迴向	十種不取著精進迴向	佛子！菩薩摩訶薩復以諸善根如是迴向，所謂：
			不以取著業故迴向，
			不以取著報故迴向，
			不以取著心故迴向，
			不以取著法故迴向，
			不以取著事故迴向，
			不以取著因故迴向，
			不以取著語言音聲故迴向，
			不以取著名句文身故迴向，
			不以取著迴向故迴向，
			不以取著利益眾生故迴向。

附25-1：華嚴經十迴向品之等法界無量迴向(法界迴向)之五

成就眾生十波羅蜜圓滿起等法界無量迴向	成就眾生方便波羅蜜迴向	不為迴向究竟	佛子！菩薩摩訶薩復以善根如是迴向，所謂：不為耽著色境界故迴向，不為耽著聲、香、味、觸、法境界故迴向，不為求生天故迴向，不為求欲樂故迴向，不為著欲境界故迴向，不為求眷屬故迴向，不為求自在故迴向，不為求生死樂故迴向，不為著生死故迴向，不為樂諸有故迴向，不為求和合樂故迴向，不為求可樂著處故迴向，不為懷毒害心故迴向，不壞善根故迴向，不依三界故迴向，不著諸禪解脫三昧故迴向，不住聲聞、辟支佛乘故迴向。但為教化調伏一切眾生故迴向；(十七種不為不究竟迴向)
		但為十波羅蜜圓滿迴向	但為成滿一切智智故迴向；
			但為得無礙智故迴向；
			但為得無障礙清淨善根故迴向；
			但為令一切眾生超出生死證大智慧故迴向；
			但為令大菩提心如金剛不可壞故迴向；
			但為成就究竟不死法故迴向；
			但為以無量莊嚴莊嚴佛種性，示現一切智自在故迴向；
			但為求菩薩一切法明大神通智故迴向；
			但為於盡法界、虛空界一切佛刹，行普賢行圓滿不退，被堅固大願鎧，令一切眾生住普賢地故迴向；
			但為盡未來劫度脫眾生常無休息，示現一切智地無礙光明恒不斷故迴向。
	成就眾生願波羅蜜迴向	自性波羅蜜成就迴向	佛子！菩薩摩訶薩以彼善根迴向時，以如是心迴向，所謂：
			以本性平等心迴向，
			以法性平等心迴向，
			以一切眾生無量平等心迴向，
			以無諍平等心迴向，
			以自性無所起平等心迴向，
			以知諸法無亂心迴向，
			以入三世平等心迴向，
			以出生三世諸佛種性心迴向，
			以得不退失神通心迴向，
			以生成一切智行心迴向。
		令世間福慧圓滿迴向	又為令一切眾生永離一切地獄故迴向；
			為令一切眾生不入畜生趣故迴向；
			為令一切眾生不往閻羅王處故迴向；
			為令一切眾生除滅一切障道法故迴向；
			為令一切眾生滿足一切善根故迴向；
			為令一切眾生能應時轉法輪，令一切歡喜故迴向；
			為令一切眾生入十力輪故迴向；
			為令一切眾生滿足菩薩無邊清淨法願故迴向；
			為令一切眾生隨順一切善知識教，菩提心器得滿足故迴向；
			為令一切眾生受持修行甚深佛法，得一切佛智光明故迴向；

附25-1：華嚴經十迴向品之等法界無量迴向(法界迴向)之六

成就眾生十波羅蜜圓滿起等法界無量迴向	成就眾生願波羅蜜迴向	出世間十波羅蜜成就現前迴向	為令一切眾生修諸菩薩無障礙行常現前故迴向；
			為令一切眾生常見諸佛現其前故迴向；
			為令一切眾生清淨法光明常現前故迴向；
			為令一切眾生無畏大菩提心常現前故迴向；
			為令一切眾生菩薩不思議智常現前故迴向；
			為令一切眾生普救護眾生，令清淨大悲心常現前故迴向；
			為令一切眾生以不可說不可說勝妙莊嚴具莊嚴一切諸佛刹故迴向；
			為令一切眾生摧滅一切眾魔鬪諍羅網業故迴向；
			為令一切眾生於一切佛刹皆無所依修菩薩行故迴向；
			為令一切眾生發一切種智心，入一切佛法廣大門故迴向。
	成就眾生力用波羅蜜迴向	正念清淨智慧決定迴向	佛子！菩薩摩訶薩又以此善根，正念清淨迴向；智慧決定迴向；盡知一切佛法方便迴向；
			為成就無量無礙智故迴向；
			為欲滿足清淨殊勝心故迴向；
			為一切眾生住大慈故迴向；
			為一切眾生住大悲故迴向；
			為一切眾生住大喜故迴向；
			為一切眾生住大捨故迴向；
			為永離二著住勝善根故迴向；
			為思惟觀察分別演說一切緣起法故迴向；
			為立大勇猛幢心故迴向；
			為立無能勝幢藏故迴向；
		依十波羅蜜盡知一切法迴向	為破諸魔眾故迴向；
			為得一切法清淨無礙心故迴向；
			為修一切菩薩行不退轉故迴向；
			為得樂求第一勝法心故迴向；
			為得樂求諸功德法自在清淨一切智智心故迴向；
			為滿一切願，除一切諍，得佛自在無礙清淨法，
			為一切眾生轉不退法輪故迴向；
			為得如來最上殊勝法智慧日，百千光明之所莊嚴，普照一切法界眾生故迴向；
			為欲調伏一切眾生，隨其所樂常令滿足，不捨本願，盡未來際，聽聞正法，修習大行，得淨智慧離垢光明，斷除一切憍慢，消滅一切煩惱，裂愛欲網，破愚癡闇，具足無垢無障礙法故迴向；
			為一切眾生，於阿僧祇劫常勤修習一切智行無有退轉，一一令得無礙妙慧，示現諸佛自在神通無有休息故迴向。

附25-1：華嚴經十迴向品之等法界無量迴向(法界迴向)之七

成就眾生十波羅蜜圓滿起等法界無量迴向	力波羅蜜迴向	不著三有 五欲境界 而起迴向	佛子！菩薩摩訶薩以諸善根如是迴向時，不應貪著三有、五欲境界。何以故？菩薩摩訶薩應以無貪善根迴向，應以無瞋善根迴向，應以無癡善根迴向，應以不害善根迴向，應以離慢善根迴向，應以不諂善根迴向，應以質直善根迴向，應以精勤善根迴向，應以修習善根迴向。佛子！菩薩摩訶薩如是迴向時得淨信心，於菩薩行歡喜忍受，修習清淨大菩薩道；具佛種性，得佛智慧；捨一切惡，離眾魔業；親近善友，成己大願；請諸眾生，設大施會。
	成就眾生智波羅蜜迴向	(令眾生得一切妙音迴向) 令眾生得四十四種音迴向	佛子！菩薩摩訶薩復以此法施所生善根如是迴向，所謂：(此處疑為缺文，結構請參見六十華嚴之依自性地成就十波羅蜜眾生回向)
			令一切眾生，得淨妙音，得柔軟音，得天鼓音，得無量無數不思議音，得可愛樂音，得清淨音，得周遍一切佛刹音，得百千那由他不可說功德莊嚴音，得高遠音，得廣大音，(佛十波羅蜜音)
			得滅一切散亂音，得充滿法界音，得攝取一切眾生語言音；得一切眾生無邊音聲智，得一切清淨語言音聲智，得無量語言音聲智，得最自在音入一切音聲智；得一切清淨莊嚴音，得一切世間無厭足音，得究竟不繫屬一切世間音，(十法音)
			得歡喜音，得佛清淨語言音，得說一切佛法遠離癡翳名稱普聞音，得令一切眾生得一切法陀羅尼莊嚴音，得說一切無量種法音，得普至法界無量眾會道場音，得普攝持不可思議法金剛句音，得開示一切法音，得能說不可說字句差別智藏音，得演說一切法無所著不斷音，(十清淨行音)
			得一切法光明照耀音，得能令一切世間清淨究竟至於一切智音，得普攝一切法句義音，得神力護持自在無礙音，得到一切世間彼岸智音。(精進音)
眾生世界成就迴向	東方——大圓鏡智	得清淨正覺法身成就(法身)	又以此善根，令一切眾生，得不下劣音，得無怖畏音，得無染著音，得一切眾會道場歡喜音，得隨順美妙音，得善說一切佛法音，得斷一切眾生疑念皆令覺悟音，得具足辯才音，得普覺悟一切眾生長夜睡眠音。(九種圓滿音，此處疑缺文)
	南方——平等性智	智身清淨示現眾生成就(報身)	佛子！菩薩摩訶薩復以諸善根如是迴向，所謂：願一切眾生得離眾過惡清淨法身，願一切眾生得離眾過惡淨妙功德，願一切眾生得離眾過惡清淨妙相，願一切眾生得離眾過惡清淨業果，願一切眾生得離眾過惡清淨一切智心，願一切眾生得離眾過惡無量清淨菩提心，願一切眾生得離眾過惡了知諸根清淨方便，願一切眾生得離眾過惡清淨信解，願一切眾生得離眾過惡清淨勤修無礙行願，願一切眾生得離眾過惡清淨正念、智慧辯才。(十種一切眾生成就大願)
			佛子！菩薩摩訶薩復以諸善根，為一切眾生如是迴向：願得種種清淨妙身，所謂：光明身、離濁身、無染身、清淨身、極清淨身、離塵身、極離塵身、離垢身、可愛樂身、無障礙身。
			於一切世界現諸業像，於一切世間現言說像，於一切宮殿現安立像。如淨明鏡，種種色像自然顯現，示諸眾生大菩提行，示諸眾生甚深妙法，示諸眾生種種功德，示諸眾生修行之道，示諸眾生成就之行，示諸眾生菩薩行願，示諸眾生於一世界、一切世界佛興於世，示諸眾生一切諸佛神通變化，示諸眾生一切菩薩不可思議解脫威力，示諸眾生成滿普賢菩薩行願一切智性。菩薩摩訶薩以如是等微妙淨身，方便攝取一切眾生，悉令成就清淨功德一切智身。(十種示)

附25-1：華嚴經十迴向品之等法界無量迴向(法界迴向)之八

成就眾生十波羅蜜圓滿起等法界無量迴向	眾生世界成就迴向	西方——妙觀察智	應時說法成就 入諸世界	佛子！菩薩摩訶薩復以法施所生善根如是迴向：願身隨住一切世界修菩薩行，眾生見者皆悉不虛，發菩提心永無退轉，順真實義不可傾動；於一切世界，盡未來劫，住菩薩道而無疲厭；大悲均普，量同法界；知眾生根，應時說法，常不休息；於善知識，心常正念，乃至不捨一剎那頃；一切諸佛常現在前，心常正念未曾暫懈，修諸善根無有虛偽；置諸眾生於一切智，令不退轉；具足一切佛法光明，持大法雲，受大法雨，修菩薩行；入一切眾生，入一切佛刹，入一切諸法，入一切三世，入一切眾生業報智，入一切菩薩善巧方便智，入一切菩薩出生智，入一切菩薩清淨境界智，入一切佛自在神通，入一切無邊法界，於此安住，修菩薩行。
		北方——成所作智	莊嚴世界成就 無量精進	佛子！菩薩摩訶薩復以法施所修善根如是迴向：願一切佛刹皆悉清淨，以不可說不可說莊嚴具而莊嚴之。一一佛刹，其量廣大，同於法界，純善無礙，清淨光明，諸佛於中現成正覺。一佛刹中清淨境界，悉能顯現一切佛刹；如一佛刹，一切佛刹亦復如是。其一一刹，悉以等法界無量無邊清淨妙寶莊嚴之具而為嚴飾。 所謂：阿僧祇清淨寶座，敷眾寶衣；阿僧祇寶帳，寶網垂布；阿僧祇寶蓋，一切妙寶互相映徹；阿僧祇寶雲，普雨眾寶；阿僧祇寶華，周遍清淨；阿僧祇眾寶所成欄、楯、軒、檻，清淨莊嚴；阿僧祇寶鈴，常演諸佛微妙音聲，周流法界；阿僧祇寶蓮華，種種寶色開敷榮曜；阿僧祇寶樹，周匝行列，無量妙寶以為華果；阿僧祇寶宮殿，無量菩薩止住其中，阿僧祇寶樓閣，廣博崇麗，延袤遠近；阿僧祇寶却敵，大寶所成，莊嚴妙好；阿僧祇寶門闥，妙寶瓔珞周匝垂布；阿僧祇寶窓牖，不思議寶清淨莊嚴；阿僧祇寶多羅，形如半月，眾寶集成。…（九十四種阿僧祇寶成就莊嚴，見附25-F）
		成就無餘迴向	無量世界	佛子！菩薩摩訶薩於彼一切諸佛刹中，於一佛刹、一方、一處、一毛端量，有無量無邊不可說數諸大菩薩，皆悉成就清淨智慧，充滿而住。如一佛刹、一方、一處、一毛端量，如是盡虛空遍法界一一佛刹、一一方、一一處、一一毛端量，悉亦如是。是為菩薩摩訶薩以諸善根而為迴向，普願一切諸佛國土悉具種種妙寶莊嚴。如寶莊嚴，如是廣說；如是香莊嚴、華莊嚴、鬘莊嚴、塗香莊嚴、燒香莊嚴、末香莊嚴、衣莊嚴、蓋莊嚴、幢莊嚴、幡莊嚴、摩尼寶莊嚴，次第乃至過此百倍皆如寶莊嚴，如是廣說。
		佛刹迴向		佛子！菩薩摩訶薩以法施等所集善根，為長養一切善根故迴向；為嚴淨一切佛刹故迴向；為成就一切眾生故迴向；（自性三寶成就為首，凡二十三迴向）
		圓滿堅固成就十波羅蜜		為令一切眾生皆心淨不動故迴向；
				為令一切眾生皆入甚深佛法故迴向；
				為令一切眾生皆得無能過清淨功德故迴向；
				為令一切眾生皆得不可壞清淨福力故迴向；
				為令一切眾生皆得無盡智力，度諸眾生令入佛法故迴向；
				為令一切眾生皆得平等無量清淨言音故迴向；
				為令一切眾生皆得平等無礙眼，成就盡虛空遍法界等智慧故迴向；
				為令一切眾生皆得清淨念，知前際劫一切世界故迴向；
				為令一切眾生皆得無礙大智慧，悉能決了一切法藏故迴向；
				為令一切眾生皆得無限量大菩提，周遍法界無所障礙故迴向；

附25-1：華嚴經十迴向品之等法界無量迴向(法界迴向)之九

成就眾生十波羅蜜圓滿起等法界無量迴向	眾生世界成就迴向	圓滿菩薩十波羅蜜解脫成就	為令一切眾生皆得平等無分別同體善根故迴向；
			為令一切眾生皆得一切功德具足莊嚴清淨身、語、意業故迴向；
			為令一切眾生皆得同於普賢行故迴向；
			為令一切眾生皆得入一切同體清淨佛刹故迴向；
			為令一切眾生悉觀察一切智，皆趣入圓滿故迴向；
			為令一切眾生皆得遠離不平等善根故迴向；
			為令一切眾生皆得平等無異相，深心次第圓滿一切智故迴向；
			為令一切眾生皆得安住一切白法故迴向；
			為令一切眾生皆於一念中證一切智得究竟故迴向；
			為令一切眾生皆成滿清淨一切智道故迴向。
	入自性地法界圓滿成就迴向	佛波羅蜜迴向成就	佛子！菩薩摩訶薩以諸善根普為一切眾生如是迴向已，復以此善根，
			欲普圓滿演說一切清淨行法力故迴向；
			欲成就清淨行威力，得不可說不可說法海故迴向；
			欲於一一法海，具足無量等法界清淨智光明故迴向；
			欲開示演說一切法差別句義故迴向；
			欲成就無邊廣大一切法光明三昧故迴向；
			欲隨順三世諸佛辯才故迴向；
			欲成就去、來、現在一切佛自在身故迴向；
			為尊重一切佛可愛樂無障礙法故迴向；
			為滿足大悲心，救護一切眾生常無退轉故迴向；
		普賢圓滿法界	欲成就不思議差別法、無障礙智心、無垢染諸根清淨，普入一切眾會道場故迴向；
			欲於一切若覆若仰、若麤若細、若廣若狹、小大染淨，如是等諸佛國土，常轉平等不退法輪故迴向；
			欲於念念中得無所畏、無有窮盡種種辯才妙法光明開示演說故迴向；為樂求眾善，發心修習，諸根轉勝，獲一切法大神通智，盡能了知一切諸法故迴向；
		法波羅蜜迴向成就	欲於一切眾會道場親近供養，為一切眾生演一切法咸令歡喜故迴向。 (十波羅蜜迴向，三普賢法界成就迴向，凡十三迴向)
			佛子！菩薩摩訶薩又以此善根如是迴向，所謂：
			自性涅槃出生法住為核心
			以住法界無量住迴向，
			以住法界無量身業迴向，
			以住法界無量語業迴向，
			以住法界無量意業迴向，
		二十五種迴向	以住法界無量色平等迴向，
			以住法界無量受、想、行、識平等迴向，
			以住法界無量蘊平等迴向，

附25-1：華嚴經十迴向品之等法界無量迴向(法界迴向)之十

成就眾生十波羅蜜圓滿起等法界無量迴向	法波羅蜜迴向成就	入法界依自性菩薩十波羅蜜出生二十五種無量平等迴向	以往法界無量界平等迴向，
			以往法界無量處平等迴向，
			以往法界無量內平等迴向，
			以往法界無量外平等迴向，
			以往法界無量發起平等迴向，
			以往法界無量深心平等迴向，
			以往法界無量方便平等迴向，
			以往法界無量信解平等迴向，
			以往法界無量諸根平等迴向，
			以往法界無量初、中、後際平等迴向，
			以往法界無量業報平等迴向，
			以往法界無量染淨平等迴向，
			以往法界無量眾生平等迴向，
			以往法界無量佛刹平等迴向，
			以往法界無量法平等迴向，
			以往法界無量世間光明平等迴向，
			以往法界無量諸佛菩薩平等迴向，
			以往法界無量菩薩行願平等迴向，
			以往法界無量菩薩出離平等迴向，
			以往法界無量菩薩教化調伏平等迴向，
			以往法界無量法界無二平等迴向，
			以往法界無量如來眾會道場平等迴向。
	僧波羅蜜迴向成就	安住法界等無量成就	佛子！菩薩摩訶薩如是迴向時，
			安住法界無量平等清淨身，
			安住法界無量平等清淨語，
			安住法界無量平等清淨心，
			安住法界無量平等諸菩薩清淨行願，
			安住法界無量平等清淨眾會道場，
			安住法界無量平等為一切菩薩廣說諸法清淨智，
			安住法界無量平等能入盡法界一切世界身，
			安住法界無量平等一切法光明清淨無畏；能以一音盡斷一切眾生疑網，隨其根欲皆令歡喜，住於無上一切種智、力、無所畏、自在神通、廣大功德、出離法中。

附25-1：華嚴經十迴向品之等法界無量迴向(法界迴向)之十一

成就眾生十波羅蜜圓滿起等法界無量迴向	如來地迴向成就	成就見一切佛無量無邊自在力	佛子！是為菩薩摩訶薩第十住等法界無量迴向。菩薩摩訶薩以法施等一切善根如是迴向時，成滿普賢無量無邊菩薩行願，悉能嚴淨盡虛空等法界一切佛刹，令一切眾生亦得如是，具足成就無邊智慧，了一切法，於念念中見一切佛出興於世，於念念中見一切佛無量無邊自在力，所謂：
			廣大自在力、
			無著自在力、
			無礙自在力、
			不思議自在力、
			淨一切眾生自在力、
			立一切世界自在力、
			現不可說語言自在力、
			隨時應現自在力、
			住不退轉神通智自在力、
			演說一切無邊法界俾無有餘自在力、
			出生普賢菩薩無邊際眼自在力、
			以無礙耳識聞持無量諸佛正法自在力、
			一身結跏趺坐周遍十方無量法界於諸眾生無所迫隘自在力、
			以圓滿智普入三世無量法自在力。
		成就涅槃十波羅蜜圓滿清淨	又得無量清淨，所謂：
			一切眾生清淨、
			一切佛刹清淨、
			一切法清淨、
			一切處遍知智清淨、
			遍虛空界無邊智清淨、
			得一切差別言音智以種種言音普應眾生清淨、
			放無量圓滿光普照一切無邊世界清淨、
			出生一切三世菩薩行智清淨、
			一念中普入三世一切諸佛眾會道場智清淨、
			入無邊一切世間令一切眾生皆作所應作清淨。
			如是等皆得具足，皆得成就，皆已修治，皆得平等，皆悉現前，皆悉知見，皆悉悟入，皆已觀察，皆得清淨，到於彼岸。

(返回第331頁)

附25-F:華嚴經十迴向品之等法界無量迴向阿僧祇妙寶莊嚴之一

佛 十 波 羅 蜜	阿僧祇清淨寶座，敷眾寶衣；
	阿僧祇寶帳，寶網垂布；
	阿僧祇寶蓋，一切妙寶互相映徹；
	阿僧祇寶雲，普雨眾寶；
	阿僧祇寶華，周遍清淨；
	阿僧祇眾寶所成欄、楹、軒、檻，清淨莊嚴；
	阿僧祇寶鈴，常演諸佛微妙音聲，周流法界；
	阿僧祇寶蓮華，種種寶色開敷榮曜；
	阿僧祇寶樹，周匝行列，無量妙寶以為華果；
	阿僧祇寶宮殿，無量菩薩止住其中，
法 波 羅 蜜	阿僧祇寶樓閣，廣博崇麗，延袤遠近；
	阿僧祇寶却敵，大寶所成，莊嚴妙好；
	阿僧祇寶門闥，妙寶瓔珞周匝垂布；
	阿僧祇寶窓牖，不思議寶清淨莊嚴；
	阿僧祇寶多羅，形如半月，眾寶集成。如是一切，悉以眾寶而為嚴飾，離垢清淨，不可思議，無非如來善根所起，具足無數寶藏莊嚴。
僧 十 波 羅 蜜	復有阿僧祇寶河，流出一切清淨善法；
	阿僧祇寶海，法水盈滿；
	阿僧祇寶芬陀利華，常出妙法芬陀利聲；
	阿僧祇寶須彌山，智慧山王秀出清淨；
	阿僧祇八楞妙寶，寶線貫穿，嚴淨無比；
	阿僧祇淨光寶，常放無礙大智光明，普照法界；
	阿僧祇寶鈴鐸，更相扣擊，出妙音聲；
	阿僧祇清淨寶，諸菩薩寶具足充滿；
	阿僧祇寶繒綵，處處垂下，色相光潔；
	阿僧祇妙寶幢，以寶半月而為嚴飾；
精 進 波 羅 蜜	阿僧祇寶幡，悉能普雨無量寶幡；
	阿僧祇寶帶，垂布空中，莊嚴殊妙；
	阿僧祇寶敷具，能生種種微細樂觸；
	阿僧祇妙寶旋，示現菩薩一切智眼；
	阿僧祇寶瓔珞，一一瓔珞百千菩薩上妙莊嚴；
	阿僧祇寶宮殿，超過一切妙絕無比；
禪 定	阿僧祇寶莊嚴具，金剛摩尼以為嚴飾；
	阿僧祇種種妙寶莊嚴具，常現一切清淨妙色；
	阿僧祇清淨寶，殊形異彩，光鑒映徹；

附25-F:華嚴經十迴向品之等法界無量迴向阿僧祇妙寶莊嚴之二

禪定波羅蜜	阿僧祇寶山，以為垣牆，周匝圍遶，清淨無礙；
	阿僧祇寶香，其香普熏一切世界；
	阿僧祇寶化事，一一化事周遍法界；
	阿僧祇寶光明，一一光明現一切光。
	復有阿僧祇寶光明，清淨智光照了諸法。
	復有阿僧祇無礙寶光明，一一光明周遍法界。
	有阿僧祇寶處，一切諸寶皆悉具足。
般若十波羅蜜	阿僧祇寶藏，開示一切正法藏寶。
	阿僧祇寶幢，如來幢相迥然高出。
	阿僧祇寶賢，大智賢像，具足清淨。
	阿僧祇寶園，生諸菩薩三昧快樂。
	阿僧祇寶音，如來妙音，普示世間。
	阿僧祇寶形，其一一形皆放無量妙法光明。
	阿僧祇寶相，其一一相悉超眾相。
	阿僧祇寶威儀，見者皆生菩薩喜樂。
	阿僧祇寶聚，見者皆生智慧寶聚。
方便十波羅蜜	阿僧祇寶安住，見者皆生善住寶心。
	阿僧祇寶衣服，其有著者，生諸菩薩無比三昧。
	阿僧祇寶袈裟，其有著者，纔始發心則得善見陀羅尼門。
	阿僧祇寶修習，其有見者，知一切寶皆是業果，決定清淨。
	阿僧祇寶無礙知見，其有見者，得了一切清淨法眼。
	阿僧祇寶光藏，其有見者，則得成就大智慧藏。
	阿僧祇寶座，佛坐其上大師子吼。
	阿僧祇寶燈，常放清淨智慧光明。
	阿僧祇寶多羅樹，次第行列，繚以寶繩，莊嚴清淨。
	其樹復有阿僧祇寶幹，從身聳擢，端直圓潔；
願十波羅蜜	阿僧祇寶枝，種種眾寶莊嚴稠密，不思議鳥翔集其中，常吐妙音宣揚正法；
	阿僧祇寶葉，放大智光，遍一切處；
	阿僧祇寶華，一一華上，無量菩薩結跏趺坐遍遊法界；
	阿僧祇寶果，見者當得一切智智不退轉果。
	阿僧祇寶聚落，見者捨離世聚落法。
	阿僧祇寶都邑，無礙眾生於中盈滿。
	阿僧祇寶宮殿，王處其中，具足菩薩那羅延身，勇猛堅固，被法甲冑，心無退轉。
	阿僧祇寶舍，入者能除戀舍宅心。
	阿僧祇寶衣，著者能令解了無著。
	阿僧祇寶宮殿，出家菩薩充滿其中。
	阿僧祇寶珍玩，見者咸生無量歡喜。

附25-F:華嚴經十迴向品之等法界無量迴向阿僧祇妙寶莊嚴之三

力 十 波 羅 蜜	阿僧祇寶輪，放不思議智慧光明轉不退輪。
	阿僧祇寶跋陀樹，因陀羅網莊嚴清淨。
	阿僧祇寶地，不思議寶間錯莊嚴。
	阿僧祇寶吹，其音清亮充滿法界。
	阿僧祇寶鼓，妙音克諧，窮劫不絕。
	阿僧祇寶眾生，盡能攝持無上法寶。
	阿僧祇寶身，具足無量功德妙寶。
	阿僧祇寶口，常演一切妙法寶音。
	阿僧祇寶心，具清淨意大智願寶。
	阿僧祇寶念，斷諸愚惑，究竟堅固一切智寶。
智 十 波 羅 蜜	阿僧祇寶明，誦持一切諸佛法寶。
	阿僧祇寶慧，決了一切諸佛法藏。
	阿僧祇寶智，得大圓滿一切智寶。
	阿僧祇寶眼，鑒十力寶，無所障礙。
	阿僧祇寶耳，聽聞無量，盡法界聲，清淨無礙。
	阿僧祇寶鼻，常嗅隨順清淨寶香。
	阿僧祇寶舌，能說無量諸語言法。
	阿僧祇寶身，遍遊十方而無罣礙。
	阿僧祇寶意，常勤修習普賢行願。
	阿僧祇寶音，淨妙音聲遍十方界。
總說	阿僧祇寶身業，一切所作以智為首。
	阿僧祇寶語業，常說修行無礙智寶。
	阿僧祇寶意業，得無障礙廣大智寶，究竟圓滿。

(返回第426頁)

*此無量阿僧祇寶之莊嚴，文具九十四種，依法義詳審當有百三阿僧祇之數，疑似缺文，當細辨明。觀十迴向位之初昇兜率天宮品，天王眾等迎佛敷座，有百二十種百萬億層級莊嚴，以自成就莊嚴和合十波羅蜜圓滿之數，今迴向位之第十入法界無量迴向，乃十迴向之圓滿位，依法義會當成就自性迴向之十波羅蜜圓滿，成就入自性佛法僧之成就，故有百阿僧祇寶會自性三寶總莊嚴之，此即凡百三之數也。